



35941

Mag. St. Dr.

P

C.

THEOLOGIA.

N.

~~205~~

58



35941

I

A. m. OZ.

# EXAMEN

## APPROBANDORVM

ad S. Confessiones ex-  
cipiendas.

E T

*Ad Parochias obtinendas, secundum mo-  
dum ac ordinem per Illustriss. & Reueren-  
dissimum D. D. MARTINVM SZY-  
SZKOWSKI, Episcopum Cracouien. Du-  
cem Seuerien. in Synodo Diocesana Anno  
Domini, M. DC. XXII. traditum, in  
quatuordecim Titulos distributum.*

AUTHORE

F. NICOLAO MOSCIGENSI, Doctore  
Theologo, Ord. Prædic.

*Cum licentia Superiorum.*

Secundo editum, correctum, auctum, &  
allegationibus propter eos, qui compen-  
diosa tractatione, contenti non  
essent, ornatum.

CRACOVIAE.

Apud Franciscum Catarium.



## Facultas Superioris.

*F. Andreas Radawiecki, S. T. Magister,  
Vicarius Prouincia Polonia Ordinis Præ-  
dicatorum, R. P. F. Nicolao Moscicensi,  
S. T. Magistro, salutem in Domino.*

*Intelleximus te examen approbandorum  
ad sacras Confessiones excipiendas & Pa-  
rochias obtinendas, velle iterum typis  
mandare, sed tamen quandantenus cur-  
tari. Idcirco nos considerantes operam  
hanc futuram pernecessariam, authorita-  
te officij nostri tibi in S. Obedientia meri-  
tum, peccatorumq; remissionem iniungi-  
mus, vt hoc tuum propositum quamprimum  
executioni mandes. In quorum  
fidem his sigillo munitis, manu propria  
subscripsimus. Dat. Varsavia in Conuen-  
tu S. Hiacinthi. Die 17. Martij, Anno  
Domini 1622.*

Appro-

85.941  
I

## Approbatio.

Ego Sebatianus Nucernus, S. Theologiae Doctor, Ecclesiae Cathedralis Crac. Ordinarius Concionator, librorum praelo in lucem in Diocesi Crac. prodeuntium Censor, fidem praesentibus facio: quia librum Responsionum ad quaestiones pro Examine approbandorum ad S. Confessiones excipiendas in Synodo Diocesana ab Illustriss. & Reuerendiss. D. MARTINO SZYSZKOWSKI, Episcopo Cracouien: traditas, ab Adm. R. P. Nicolao Moscicensi, Ordinis Praedicatorum, S. Dominici, S. Theologiae Doctore, conscriptum, vidi, legi. Est accurata diligentia elaboratus, & materijs ad forum Conscientiae spectantibus breuiter, vtiliter, & fideliter, (iuxta mentem Doctorum) refertus & fecundus. Quocirca vt praelo in lucem & vtilitatem publicam ederetur, censui & iudicauit. Dat. Crac. 28. Martij 1622.

) ( 2

Fr.

Fr. Joannes Chrysoſtomus de Rob-  
czyce, S. T. Magiſter & Concionator  
Cracouiæ in Eccleſia SS. Trinitatis  
Ordinis Prædicatorum. Opus hoc,  
ſecundum ſancita Ordinis fui vidit &  
approbavit vt prodeat in lucem. Le-  
ctor bone ſi perleges, conſiderabiſq;  
Magnam auctoris lectionem ſacro-  
rum voluminum & eruditionem ad-  
uertes. Apponam. Conſolaberis, ſi  
non amplius ob tuam, ſaltem publi-  
cam vtilitatem.

*Ita eſt. Ioan. Chryſoſt. qui ſupra.*

F. Martinus Rudavius S. T. B. &  
vice Regens Stud. Generalis Crac.  
Ordin: Prædic. hoc Examen diligen-  
ter legi, & dignum luce iudicaui,  
Dat. in Conuen. Cracouiens: SS. Tri-  
nitatis 30, Martij 1622.



*Illuſtriſſimo & Reuerendiſſ: Domino,*

**D. MARTINO**  
**SZYSZKOWSKI, EPI-**  
**SCOPO CRACOVIEN:**  
**DVCI SEVERIEN.**



*F. Nicolaus Moſcicenſis, D. T. Ord.*  
*Prædic. in ſignum debita Reuerentia*  
*offerri, ac perpetuo dicat.*

Index cōtentorum in hoc libro.

Tituli sunt quatuordecim.

TITVLVS I.

De Sacramento Pœnitentiæ in genere.

Habet Quæsitæ 13.

1. Ad quem finem sunt instituta Sacramenta noua legis?
2. Salus (ad quam Sacramenta ordinantur) quotuplex?
3. Gratia (quam causant Sacramenta) quotuplex est.
4. Quotuplex est illa gratia communis omnibus Sacramentis?
5. Gratia Sacramentali qui effectus correspondent, in singulis sacramentis?
6. Quomodo sacramenta sunt necessaria ad salutem?
7. Peccatne Christianus non suscipiens sacramenta, quæ tantum utilia sunt, & non simpliciter necessaria?
8. Quis finis Sacramenti Pœnitentiæ?
9. An Sacramentum Pœnitentiæ habeat illa tria, more aliorum Sacramentorum,

I N D E X.

rum scilicet, materiam, formam, & Ministrum?

10. Per Sacramentum Pœnitentiæ, deleturne omnis culpa?
11. Dimittiturne etiam pœna?
12. Quomodo dimittitur aeterna?
13. Semperne remanet reatus pœna temporalis, dimissa culpa mortali?

TITVLVS II.

De Ministro Pœnitentiæ.

Habet Quæsitæ 22.

1. Quæ & quot conditiones requiruntur in Confessario, Ministro Sacramenti Pœnitentiæ?
2. In quo differunt Potestas Ordinis & Iurisdictionis?
3. Ad ministrandum Sacramentum Pœnitentiæ, absoluendumque, à peccatis mortalibus, quæ potestas requiritur?
4. In ordinatione Sacerdotis conferturne simul etiam potestas iurisdictionis?
5. An in aliquo casu non Sacerdos possit ministrare Sacramentum Pœnitentiæ?

Quæ

## INDEX.

6. *Qua scientia requiritur in Confessario?*
7. *Hac scientia sufficiens regulariter, ad quot capita reduci potest?*
8. *Qua regula sunt ad discernendum peccatum mortale à veniali?*
9. *Peccatum ex natura sua mortale quot modis transit in veniale.*
10. *Veniale autem ex natura sua, quomodo sit mortale ex accidente?*
11. *Qua bonitas de necessitate in Confessario requiritur?*
12. *Confessarius conscius peccati mortalis peccat: nè ministrando Sacramentum, praesertim exigente subdito?*
13. *An excommunicatus possit esse minister Sacramenti?*
14. *An debeat interrogari paenitens de peccatis, quando & quomodo, seu quo ordine?*
15. *Quomodo?*
16. *Quo ordine?*
17. *Qua & quot sunt diligentius in interrogationibus observanda?*

Con-

## INDEX.

18. *Confessarius omittens interrogationes peccat: nè?*
19. *Quid si paenitens interrogatus, neget.*
20. *Potestne aliquando Confessarius interrogationem dissimulare?*
21. *Quid faciet Confessor qui malè absoluit paenitentem?*
22. *An ad defectum supplendum, vel propter aliam causam absolutio absentis dari possit.*

## TITVLVS III.

### De Contritione.

Habet Quæsitæ 10.

1. *Qua dispositio requiritur in paenitente.*
2. *Quomodo intelligendum est, Sacramenta efficere ex attrito contritum.*
3. *Quomodo contritio & attritio differunt.*
4. *Contritio & attritio in quo conueniunt.*
5. *Quomodo quis probabiliter possit cognoscere se habere contritionem, vel attritionem.*
6. *Contritio quibus modis acquiri potest.*

) ( 5

An

## INDEX.

7. An contritio aliquando sit in praecepto.
8. An debeat quis conteri de singulis peccatis, an verò de omnibus in communi & quando.
9. An formale propositum non peccandi, sit de necessitate contritionis.
10. Qua occasio à pœnitente deferenda.

### TITVLVS IV.

#### De Confessione.

Habet Quaerita 10.

1. Confessio generalis totius vitæ sive necessaria, vel utilis valde, & an possit in ea quis omittere aliquod peccatum, alias confessum.
2. Quæ peccata de necessitate confitenda, qua de congruitate.
3. Quot sunt circumstantia peccatorum in confessione explicanda.
4. Quomodo differunt circumstantia mutant species ab his, quæ aggravant.
5. Quæ circumstantia in confessione sunt explicanda.

Quæ.

## INDEX.

6. Quibus casibus tenetur quis confiteri.
7. Quibus casibus tenetur quis iterare confessionem.
8. Quomodo inualida confessio est iteranda.
9. Quæ confessio est perfecta.
10. An aliquod peccatum possit à pœnitente celari, & confessori non indicari.

### TITVLVS V.

#### De Satisfactione.

Habet Quaerita 8.

1. Qualis & quanta debeat esse pœnitentia.
2. Ad implendam satisfactionem quæ requiruntur.
3. Quot modis satisfacere possumus.
4. Quid operatur ista satisfactio.
5. Possitne Confessor commutare, vel tollere pœnitentiam iniunctam ab alio.
6. In quo differt satisfactio Sacramentalis à restitutione.
7. An per opera, alias, debita, possit fieri satisfactio.

Quid



## INDEX.

3. *Quid conferunt Indulgentiæ ad hanc confessionem sacramentalem.*

### TITVLVS. VI.

#### De Absolutione.

Habet Quæsitæ 15.

1. *Quæ verborum forma in absolutione requiritur, de essentia, & quæ de congruitate.*
2. *Quis ordo seruandus in absolutione à peccatis, excommunicatione, aut irregularitate.*
3. *Qui sunt casus referuati Papæ.*
4. *Casus referuati Episcopo quotuplices sunt.*
5. *An Confessor absoluens à referuatis peccet mortaliter.*
6. *An Confessor inferior audita confessione integra, possit pœnitentem à non referuatis absoluerè, & pro absolutione à referuatis ad superiorem remittere.*
7. *Habens facultatem absoluendi ab hæresi in foro pœnitentiæ potestine à sola*  
*excom-*

## INDEX.

*excommunicatione absoluerè, & causa confessionis integra faciendâ, pœnitentem ad inferiorem confessorem remittere.*

8. *An possit Confessor aliquem absoluerè contra suam opinionem.*
9. *Peccatne Confessor absoluens aliquem absq; contritione vel attritione debita.*
10. *An quilibet pœnitens absolui possit, & quolibet loco, & quolibet tempore.*
11. *An habens authoritatem à casibus, possit absoluerè à censuris.*
12. *Quæ absolutio danda est in reconciliationibus.*
13. *In articulo mortis non valentes confiteri, sed tantum signa contritionis ostendentes, quomodo sunt absoluendi.*
14. *Sapius recidiuantes suntne absoluendi.*
15. *An aliqua cautio sit petenda à pœnitente, & in quibus casibus.*

### TITVLVS VII.

#### De Sigillo.

Habet Quæsitæ 12.

1. *Quo-*

INDEX.

1. *Quomodo differat sigillum confessionis à sigillo secreti.*
2. *An sigillum hoc sit de necessitate confessionis.*
3. *Sigilli confessionis quæ est materia, seu quid cadit sub sigillum confessionis.*
4. *In quo consistit sigilli cōfessionis fractio.*
5. *An quæ sciuntur in confessione præter peccata cadant sub sigillo confessionis.*
6. *An licet detegere peccata in confessione audita, quando publica sunt, aut saltò in communi, non nominando personã.*
7. *Peccatè reuelans, dicta sibi sub sigillo confessionis sed extra confessionem.*
8. *An in aliquo casu possit peccatum confessum reuelari.*
9. *An dans penitentiam publicam præ peccato occulto in confessione audito, dicatur reuelare confessionem.*
10. *Quas pœnas incurrit sigilli fractor.*
11. *Quæ cadunt sub sigillum secreti naturalis. Et an omnis detectio sit mortalis.*
12. *An secretum naturale reuelari debeat Iudici ad præceptum illius.*

INDEX.  
TITVLVS VIII.

*De Restitutione.*

Habet Quæstia 18.

1. *An peccans contra charitatem debitans proximo, in non subueniendo ei in necessitate, vel ad peccatum inducendo, teneatur ad aliquam restitutionem.*
2. *Vnde nascitur obligatio restitutionis.*
3. *An consentiens in damno dato, teneatur, ex æquo restituere prout ille qui damnum dedit.*
4. *Qui sunt illi nouem modi, quibus quis dicitur consentire delinquenti per aliquam cooperationem.*
5. *An factores & famuli vsurariorum teneantur ad restitutionem.*
6. *Quid dicendum est de tutoribus aut curatoribus, vel mediatoribus.*
7. *De his verò qui deponunt suam pecuniam apud vsurarium quid. [est.*
8. *Cuius impensis res aliena restituenda*
9. *Res inuenta, vel ab inueniente, aut etiam fure empta, estne, & quomodo restituenda.*

10. *An*

INDEX.

10. An inuentori rei perdita licitum sit, pro inuentione præmium aliquod accipere.
11. An Confessarius, qui per ignorantiam vel negligentiam absoluit aliquem, ante restitutionem iniunctam, sit obligatus ad restitutionem.
12. An qui furatus est rem aliquam & illam habet, satis ei sit, restituere æquiualens.
13. An locans rem furto ablatam debeat restituere pretium locationis Domino.
14. Qui pro committendo aliquo peccato pretium accipit, an illud restituere teneatur.
15. Quæ causa non restituentem à peccato excusant.
16. Bonorum incertorum restitutio quomodo faciendæ.
17. Infamans proximum de delicto verò, an restituere teneatur, & quomodo.
18. Peccatne is qui iniuriam sibi ab aliquo illatam refert amico.

INDEX.

TITVLVS IX.

De Usura.

Habet Quæsitæ 18.

1. Quid sit usura & in quibus rebus consistat.
2. Pro re accommodata aliquid accipere ultra sortem, an sit usura.
3. Quod dicitur iustum pretium.
4. Quæ est iusta estimatio nummorum.
5. Quando valor pecunie variatur, quomodo solutiones sunt faciendæ.
6. An donare aliquid, ut reddatur duplum, si non moriatur ante tale tempus, sit licitum.
7. Quomodo in pacto de retrovendendo, committitur usura.
8. Societatis contractus quid, & quis licitus, & ut talis ineundus.
9. Quis dicatur usurarius manifestus, & à quo absolendus.
10. Vendere rem carius credito, quàm numerato, an sit usura.

INDEX.

11. In quo differunt *lucrum*, *cessans*, & *damnum emergens*.
12. *Quomodo licet exigere aliquid, ultra sortem, ratione damni emergentis, & lucri cessantis.*
13. *An pro pecunia dotali liceat fructus aliquos accipere.*
14. *Prouiso virginū nubiliū antequam nubāt, vel dotem accipiant, estne licita.*
15. *An conditio pupillaris, excusare possit à peccato & restitutione, si capiatur aliquod lucrum ultra sortem.*
16. *Habens pecuniam, sed ea uti ad lucrum nesciens, nec valens: qua ratione sua necessitati consulere potest.*
17. *Faciētes contractum illicitum, bona tamen fide, quem sic sciuisent esse iniustum non fecissent: an postea veritate comperta possunt, ratione lucri cessantis, tantum retinere, quantum iusto contractu, lucrati fuissent.*
18. *An licitum sit ab usurarijs emere pigнора, qua ipsi passim in ciuitatibus publicè vendunt?*

TI-

INDEX.

TITVLVS X.

De *Simonia*.

Habet *Quæstia* 10.

1. *Simonia quid sit & quòduplex.*
2. *An conferens beneficium indigno, ob consanguinitatem, amicitiam, vel preces, sit Simoniacus.*
3. *Quomodo dignoscetur, qui inseruit alicui Prelato, pro beneficio obtinendo, an sit Simoniacus.*
4. *Quomodo per munus à manu, à lingua, & obsequio, committitur *Simonia*.*
5. *Quis Simoniacus sit ipso iure suspensus, vel excommunicatus.*
6. *Resignare beneficium in fauorem tertij continetnè *Simoniam*.*
7. *Permutatio autem Beneficiorum, caretne labe *Simonia*?*
8. *An sit Simoniacum, sumptus in lites & adificia à resignatario exigere?*
9. *Licetne in beneficiū, ob redemptionem vexationis, dare aliquid temporale?*

Quid

I N D E X.

10. *Quid intelligitur per hac nomina, ius ad rem, ius in re.*

TITVLVS XI.

*De Beneficijs.*

Habet Quæſita 13.

1. *Quid in iure, nomine beneficij intelligitur.*
2. *Quotuplex est beneficium ſeculare.*
3. *An inter beneficia præſata, ſint aliqua incompatibilia?*
4. *Adeonè ſunt iſta beneficia incompatibilia, vt in nullo caſu poſſint plura ſimul haberi.*
5. *Quod ſi non putetur ſubefſe legitima diſpenſationis cauſa, is qui obtinuit per diſpenſationem plura beneficia eritnè tutus in conſcientia.*
6. *Quid incurrit ille, qui plura retinet beneficia abſq; diſpenſatione.*
7. *Poteſtnè dari aliquis caſus poſt Conc. Trid. in quo quis licitè poſſit plura beneficia ſine diſpenſatione habere?*

*Quod*

I N D E X.

8. *Quod beneficium cenſetur ſufficiens vita Clerici ſuſtentanda.*
9. *Tenenturnè beneficiarij commorari & reſidere in ſua Eccleſia.*
10. *Beneficiarij quomodo ſe gerere debent, in uſu prouentuum ſuorum beneficiorum.*
11. *Poteſtnè Beneficiarius, propria authoritate, beneficium dimittere.*
12. *Poteſtnè Beneficiarius reſignare beneficium.*
13. *An Beneficiarius poſſit ſacere teſtamentum?*

TITVLVS XII.

*De Cenſuris.*

Habet Quæſita 10.

1. *Quot ſunt Cenſura?*
2. *Quid importat Cenſura?*
3. *Qua eſt differentia inter Cenſuras?*
4. *Qua eſt Excommunicatio maior & minor?*

*Quid*

I N D E X.

5. *Quid sit irregularitas quoad significationem nominis.*
6. *Quot sunt irregularitatis species?*
7. *Ad evitandam irregularitatem: quomodo Confessor, Concionator, & alius Theologus respondere debet, interrogatus de aliquo crimine, pœna mortis digno?*
8. *Clerici habentes iurisdictionem temporalem, quomodo se gerere debent, in puniendis criminibus subditorum.*
9. *Qui querentibus indicat malefactorum, detinet, clamat, ut custodes veniant & capiant, tradit, accusat in iudicio, secuta morte efficiturnè irregularis.*
10. *An confessarius tempore Iubilei possit cum Irregulari dispensare.*

TITVLVS XIII.

*De Iubileo,*

Habet Quæsitæ 14.

1. *Quid significat Iubileum?*

*Quid*

I N D E X.

2. *Quid mouere solet Summum Pontificem ad concedendum Iubileum?*
3. *Quæ est differentia inter Iubileum, & Indulgentiam præsertim plenariam?*
4. *Quæ & quot sunt in Iubileo consideranda?*
5. *Quot conditiones requiruntur ad consequendum Iubileum?*
6. *Declarantur ista requisita omnia & singula.*
7. *Quot & quos fauores Bulla Iubilei continet.*
8. *Quando in Iubileo datur facultas Confessoribus, supra casus in Bulla Cœnæ Domini, censetur concessa facultas etiam supra ipsam heresim.*
9. *Quot requiruntur ad commutationem votorum faciendam.*
10. *Quæ & quot sunt spectanda in commutatione facienda.*
11. *Possuntne aliqua exempla mutandorum votorum proponi, ut Confessarij magis rem hanc penetrent.*

*Quo-*

I N D E X.

12. Quotuplex est finis Iubilei.  
 13. Quomodo ampliantur gratia in Iubileo contenta.  
 14. Quomodo limitantur fauores Iubilei.

TITVLVS XIV.

De quibusdam superstitionibus.

Habet Quæsitæ 4.

1. Fascinatio quid significat: an detur, & quomodo curetur.
2. Licetnè duobus secum pacisci, ut pramoriens superstiti appareat, certiore eum facturum de suo statu.
3. Prouocare ad diuinum iudicium, licetnè.
4. Consuetudo, qua iumentu vena aperitur, die alicui sancto dedicato, estnè superstitiosa.



De quibusdam superstitionibus: ad S. Bar.

TITVLVS I.

De Sacramento Pœnitentiæ in genere.

Habet quæsitæ 13.

QVÆSITVM I.

Ad quem finem sunt instituta Sacramenta noua legis?

R. Ad salutem humanam. D. Th. 3. q. 81. a. 1. Suar: tom. 3. disp. 6. Bellarm. 1. 2. lib. 1. c. 22. Canis. in Carb. cap. 4. § 6. Et propterea (quemadmodum Bellarm: tom. 2. lib. 6. c. 22. ait) vt sint signa & causæ instrumentales gratiæ Dei.

Secundus finis accessorius seu concomitans, assignari potest, vt sint velut symbola & externæ notæ Christianæ professionis, quibus Dei & Ecclesiæ filij se mutuo agnoscant colligenturque Canis. ubi supra ex D. Aug. & S. Basilio & Bellarm.

QVÆSITVM II.

Salus (ad quam Sacramenta ordinantur) quotuplex?

A

R. Du-

R. Duplex. Prima seu proxima, vel inchoata per gratiam, quæ à Theologis iustificatio dicitur. Et vltima seu consummata per gloriam, quæ beatitudo appellatur. *D. Th. Ephes. cap. 2. lect. 3. & alij.*

## QVÆSITVM III.

*Gratia (quam causant Sacramenta) quotuplex est?*

R. Duplex. Communis & Propria. Communis omnibus Sacramentis, est gratia habitualis, quæ multis nominibus appellari solet.

Dicitur enim gratia, gratum facies. Item, iustificans, sanctificans, gratia virtutum (infusarum tam Theologicalium, quam Moralium) & donorum, scilicet, Spiritus sancti.

Quia Virtutes & dona hæc gratiam habitualement comitari solent. *Suar. 10. 3. d. 7. sec. 2.*

In hac gratia communi, tota efficacia Sacramentorum potissimum versatur. *Suar. 1. 3. in comment. a. 1. q. 62.* In eadem: gratia specialis singulorum Sacramentorum fundatur, neque aliter datur hæc, nisi quatenus fundatur in illa.

Vocatur autem hæc propria gratia, gratia Sacra-

Sacra-

Sacramentalis. & nihil aliud est, nisi auxilium Dei, seu actualis eius concursus, in quolibet Sacramento, ad consequendum, vniuscuiusque Sacramenti effectum. Si quidem omnes Theologi, conueniunt in hoc, quod singula Sacramenta, habeant proprias sacramentales gratias, quas efficiunt. *D. Th. 3. q. 62. a. 4. Suar. 10. 3. d. 7. sect. 3.* Vnde necesse est, vt distinctos habeant effectus, quos distinctæ distinctorum Sacramentorum gratiæ producent. Itaque gratia sacramentalis includit supponitque gratiam, gratum facientem, & addit illud auxilium, seu actuale Dei subsidium, mentionemue eius grauitam, ad aliquem certum Sacramenti effectum. *D. Th. ubi supra Soto 4. d. 1. q. 3. a. 2. Gregor. de Valent. t. 4. d. 3. p. 2.*

Quamuis (vt vnum adhuc maioris claritatis causa addam) Gratia Sacramentalis dici etiam possit, ipsa gratia habitualis, seu gratum faciens, quatenus per tale sacramentum, datur ordinaturque ad talem finem, & quatenus ei debetur, coniungiturque, ex diuina institutione tale auxilium. *Soto & Suar. ubi supra.*



## QVÆSITVM IV.

*Quotuplex est illa gratia communis omnibus Sacramentis.*

R. Duplex. Prima. Et Secunda, quæ augmentum gratiæ dicitur. Colligitur ex *D. Th. 1. 2dæ. q. 114. a. 5. 6. 8. Sua. tom. 3. in 3. p. D. Th. disp. 7. sect. 2. Tolet. in summa Cas. lib. 2. c. 16. n. 8.*

Prima vocatur. ante quam immediatè homo Deo gratus non fuit, sed mortuus per peccatum originale vel mortale. Vnde duo Sacramenta, scilicet Baptismus & Pœnitentia (quæ sola hanc primam conferunt gratiam) dicuntur sacramenta mortuorum.

Secunda verò gratia appellatur, quando in homine gratia, seu vita spiritualis inuenitur, & augmentum tantum gratiæ accedit. Vnde reliqua quinque sacramenta dicuntur viuorum, in quantum præsupponunt vitam spiritualem in homine & augmentum gratiæ conferunt.

## QVÆSITVM V.

*Gratia Sacramentali qui effectus correspondent, in singulis sacramentis.*

R. In Sacramento Baptismi proprius effectus corre-

respondens gratiæ baptismali, est regeneratio in vitam spiritualem, seu inchoatio vitæ spiritualis.

In Sacramento Confirmationis, augmentum spiritualium virium, ad constanter confitendum fidem.

In Eucharistiæ Sacramento. Conseruatio, & nutritio charitatis, (in qua vita spiritualis consistit) in quantum per alimentum diuini roboratur homo, ne à calore concupiscentiæ absumatur eius vita spiritualis, seu gratia

In Pœnitentia. Curatio spiritualis; ægritudinis, seu resurrectio, aut restitutio vitæ spiritualis.

In extrema vnctione. Conualescentia perfecta, seu reparatio virium spiritualium, per remotionem reliquiarum morbi.

In ordine. Potestas regendi multitudinem, & exercendi actus publicos.

In Matrimonio. Mutua supportatio, & honesta prolis propagatio, atque educatio. *Qui voluerit poterit legere D. Th. 3. q. 65. a. 1. Valen. & Suar. supra hunc articulum D. Th. Bellarm. tom. 2. c. 26. Et Suar. c. 3. d. 7. S. 3a*

Nota.

*Ex Gregor. Val. 1. 4. d. 3. p. 2. cum dicitur: quod*

quod per quodlibet Sacramentum, datur auxilium peculiare ad Sacramenti effectum: intellige indistinctè, siue efficiendum, siue tantum conferuandum. *Qui voluerit poterit ibidem videte reliqua. Et Suar. ubi sup, § Dico secundò.*

### QVÆSITVM VI.

*Quomodo Sacramenta sunt necessaria ad salutem?*

R. Sacramenta ex natura rei, seclusa institutione Christi non sunt necessaria. Potuit enim Deus sine sacramentis visibilibus saluare. *Henriquez lib. 1. c. 4. n. 1. ex Scor. & Garb. Suar. 10. 3. in commentario. art. 1. q. 61. Bel. c. 22.* Sed posita Christi institutione, Sacramenta sunt necessaria ad salutem. Verùm quia necessitas hæc, non est vniformis in omnibus Sacramentis, sed varia in varijs: ideò Doctores declarant hanc variam necessitatem, varijs etiam modis.

*Bellarmin. 1. 2. l. 1. c. 22. Suar. 10. 3. d. 6. S. 1. § Dico secundò. & copiosius in commentario art. 4. q. 65. D. Tb. Henriq. lib. 1. cap. 4. Utentes illa distinctione de necessitate medijs & præce-*  
ptijs

pti. (Cuius membra declarant, *Suar. ubi supra & disp. 40. Valent. 22 d. 10. 3. disputatio. 7. q. 2. puncto 2.*)

Mihi placet modus, quo vtitur *D. Tb. 3. q. 5. a. 4.*

Videlicet, Necessariū ad salutem duplex. Simpliciter, sine quo salus nullatenus obtineri potest. Et vtiliter, seu ad bene esse, sine quo salus haberi quidem posset, sed non tam bene aut commodè. Itaq; tria Sacramenta Baptismus, Pœnitentia, & Ordo, omnino sunt necessaria, s. simpliciter Baptismus quidem siue in re, quando copia adest, siue in voto, quando deest oportunitas, omnibus ac singulis absolutè.

Pœnitentia his qui post Baptismum peccauerunt mortaliter.

Ordo verò est necessarius non singulis, sed Ecclesiæ in communi, hoc est fidelium vniuersitati: sine quo neque Hierarchia Ecclesiæ consistere posset, neque alia Sacramenta confici.

Reliqua Sacramēta, sunt vtilia, seu necessaria ad bene esse, in quantum per illa cōuenientius salus hominum promouetur. Nam Confirmatio quodāmodo perficit Baptismū, Extrema vñctio Pœnitentiam. Matrimonium

verò Ecclesiæ multitudinem, per propagationem conseruat, ac proinde saluandorum numerum auget.

Eucharistia, est Spiritualis vitæ consummatio, & omnium Sacramentorum finis. *D. Th. 3. q. 73. a. 3.*

QVÆSITVM VII.

*Peccatne Christianus non suscipiens Sacramenta, quæ tantum utilia sunt, & non simpliciter necessaria?*

℞. Non peccat, nisi duo occurrant: Præceptum & contemptus. Et quidem præceptum habet locum in Eucharistiæ Sacramento suscipiendò. *Soto 4. d. 1. q. 6. art. 4. Suar. 10. 3. d. 18. S. 1. & dis. 69. & 70.* Et ideò secundum determinationem Ecclesiæ tenetur homo sub mortali peccato suscipere Sacramentum Eucharistiæ semel in anno.

Contemptus autem potest interuenire in duobus sacramentis præcipuè. In Confirmatione & Extrema vnctione. Vbi sciendū est ex *D. Th. 3. q. 65. a. 4. ad 3.* Quod aliud est non curare suscipere sacramentū, quod non est de necessitate salutis (id enim non est peccatum) Et aliud contemnere, quod superbiam & vili-

& vilipensionem importat. Vnde homo Christianus, qui tempore quo expediret recipere, diceret. Nolo recipere Confirmationis aut Extremæ vnctionis Sacramentum, quasi dignitatem meam non doceat, subijci rebus his, quas & homines viles, & pueri capiunt. Hic procul dubio peccaret mortaliter. *Henriq. li. 1. c. 4. n. 3.*

QVÆSITVM VIII.

*Quis finis Sacramenti Pœnitentiæ?*

℞. Remissio peccatorum, vel iustificatio hominis lapsi in peccatum mortale post Baptismum.

QVÆSITVM IX.

*An Sacramentum Pœnitentiæ, habeat illa tria, more aliorum Sacramentorum, scilicet, Materiam, Formam & Ministrum?*

℞. Habet. Et quidem materiam tam proximam quam remotā. Materia enim proxima seu ex qua Sacramentum constat, sunt actus pœnitentis, videlicet, contritio in corde, confessio in ore, & in opere satisfactio. Horum

verò actū obiecta seu materia, circa quam sunt peccata, de quibus pœnitens dolet, & quæ confitetur, & pro quibus satisfacit. Remota itaque materia sunt ipsa peccata actualia post Baptismum commissâ, non quæ acceptentur, & maneat, sed quæ per detestationem destruantur, sicut ligna sunt materia ignis. *D. Th. 3. q. 84. a. 2. Soto 4. d. 14. q. 1. a. 2. Henrig. li. 4. c. 9.*

Hæc autem eadem peccata, contrita, confessâ, & satisfacta, sunt & dicuntur materia proxima. Porrò peccata mortalia dicuntur materia principalis & necessaria propter quæ principaliter Sacramentum hoc, est institutum, & sine quo hæc remitti nō possunt.

Venialia verò, sunt quidem materia sufficiens, sed non necessaria: cum absque hoc Pœnitentiæ Sacramento, non tantum in re, sed etiam in voto deleri possint. *Henrig. ex Conc. Trid. Totet. lib. 3. c. 4.*

Forma, est absolutio. Minister verò, Sacerdos. *Hic nota.* Quod quamvis Sacramentum hoc essentialiter constet ex Materia & Forma, non tamē omnis seu tota Materia ad essentiam pertinet. *Suar. in Commentar. a. 2. q. 84. D. Th. & d. 18. sect. 2.* Nam Contritio & Confessio

Confessio sunt integrales & essentielles partes. Satisfactio vero non est essentialis pars, sed integralis tantum, ideò non supponitur formæ, neque precedit eam sed sequitur post eam *Suar. sect. 3. & disp. 20. sect. 3. S. His ergò.*

QVÆSITVM X.

*Per Sacramentum Pœnitentiæ, delerturne omnis culpa?*

Ita & aliquando quidem directè, aliquando verò indirectè. Directè illa quæ manifestatur in confessione. Indirectè, quæ per obliuionem inculpabilem vel in aduertentiam, aut etiam ignorantiam inuincibilem, non ex primitur: semper tamen is, qui sic omisit peccatum mortale, habet annexam obligationem, ad manifestandum illud, & subijciendum clauibus Ecelesiæ in Confessione, quandocunq; in memoriam venerit.

QVÆSITVM XI.

*Dimittiturne etiam pœna?*

Pœna æterna dimittitur vna cum culpa, sed temporalis non semper tota remittitur. *Conc. Trid. Sess. 6. c. 1. 4. Suar. t. 4. d. 10. S. 6. ut infra quasitio 18. dicitur.*

## QVÆSITVM XII.

*Quomodo dimittitur æterna?*

℞. Concomitanter seu ex consequenti *Suar.*  
d. 16. f. 2.

## Declaratio.

In peccato mortali sunt duo. 1. Aduersio  
Ab incommutabili bono. 2. Conuersio in or-  
dinata ad commutabile bonum. Et quidem  
auersionem illam consequitur reatus pœnæ  
æternæ, vt qui contra æternum bonum  
peccauit, in æternum puniatur. Conuer-  
sionem autem in ordinatam ad commutabile  
bonum, consequitur reatus alicuius pœnæ.  
Iustum enim est, vt qui voluntati suæ plus  
indulset, quàm debuit, contra voluntatem  
suam aliquid patiat. Et quia conuersio ad  
bonum commutabile est finita, idè & pœ-  
na ei correspondet temporalis. Quando igitur  
per gratiam remittitur culpa, tollitur au-  
uersio animæ à Deo, in quantum anima Deo  
per gratiam coniungitur, ac consequenter  
simul tollitur reatus pœnæ æternæ, sublato  
namque principali, aufertur accessorium  
vel committans, potest tamen remanere re-  
atus

atus alicuius pœnæ temporalis: separari e-  
nim potest à primo vt docet *D. Tb. 3. q. 86.*  
*4. 4. c. 1. 2. Caiet. ibid. & Poret. Suar. in tertia*  
*parte T. 4. dis. 10. sec. 2. & 3. per totum.*

## QVÆSITVM XIII.

*Semperne remanet reatus pœna tem-  
poralis dimissa culpa mor-  
tali?*

℞. Non semper. *D. Tb. 3. q. 86. a. 4. Suar.*  
*to: 4. dis. 10. f. 3. § Prima est.* Quia aliquando  
tota pœna remittitur, aliquando plus, mi-  
nusue, secundum modum priorum a-  
ctuum, qui sunt materia pœnitentiæ. Quod  
non est ex defectu misericordiæ diuinæ, sed  
ex defectu pœnitentiæ hominum, quia scili-  
cet aliquorum, conuersio ad Deum non est  
tanto spiritus feruore facta, vt sufficiat ad  
tollendam etiam pœnam temporalem. *Pe-  
ret. ar. 4. append.*



## TITVLVS II.

## De Ministro Pœnitentiæ.

Habet quæstia 22.

## QVÆSITVM I.

Quæ & quot conditiones requiruntur  
in confessorio, Ministro Sacramenti  
Pœnitentiæ?

R. Sex. Potestas, Scientia, Prudentia, Bonitas, Sigillum & Fortitudo. *Barth. Med. Inst. l. 1. c. 3.*

## QVÆSITVM II.

An quo differunt Potestas Ordinis & Iurisdictionis?

R. De his potestatibus variè DD. loquuntur, magnusque confictus est de eis inter authores, vt etiam adnotatur in marginibus apud *Tolet. l. 1. c. 3.* Respondetur tamen directè. Quod in multis differunt: præsertim verò in octo. 1. In ipsa re, eo quod sunt res distinctæ Huius autem realis distinctionis signum est, separabilitas ab inuicem. *Suar. t. 4. d. 16. s. 3. § Ex his.*

Siqui-

Si quidem & iurisdictione potest esse absque ordine, vt quando nõ Sacerdos recipit beneficium Parochiale. *Suar. § Vnde. Tolet. n. 3.*

Et Episcopus confirmatus habet iurisdictionem, & si nõ sit Sacerdos. Quam potest Sacerdotibus delegare, non tamen per seipsum vti *Henr. l. 6. c. 1. n. 3.* Et ordo potest stare absque iurisdictione, vt patet ex Conc. Tridè. *Sess. 14. c. 7.* Et *Suar. § Tertius modus*, colligit ex Conciliis. Sacerdotem posse carere omni iurisdictione ad absoluendum.

2. In origine seu modo quo acquiruntur. Nam potestas ordinis ex vi ordinationis, per impressionem characteris, datur. Potestas verò iurisdictionis, per commissionem factam à Deo vel homine. *Henr.* seu per prælationem super aliquam multitudinem, susceptionem alicuius officij. Et per extrinsecam delegationem *Suar.*

3. In functione seu actione propria. Quia potestas ordinis est, potestas consecrandi & offerendi Eucharistiam, atque cõferendi Sacramenta, per quæ gratia datur. *Soto 4. d. 20. q. 1. a. 1. Tolet. lib. 1. c. 3. n. 1.* modo tamè infra *q. 4.* dicendo. Iurisdictione verò est potestas excommunicandi, absoluendi, dispensandi. indulgentia

gentias conferendi, leges Ecclesiasticas con-  
dendi *Tolet.*

4. In obiecto seu materia circa quam. Po-  
testas enim ordinis refertur, ad verum natu-  
raleq; CHRISTI corpus in S. Eucharistia. Iu-  
risdictionis autem potestas tota versatur, in  
Christi corpore mystico, quod est fidelium  
congregatio, ordinando, regendo ipsum, ad  
eius vtilitatem. *Catb. Trid. de Sacramento  
ordinis. § His igitur. & Tolet.*

5. In subiecto. Namq; potestas ordinis est  
in quolibet sacerdote. Iurisdictio verò, non  
in omni sacerdote, sed in supremo prælato,  
in alijs verò prout ab ipso sunt delegati. *Tolet*

6. In essentia seu natura. Quia potestas or-  
dinis, est qualitas quædam impressa animæ,  
per quã homo potest conficere corpus Chri-  
sti & à peccatis absoluerè, quæ dicitur char-  
acter, qui impressus fuit in ipsa Sacerdotis in-  
stitutione. *Tolet.* & per quem deputatur ut  
possit, esse iudex animarum, in foro pœni-  
tentia. *Suar.* Potestas verò Iurisditionis est  
nova potestas superaddita ordini *Henriquez.*  
& extrinsecus adueniens *Suar.*

7. In duratione. Quia potestas ordinis est  
immutabilis & indelebilis. Sicut & character.  
*Henriq.*

*Henriquez* in annotationibus ex *Conc. Trid.*  
& ex *D. Tb.* Iurisdictio verò potest amitti,  
auferrè & restringi, *Henriq. n. 3. Suar. § Ex  
bis ergo.*

8. Potest addi. In ratione æqualitatis, &  
inæqualitatis. Quod potestas ordinis sit æ-  
qualis in omnibus: sed in potestate iurisdic-  
tionis sunt gradus quidam. Minor enim est  
in Parocho. Maior in Episcopo: Summa &  
vniuersalis potestas in totâ Ecclesiâ in Papa.

Possit addi nona differentia quæ tamē ex  
supradictis elicitur. Videlicet, Quod pote-  
stas ordinis, datur in & per Sacramentū, ex  
vi ordinationis, seu per impressionem cha-  
racteris sacerdotalis. Potestas verò iurisdic-  
tionis, extra sacramentum, per electionem,  
collationem, iudicij sacramentalis commis-  
sionem, ac iudicandorum consignationem.

### Q V Æ S I T V M III.

*Ad ministrandum Sacramentum Pœni-  
tentia, absoluedumq; à peccatis mortali-  
bus, quæ potestas requiritur?*

R. Vtraq; potestas requiritur simul. Et neu-  
tra sola sufficit. Neq; enim solâ iurisdic-  
tionem habens absoluerè potest à peccatis,  
cum

cum potestas clauum fundetur in character Sacerdotali *Suar. t. 4. d. 24. sect. 1. § Sed difficultas.* Sed neque solum Sacerdotium sufficit, nam etiam iurisdictioni requiritur. *Conc. Trid. Sess. 14. c. 7.* Omne enim iudicium requirit iurisdictionem. *Suar. § De potestate.* Quam iurisdictionem nemo habet ex vi suæ ordinationis, vt statim dicitur.

#### Q V Æ S I T V M I V.

*In ordinatione Sacerdotis confertur ne simul etiam potestas iurisdictionis.*

¶ Quamuis hoc aliqui asseuerent, vt videre est apud *Suar. § Difficultas.* Dicendum tamen est quod sola potestas ordinis confertur. Sed hæc Duplex est. scilicet supra Corpus Christi verum naturale. Et hæc datur Sacerdoti quando confertur potestas consecrandi & offerendi Eucharistiam. Et super Corpus Christi mysticum, quæ est potestas remittendi & retinendi peccata. Quam Episcopus per alium actum tradit, dicens: Accipe Spiritum sanctum, quorum remisit. &c. *Suar. sec. 3. Dec. lib. 1. c. 13. n. 1.*

Non tamen inde colligi potest, quod illis verbis cõteratur iurisdictioni. Quamuis enim iurisdictioni

iurisdictioni in foro Pœnitentiæ fit potestas absoluendi, non tamen omnis potestas absoluendi est iurisdictioni. Itaque per illa verba (in ordinatione) datur Sacerdotibus vera & præcipua potestas, operatiua in tali iudicio, per quam sacerdotes deputantur, vt possint esse Iudices animarum in foro pœnitentiæ, ita quod constituuntur iudices, sed solum aptitudine, videlicet, vt possint absolvere, quando habuerint subditos: non tamen actu, quia non possunt hanc potestatem exercere, & exequi, nisi eis assignentur subditi, quod fit per collationem iurisdictionis. Nam iurisdictioni & subiectio seu subditi, sunt correlatiua, seu tanquam relatio & terminus. *Suarez ex Conc. Trid. colligens.*

Exemplo (quamuis non per omnia quadret) vtcunq̃ illustrabitur res. Datur Doctoribus facultas docendi, qui tamen actum exercere non valent, nisi auditores habeant. Et homo habet potentiam generandi & sufficientem in suo ordine, nec tamen generabit, defectu correquisiti.

#### Q V Æ S I T V M V.

*An in aliquo casu non Sacerdos possit ministrare Sacramentum pœnitentiæ?*

¶ Nullo



℞. Nullo modo potest: neq; aliqua necessitate urgente, neq; dispensatione accedente. *Suar. disp: 24.* Estq; de fide. *Quia in Con: Trid. Sess. 14. Can: 10.* ita definitur. Hinc apparet contrariam opinionem antiquorum, iam desertam, correctam & antiquatam esse. *Sot. 4. dis: 18. que: 4. 4. 1. Concl: 3.*

## QVÆSITVM VI.

*Quæ scientia requiritur in confessario?*

℞. Duplex potest inueniri. Eminens, omnibus numeris absoluta. Et sufficiens.

Eminens est, quando Confessor, vtraque Practica Theologia pollat, scilicet Morali & Sacramentali. Iuris quoq; præsertim Canonici peritiam habet. Constitutionesque Synodales tenet.

Sufficiens, latitudinē habet: nam pensatis circumstantijs locorū, temporum, ac personarum, iuxta prudens iudicium, aliquando maior, aliquando minor requiritur: adeo vt interdū satis sit intelligere ea, quæ frequentius accidunt, & quæ ab omnibus cōmuniter sciuntur esse mortalia reseruat: nosse restitutionū radices: Censurarum valorem: votorum

rum & simoniæ significationem intelligere: de difficilius scire dubitare. Nam cum dubitat, potest legendo vel alios consulendo cognoscere, quid agendum sit, & quomodo procedendum, atq; adeo dignè suo munere fungi. Item. Formam absolutionis. Hæc autem infima scientia dicitur, qua minor esse non potest, nisi pœnitentis scientia & conscientia suppleat.

## QVÆSITVM VII.

*Hæc scientia sufficiens regulariter, ad quot capita reduci potest?*

℞. Ad tria. Ad scientiam inquisitiuam, iudicatiuam, & medicatiuam.

Ad inquisitiuam pertinet nosse & intelligere præcepta Dei, Ecclesiæ, Septem capitula peccata, & peccata sensuum, aliena, diuersorumque statuum.

Ad iudicatiuam: quod sit discrimen, inter mortale & veniale, quæ sint circumstantiæ peccatorum, quæ peccata sint reseruat, quæ Censuras, & irregularitates annexas habeant, quæ restitutionem famæ vel rerum: quando deneganda vel differenda est absolutio pœnitenti, vt si sit in statu damnationis, propter voluntatem perseuerandi in peccato. Ad

Ad medicatiam pertinet, obstinatos in peccato emolire, & conuersionem persuadere, per incussionem timoris, ob pœnam inferni, incertitudinem horæ mortis, iudicij diuini, per propositionem gloriæ, ac beatitudinis æternæ, & per pias considerationes, ac exempla quæ omnia suppeditantur ex libris spiritualibus.

Timidos consolari.

Scrupulosos tranquillare.

Trepidus excitare.

Proficientes iuuare.

Feruentes temperare.

Hic duo sunt notanda. 1. Dicta cognitio non est sic exigenda, vt Confessarius memoriter sciat, omnes excommunicationes, omnes casus reseruos, irregularitatis species &c. Satis est, quod audiens confessiones reminiscatur, vel saltem hæsi-  
ret, vt ad quærendum consilium moueatur. 2. Peccat grauiter Sacerdos, ingerens se huic ministerio, absque sufficienti scientia, neque excusare potest obedientia, aut commissio per Episcopum facta. Quod si Sacerdos ex scrupulo, dubitet se sufficientem, in tali tantum casu ad iudicium superioris dicentis eum esse idoneum, debet deponere dubi-

dubium, quando euidentissimè contrarium non constat.

QVÆSITVM VIII.

Quæ Regula sunt ad discernendum peccatum mortale à veniali?

R. Hæc res sicut scitu est necessaria, ita explicatu difficilis etiam viris doctis pijsque. Sayro lib. 2. c. 13. n. 27. Tum quia D. Aug. in Enchyrid. c. 8. dicit. Quæ sint leuia & quæ sint grauia peccata non humano sed diuino sunt pensanda iudicio. Tum quia Gerson lib. de vita spiritali anima lect. 5. lit. Z. admonet sic, Exigere vnã aliquam certam regulam generalem, qua vniuersaliter possimus, in vnaquaque morali actione, peccatum mortale discernere, à veniali, perinde absurdum est, atque talem à medico quærere, quã possumus, inter omnes cibos salubres & insalubres discernere. Nam in vtrisque ob circumstantiarum mutationem, nihil inest firmitatis. Prax. for. pœn. lib. 15. c. 4. n. 29.

Nihilominus quòd certò & infallibiliter iudicio humano determinari non potest, probabiliter & verisimiliter, discerni posset, per quasdam obseruationes generales, quas pro regulis vsurpare possumus.

Cùm itaque varias ex DD. colligere possumus. *Sayro clau. Reg. l. 2. c. 13. n. 27. Prax. for. pœn. ubi supra Valent. 1. 2. disp. 6. p. 3. Sanch. Op. Mor. lib. 1. c. 1. n. 4. Lopez instru. c. 1. Barth. med. l. 1. c. 8. Sum. Cor. c. 1. n. 3. Roder. c. 61. n. 2.*

1. Placet tamen illa quam *Azor. 2. 1. l. 4. c. 9. 8.* proponit, credens nullam aliam certiore[m] melioremque constitui posse (vt quæ communi consensu à Theologis adhibetur) quàm illam, quæ ex materiæ peccati gravitate aut leuitate pondus trahit. Ea inquit peccata sunt venialia, quæ charitatem Dei aut hominis grauitè non ledût, alioquin lethalia ex suo genere erunt. Hæc est summa: Qui plura legere apud ipsum cupit, poterit. Idem ferè in *prax. for. pœn.* dicitur. Illud inquit, habendum est peccatum mortale, ex suo genere, quo grauem iniuriam, Deo aut proximo, aut nobis ipsis inferri, naturalis ratio dicitur. Hanc approbat *Sanchez*, & aliam adiicit, dicens.

2. Quando aliquid tanquam valde graue, & necessarium præcepto aliquo humano, grauitè præcipitur, eius transgressio est mortalis. Requiritur itaque (inquit ipse) & materiæ grauitas, & legis latoris animus grauitè præcipiendi; quod deduci poterit ex legis tenore, ac pœna adiuncta, 3.

3. Potest quoque aliquid lucis adferre, ad præsens negotium, descriptio peccati mortalis tradita à *Nau. in Ench. prelud. 9. n. 8.*

4. Neq; illa regula displicere debet, quam *Sum. Cor. c. 1. n. 3.* habet.

Omnis inquit actus qui repugnat iustitiæ, & charitati Dei & proximi, de quibus data sunt præcepta Diuina, naturalia Ecclesiastica, & statuta humana, propter bonû commune, est peccatum mortale ex suo genere.

Quæ autem non sunt contra huiusmodi præcepta, sed præter præcepta, in quantum non obseruant modum, quem præcepta intendunt, nec charitati Dei & proximi, contrariatur; sunt venialia ex propria natura.

5. Sed neq; illæ quatuor regulæ sunt spernendæ, quas tradit *Lopez* mutuatus ex *Barth. Med.*

1. Omne quod est contra præceptum Dei vel Ecclesiæ eius, cum sufficienti deliberatione, & in materia graui: est peccatû mortale.

2. Quidquid est contra amorem Dei, vel proximi notabiliter, est mortale.

3. Quod vergit in graue proximi detrimētum, vel contra honorè Dei pugnat, in materia, quæ magni sit ponderis: est mortale.

4. Peccatum quod in aliqua trium harum regula.

regularum, non comprehenditur, habendum est pro veniali.

Has regulas variè explicatas, recensere volui, vt quisque pro suo gestu, quam voluerit eligat. *Quod in similibus, ob eandem causam, feci.*

### QVÆSITVM IX.

*Peccatum ex natura sua mortale, quot modis transit in veniale?*

℞. Duobus modis. Imperfectione formæ seu actus; quando non adest plena & perfectæ deliberatio, quæ actum perficit. Et imperfectione seu paruitate materiæ. *Prax. for. pœn. lib. 15. c. 4. n. 30. Deci. lib. 1. c. 6. Sayro lib. 2. c. 12. n. 8.* Possit primus modus subdividi, vt in particulari sint tria mēbra. Vnde *Sanch. opere. Mora. lib. 1. c. 1. nu. 5.* censet tribus modis ex mortali veniale fieri posse.

1. Ratione imperfectæ deliberationis seu considerationis. Nimirum, quando ratio ad eò tenuem habet considerationem, propter aliquam distractionem, vt non plenè aduertat malum cogitatum, quoad totam malitiam seu omnes circumstantias, quibus moueri possit ad illud excutiendum, sicut fit in non plenè excitatis à somno,

2. Ra.

2. Ratione imperfecti consensus, vt cum voluntas habet firmum propositum expellendi suggestiones, tentationes uè peccati mortalis, & præterea conatur expellere, sed negligenter ac tepide, absq; tamen periculo plenè consentiendi. Tunc illa negligentia est communiter venialis, ob defectum pleni consensus. At transiret in mortalem, quando afferret verisimile periculum expresse consentiendi in mortale. Tradit *Sanch.* regulas quatuor discernendi consensum perfectum ab imperfecto.

4. Ex prauitate materiæ, vt furari solidum à diuite,

### QVÆSITVM X.

*Veniale autem ex natura sua quomodo fit mortale ex accidente?*

℞. Quinque modis,

1. Ratione finis mortalis, ad quem illud veniale dirigitur à peccante, vt si quis iocosa aut irrisoria verba proferret, vt alius blasphemet, aut ad lasciuiam prouocetur.

2. Ratione contemptus, vt si quis præceptum leue violaret, quia ipsi, aut præcipienti, subijci non vult, sed vtrumque ad alterum parauipendit.

B 2

- 13. EO

*De ministro penitentia*

3. Eo quod in veniali vltimus finis constituitur. Quod hinc conijcietur, quando aliquis tantopere veniali peccato adhæret afficiturq; vt sit paratus transgredi præceptū sub mortali obligans, vel aliās Deum mortaliter offendere: vel adeo appetit illud veniale, vt parato sit animo, illud admittere etiam si esset mortale. Aut propter illud splendendum, necessaria ad salutem omittat.

4. Ratione scandali quod est quando præbetur alicui occasio ruinæ, dicto, facto, seu prauo exemplo, etiam absque intentione ipsam præbendi.

5. Ratione Cōscientiæ erroneæ aut dubiæ, dictantis esse mortale, vel id dubitantis. Vt si quis perpetraret peccatū veniale, credens se facere mortale, vel saltem dubitans, tunc enim est mortale, ex dictamine conscientiæ vel dubitatione. *Sanch. ope. Moral. lib. 1. c. 5. n. 6. Prax. lib. 15. c. 4. n. 32. Sayrol. 2. c. 12. n. 12. Decis. l. 1. c. 6. n. 19.* Quamuis *Sanch.* loco erroneæ conscientiæ, ponat periculum in mortale indicendi: quod est vniuersalius. Et *Prax.* loco scandali subrogat graue nocuumentum, siue animæ, siue corporis.

*Titulus II.*

QVÆSITVM XI.

*Qua bonitas de necessitate in confessario requiritur?*

R. Quoniam quæstio hæc, supponit aliquā bonitatem necessario requiri in Confessore, & explicari cupit, quæ sit illa: idèd directè respondendum est, quod est duplex.

Altera de iure naturali, scilicet fidelitas, vt fideliter cum intentione seria, non ficta, non ludicra, negotium exequatur. Nam si iocose & non seridè proferret formam absolutionis, nihil faceret. 2. De iure positivo, vt censuris non sit irretitus, modo quo infra dicitur. Neq; inuenitur alia bonitas, quæ requiratur in ministro de necessitate: hoc est, ad validè ministrandum Sacramentum, sed solum ad benè esse, videlicet vt sanctè licitèq; ministret absq; Dei offensa, qualis est illa bonitas, vt non habeat conscientiam peccati mortalis.

QVÆSITVM XII.

*Confessarius peccati mortalis, peccatè ministrando Sacramentum, præsertim exigente subdito?*

R. Peccat mortaliter. Ita *D. Th. 3. q. 6. 4. a. 6.* docet. Sed debet conari, vt habeat cōtritionè

De qua si dubitet ex probabilibus coniecturis debet confiteri, & sic reponi in gratia. *Medulla part. 3. cap. 1. § 6.*

Quod si in utroque difficultatem sentiat, sibi imputet, quod cum ad tale officium ineptus esset, ausus fuerit ipsum suscipere. Itaque alium ministrum substituat, aut bonis modis differat, aut certe si instat necessitatis casus, serio recolligat se, & cum Dei auxilio, non erit impossibilis acquisitio cōtritionis.

### Q V Æ S I T V M XIII.

*An excommunicatus possit esse minister Sacramenti?*

R. Excommunicatus vitandus, nimirum, ob notoriam clerici percussorem, & quia nominatim denunciatus seu publicatus est, potest in casu extremæ necessitatis ipsius pœnitentis, ut cum est in articulo vel periculo mortis, neque alius idoneus inuenitur. Extra casum necessitatis, Sacramentum est inualidum, nisi pœnitens ignoret excommunicationem; ut si in vno loco sit excommunicatus, & recesserit ad remotissimum, ibique ad confessionem audientis admittatur; tunc enim absolutio bona fide suscepta valida est, conferente Ecclesia

clesia tunc iurisdictionem, propter bonum commune *Nauar. c. 9. n. 10.* Porro excommunicatus non vitandus, scilicet, extra illas duas causas modo expressas, validè absoluit. Quia occultus, benignitate Ecclesiæ non est priuatus iurisdictione, quamuis pœnitens sciat sacerdotem esse excommunicatum, dummodo pœnitens habeat aliquam communem necessitatem etiam citra extremam, & non possit commodè differre; ut si tempore communionis Paschalis, non adsit alius idoneus confessor. Peccatum autem esset sacerdotem inducere, absque vlla necessitate, & obligatione illius. *Suar. de censuris. Et Sayro.*

### Q V Æ S I T V M XIV.

*An debeat interrogari pœnitens de peccatis, quando & quomodo, seu quo ordine?*

R. Debet interrogari pœnitens per confessarium. 1. Non quoad omnia, quæ poterat pœnitens commisisse, sed ea tantum quæ communiter eius itatus homines admittere solent. 2. Consuetæ peccata tantum inuestigari debent, & vltatiora, non quæ perditissimi inuenerunt.

Neq; semper tenetur Confessor interrogare, sed tunc tantum, quando animaduertit, & credit esse necessarium ad integram & fructuosam confessionem. Videlicet. Quando existimat pœnitentem, ob ignorantiam, inconsiderationem, negligentiam, obliuionem, metum, ac verecundiam, malitiamur, omittere velle. *Suar. disp. 32. Sect. 3. & 4.*

## Q V Æ S I T V M X V.

*Quomodo?*

R. Prudenter, discretè & cautè (*cap. omnis vtriusq;*) præsertim in carnalibus. *Nauar. c. 5. n. 4.* Et præterea à remotis, non de propinquo. à minoribus & communioribus, ad maiora & magis particularia: à cogitationibus ad verba, ad visum: ab his, ad opera.

## Q V Æ S I T V M X V I.

*Quo ordine?*

R. Prudentiæ confessoris committitur, prout ei expedire videbitur Regulariter autem solet inchoari à Decalogo, postea deuenitur ad præcepta Ecclesiæ. Hinc ad peccata capitalia septem. Demùm ad peccata diuersorum statuum, quæ ab aliquibus dicuntur peccata, omissionis.

QVÆ-

## Q V Æ S I T V M X V I I.

*Quæ & quot sunt diligentius in interrogationibus obseruanda.*

R. Quinque aut sex:

1. Vt species seu natura peccati distinctè, & in particulari explicetur.
2. Numerus peccati, non semper certus: nam aliquando sufficit verisimilis.
3. Vt circumstantiæ, inter quas, frequentior est, conditio pœnitentis, & complicitis, declarentur.
4. Radix restitutionis consideretur.
5. Peccata diuersorum statuum, non omittantur. Quamuis non rarè vota occurrere soleant, & peccata reseruata.

## Q V Æ S I T V M X V I I I.

*Confessarius omittens interrogationes, peccatne.*

R. Si interrogationes erant necessariæ, & Confessor eas non adhibet, ex negligentia vel respectu humano, scilicet, timore, pudore, aut etiam ex malitia, peccat mortaliter. Est communis sententia.

Rationem assignat *Suar. t. 4. d. 32. s. 3. n. 8.* Secus si id faciat, ex in aduertentia vel obliuione.

B 5:

QVÆ-

## QVÆSITVM XIX.

*Quid si Pœnitens interrogatus, neget?*

¶ Si Confessor euidenter scit pœnitentem tale peccatum commisisse, & propterea interrogat nihilominus pœnitens negat: tunc si id confessor sciat ex aliorum relatione, tenetur in hoc iudicio magis credere pœnitenti.

Si ipse confessor suis oculis vidit, vel auribus à pœnitente audiuit, neque probabiliter existimet illum esse alteri confessum, sed euidenter deprehēdat eum mentiri, nō tenetur stare dictis eius: sed potest in hoc foro secreto, ad bonum pœnitentis, vti sua scientia, ad conuincendum eum. Suar. Ibidem. Potest quoque legi *Cand. aur. de sigil. Confes. n. 35.* Henriquez *l. 6. c. 20. § 6.*

## QVÆSITVM XX.

*Potestne aliquando Confessarius interrogationem dissimulare?*

¶ Potest. quando pœnitens per ignorantiam inuincibilem (hoc est, quā adhibita diligentia superare, vel excludere non potest) est in statu de se malo, vt quia contraxit in tertio gradu, nesciens esse tertium gradum, vel id esse vetitum: confessor autem rem totā benēnouit

nē nouit, sed neq; de hoc à penitente interrogatur, neque sperat fructum suæ monitionis, sed potius scandalum, vel graue detrimentum, aut magnum incommodum, cui remedium adhiberi non tam facile posset. Tunc, inquam, potest & debet confessor tacere, & pœnitentem in suā bona fide relinquere. *Suar. vt supra sect. 4.*

## QVÆSITVM XXI.

*Quid faciet Confessor qui malè absoluit penitentem?*

¶ Procurabit confessor prudenter pœnitentem sibi iterum confiteri, & in ea confessione, generaliter eum interroget, an de omnibus præcedētib; doleat, & vt ipsa (si necesse sit) quantum potest confiteatur: ita enim noua absolutio cadet in totā illam superiorē materiam, quæ vno verbo sufficienter nunc explicatur. Quod si pœnitēs nō potuerit induci, vt eidem sacerdoti iterū confiteatur, tunc clarius admonēdus est, de errore commisso in confessione, non tamen exprimēdo ipsum. Hoc autē rotum intelligendum est, quando sine scandalo, infamia, confessoris vel pœnitentis, aut alio graui incōmodo, id fieri potest.



test. Alioquin sufficet confessori, sui peccati pœnitentiam agere, & pœnitentem relinquere, vt per contritionem, & alias confessiones faciendas, iustificetur, saltem in directè, quod satis erit ad salutem pœnitentis, bona fide & ignorantia iusta eum à supplemento excusante. Nisi fortè pœnitens esset in articulo mortis, nullū Sacramentum ampli⁹ recepturus, ac propterea periculo æternæ damnationis exponeretur: tunc enim post ponenda esset omnis difficultas, vt subueniatur tali proximo. Similiter, si confessarius consuluit male; seu decepit pœnitentem in re pertinente ad salutem animæ eius, propter quam deceptionem manet pœnitens in occasione peccandi, tenebitur sacerdos illum monere, vel illuminare, iuxta regulā charitatis, & prudentiæ, vitando scandalum quo ad fieri potest, *Suar. d. 32. f. 6. Et De cas. lib. 1. c. 23. n. 23.*

### QVÆSITVM XXII.

*An ad defectum supplendum, vel propter aliam causam absolutio absenti dari possit?*

✠ Absolutio ab excommunicatione, potest dari absenti, ignorantī, imò inuito, & in mortalī

tali peccato existenti: Vnde si confessor decepit pœnitentem, potest hoc remedio vti, scilicet absoluere etiam absentem. Nam graue onus est iterum quærere absolutionem. Sed absolutio à culpa, non potest ferri, & dirigi ad pœnitentem absentem, vbiq; fuerit imo neque ad præsentem ignorantem, quid circa ipsum agatur. *Caietanus Sum. V. Confessionum. 15. cond. 11.* Alioquin talis confessio & absolutio super absentem data, inuvalida erit. *S. dis. 20. f. 3. Et d. 21. f. 4. Et d. 32. f. 6.*

## TITVLVS III.

### De Contritione.

*Habet quæsitā 10.*

### QVÆSITVM I.

*Quæ dispositio requiritur in pœnitente?*

✠ Propter varias opiniones, primo respondetur per negationes, deinde per affirmationes.

1. Itaq; , non est sufficiens dispositio ad Sacramentum pœnitentiæ, effectumq; eius, voluntas

luntas cōfitendi recipiendiq; absolutionem; etiam si peccatori non inhæreat cōplacencia peccati, si nullus dolor adsit; quia ipsum requirit Conc. Trid. *sess. 6. c. 6. & s. 1. q. 4. Suar. 10. 4. diff. 20. Sec. 1.* Medul. *par. 3. c. 6. n. 16.*

2. Nec satis est qualiscunq; dolor, sed exigitur efficax, includens non tantum velleitatem, sed etiam absolutam voluntatem, seu propositum non peccandi de cætero. Conc. Trid. ubi supra. Suar. *d. 20. sec. 2. & Atq; hinc sit, & se-ctio. 4. & Deinde,* Nam quoties displicentia de peccato talis est, vt habeat solam velleitatem non peccandi, cōpatitur secum voluntatem peccandi. Suar. Voluntas autem efficax & absoluta significatur per verbū, *volo*, inefficax & velleitas sola, per verbū, *vellē*. Suar. *d. 3. s. 3.*

3. Iste dolor non sufficit, si concipiatur ex motiuo merè naturali seu humano etiam honesto vt propter infamiam, vel aliud temporale detrimentum. Suar. *sec. 4. & Secundo.*

4. Neq; sufficit dolor ex motiuo particulari, (quale esset ex turpitudine vnus peccati, vel quia alicui virtuti aduersatur) Su. *d. 3. sec. 5.* Sed ex vniuersali esse debet: qualia sunt illa duo vt minimum à Conc. Trid. requisita & explicata, scilicet ex metu gehennæ: (quo re-ducitur detestatio peccati, ob amorem vitæ æternæ

æternæ amore cōcupiscentiæ. Medul. *p. 3. c. 6. n. 14.*) Et ob fœditatem peccati vniuersaliter.

5. Neq; sufficit dolor particularis, de quibusdam peccatis. Sed debet esse vniuersalis & integer de omnibus peccatis, ex vi motiuū vniuersalis Suar. *4. s. 4. & Quinto.* Nec sufficit dolor quod nō doleat de peccatis. Suar. *d. 20. se. 1.* Quod videtur quidē esse contra. Nauar. *c. 1. n. 18. & c. 10. n. 4. & Sa. v. Contritio n. 5.*

Sed si benè perpendantur Nauarri & Emanuelis Sa. verba, non. Si quidem & ipse Nauar. *c. 10. n. 4.* monet sic. Quod si dolor non peruenit ad hoc, vt proponat in posterum à peccatis abstinere, vel dicat se non posse concubinam deserere, odium deponere, officio (quod absq; mortali peccato exercere nequid) renunciare, non est absoluendus.

Imò etiam si hunc defectum in confessione fateatur, non tamen habeat displicentiam perfectam, neque de vitando peccato (ob vehementem passionem, & affectum ad peccatum) firmum propositum: non erit sufficienter dispositus.

6. Ad eandem dispositionem non sufficit dolor naturalis, id est, solis viribus naturæ elicitus & productus sed debet esse supernaturalis, qui sine gratia excitante, & adiuate exercet

xerceri nõ potest Suar. d. 20. f. 2. § Circa. & d. 3. sec. 6. & d. 20. f. 2. Et D. Th. q. 84. a. 1 ad 2. Hõs actus originem ducere ex inspiratione interna asseruit Conc. Trident. Ipsum dolorem, appellat donum Dei, Spiritus S. impulsus. Et Sess. 6. can. 3. Si quis dixerit sine Spiritus S. inspiratione, & eius adiutorio, posse aliquem pœnitere sicut oportet anathema sit.

7. Et quamuis sufficientissima dispositio ad Sacramentum sit perfecta contritio: non tamen necessariõ requiritur, neque extat alicubi præceptum habendi eam, ante susceptionem huius Sacramenti Su. d. 20. f. 1. ass. 3.

8. Neque exigitur attritio illa, quam homo bona fide putaret contritionem, Suar. sec. 1. § Sed obijcies.

9. Est itaque dispositio sufficiens & necessaria ad hoc sacramentum effectumq; eius, attritio vera, integra, seu vniuersalis, atque supernaturalis Suar. ex D. Th. sec. 1. § Quarta.

Vera quidem, hoc est realis, seu in re existens, & non in opinione consistens. Quia attritio existimata vel putata, potius deceptio ac error est quam attritio, sicut neque putare se sacerdotem, est esse sacerdotem. Suar. d. 20. f. 1. ass. 3. & § Tertio.

Quamuis enim ista existimatio excuset à noua.

noua culpa, si sit inculpabilis: nunquam tamen supplet, neque applicat medium, necessarium ad talem effectum. Secundum. Suar. se. 4. § Tertio. Cæteræ particulæ iam declaratae sunt.

## Corollarium.

Ergo pœnitens debet curare, vt diligenter præparet conscientiam ad confessionem, debito modo peragendam. Et vitare negligentiam in examinanda sua conscientia.

## QVÆSITVM II.

Quomodo intelligendum est, Sacramentum efficere ex attrito contritum?

R. Hoc tribus modis intelligi posse, docet Suar. dis. 5. f. 3. § Quartus.

1. Propriissimè. Quando homo mutat dolorem imperfectum, in perfectum virtute Sacramenti.

2. Minus propriè. Quando dolori imperfecto, addit amore, similiter virtute Sacramenti.

3. Latissimè, & quasi æquiualeuter, seu quoad vltimum effectum Contritionis, qui est gratia & remissio peccati. Quia absque mutatione actus, hoc est, manente intrinsecè attritione, infunditur homini gratia, & charitas in Sacramento.

## QVÆSITVM III.

*Quomodo contritio & attritio differunt?*

R. Multis modis. 1. In essentia, quæ ex diversis motibus attenditur. Nam attritio est quidem efficax detestatio, & (qui consequitur) dolor de peccato, sed ex metu gehennæ à Deo infligendæ, vel ex consideratione turpitudinis peccati, contra Dei regulam admissi. Contritio verò est detestatio aut dolor, sed ex amore Dei super omnia, quatenus peccatum est contra bonum Dei in se, (hoc est, contra Deum infinitè bonum, & consequenter super omnia diligendum) eiusq; dissolvit amicitiam. *Decif. lib. 1. c. 2. n. 3. 4. 5. Medul. part. 3. c. 6. n. 17.*

2. Hinc sequitur, quod attritio est detestatio imperfecta, contritio verò perfecta.

3. Quoad effectum, quia attritio solitariè sumpta, remorè & insufficienter disponit ad gratiã, cum Sacramento autem sufficienter.

At contritio ex se sufficienter etiam absq; Sacramento in re. *Suar. tom. 4. disp. 5. sect. 1. Et Tolet. l. 3. c. 4.*

## QVÆSITVM IV.

*Contritio & attritio in quo conveniunt?*

R. In

R. 1. In hoc quod uterque actus est supernaturalis, scilicet ex dono Spiritus sancti, & ex motivo supernaturali, cadens supra omnia peccata commissa, & nondum ritè confessã, cum dolore præteritorum & proposito firmo, cauendi in futurum. *Suar. & Medul. p. 3. c. 6. n. 3. & 17. Addit idem n. 12. quod etiam attritio est dolor, per quem nobis displicet peccatum commissum, supra omne odibile, cum proposito vitandi illud, supra omne vitabile. Quamvis Suar. t. 4. d. 5. s. 1. & Atque hinc sequitur. neget, & quidem rationabiliter per attritionem, semper necessarium esse peccatorem detestari peccatum, supra omne detestabile.*

2. Uterque item actus includit voluntatem consistendi, cum spe veniæ. *Hæc est communis & clara.*

## QVÆSITVM V.

*Quomodo quis probabiliter posset cognoscere se habere contritionem vel attritionem?*

R. Ex tribus. 1. Ex instinctu diuino, vnctio enim Dei docebit omnia. 2. Ex iudicio humano, perpensis benè cõditionibus cõtritionis & attritionis, & præsertim motibus dolo-

ris,

ris, ex quo, scilicet, motiuo, dolor procedat.  
 3. Ex quibusdam signis, vt si quis pudore afficitur vel admiratione, aut sensibili tristitia premitur, quod tam facile peccata admiserit; si forti animo non vellet incidere in peccatum etiam si præterita occasio recurreret; si seriò vult satisfacere pro commissis: si proponit firmiter, non tantùm non admittere peccatum in futurum, sed etiam omnem occasionem peccati mortalis, toto conatu vitare, si vitam emendare efficaciter desiderat, si peccatum ita odit, vt mallet omnia mala in communi pati quàm peccare. (Non tamen requiruntur comparationes in particulari ad eligendũ magis hoc vel illud genus mortis, quàm peccatum) Quod si etiam ad lachrymas, ob id ventum fuerit, tantò potentiùs signum erit, quantò firmiùs emendationis desiderium accesserit, & multò magis, si vitæ nouitas, quæ certissimum est veræ pœnitentiæ argumentum. Bell. t. 3. de pœnit. l. 2. c. 5. In authoribus inuenietur varia signa. Prax. sor. pœn. l. 2. c. 5. f. 2.

### Q V Æ S I T V M V I.

Contritio quibus modis acquiri potest?  
 R. His duobus: Recursu ad Christi auxilium  
 per

per orationes & alia pia opera. Deinde adhibendo motiua ad tale negotium accommodata atque disponentia.

Motiua verò quibus ad contritionem moueri possumus plura excogitari possunt.

1. Naturalis conditio peccati. Est enim peccatum quoddam naturæ monstrum in feteterrimum, turpissimumq; perniciosissimum homini, Deo contrarium.

2. Vitæ nostræ, inter tot pericula constitutæ, breuitas, eius duratio ignota, terminusq; incertus.

3. Dei vbiq; præsentis & omnia scientis excellentia, ac maiestas, in nos beneficentia inexplicabilis, vt Patris, vt sponsi, sua dona, in nos conseruantis, nos sustinentis, omnia bona tam animi quàm corporis nobis largientis, omnia mala à nobis auertentis, magna præmia promittentis & præparantis.

4. Grauißimum odium, quò Deus semper persecutus est peccatũ, seuerissimis illud legibus vetans, & pœnis grauißimis puniens illius reos, adeò vt etiã Filio suo non pepercerit, ob susceptas in se nostras iniquitates.

5. Peccatoris summa ingratitude, nequitia, præsumptio, & indiscretio, in maximã Dei cedens iniuriam. Is enim, per peccatum

negat supremo benefactori Deo debitam obedientiam: eripit ab eo vniuersalissimum imperium, & dæmonem præponit, denuò crucifigit, & quidem non semel aut bis, sed multoties, idq; ob lenissimas causas, aut etiam absq; eis, sæpius, neq; ad id multum stimularus, imò quasi per ludum & iocundum nihili faciendo lædere eum, qui habet potestatem vitæ & mortis, qui peccatores seuerè iudicaturus ac puniturus est, in quo viuimus, mouemur, & sumus, qui potest animam mittere in gehennam. *Prax. for. pæn. Ab. 2. d. prudentia. Confe. c. 5. sec. 3. Nat. c. t. n. 39. Sc. 10. n. 4.* Et multo plura motiua Dominus Deus inspirabit confessori pio & prudenti; plurima quoque ex assidua librorum spiritualium lectione suppeditabuntur.

#### QVÆSITVM VII.

*An contritio aliquando fit in præcepto?*  
 R. Quæsitum hoc supponit Contritionem esse præceptam, sicut reuera est, diuino ac naturali iure. *Suar. t. 4. d. 15. s. 1. Sc. 3.* Et quoniam de ipsa implenda præceptum est affirmatiuam, ideò non obligat pro semper, & statim, post peccatum commissum, etiamsi opportunitas adsit, sed pro determinatio tempore, vt *Suar. ex D. Th. Alen. Sc. Bonau. colligit se. 5.*

Quamuis

Quamuis ad euadendum periculum mortis, ac damnationis, fugiendum graue periculum diuinæ desertionis, quale est in dilatione poenitentiae, ad vitandam iacturam spiritualium bonorum, omniumq; suorum bonorum operum, quam patitur homo permanendo in peccato mortali: & excutientiam nimiam negligentiam propriae salutis: saluberrimum tutissimumq; consilium sit, statim ac cogitatio ipsius peccati subit, aut aliquid excitat ad eam faciendam, adestq; opportunitas exercendi ipsam; fieri, & non differi. *S. Anto. p. 3. tit. 14. c. 18. Caiet. sum. v. Contritio. n. 4. 1. Sc. alij.*

Quæritur itaq; hic directè, de tempore, quo hoc præceptum datum de habenda contritione, obliget. Omissis autem subtilitatibus scholasticis, breuiter dicitur, quod præceptum de contritione, potest esse duplex: Alterum proprium, directè cadens supra ipsam contritionem, seclusis omnibus alijs concurrentibus: Alterum extrinsecum, scilicet in gratiam alterius alicuius occasionis, aut finis.

Primū igitur præceptum propriū contritionis quo quis obligatur, est in articulo mortis, siue naturalis, siue violentæ, aut probabili periculo vitæ, si antea obligatio nõ sit

impleta, hoc est, post lapsum in vltimum peccatum mortale. *Su. sec. 6. allegans D. Th.*

Secundum præceptum extrinsecum obligat in sex casibus.

1. Quando minister Ecclesiasticus, peccati mortalibus conscius, administraturus est aliquod Sacramentum, vel actû alicuius ordinis, ( qui ministrû sine peccato requirit ) exerciturus, tunc enim vel conteri, vel confiteri ( si tantum attritus sit ) tenetur.

2. Sacerdos aliqua necessitate urgente celebraturus, non habens copiam confessoris, contritionem habere obligatur.

3. Recepturus Eucharistiã, necessario (ubi non adest confessoris copia) vel aliud Sacramentû viuorû, præmittere debet contritionem.

4. Si occurrat vehemens tentatio, & occasio peccandi, ad quam vincendam iudicaretur necessaria diuinæ amicitia recuperatio.

5. Quando commune malû Reip: imminet, cui absq; feruore orationis subueniri nõ potest, tenebuntur membra illius cõmunitatis, vt exaudiantur & impetrent Dei auxilium, insinuare se in gratiam Dei, per contritionem, nisi malent, cum sola attritione confessionis remedio vti. Hæc Suar. ex alijs *DD. dis. 15. s. 6. § Pro resolutione.*

6. Ex necessitate dilectionis Dei, cuius præceptum obligat ante mortis articulum, & non potest impleri per eum, qui est in peccato mortali, nisi redeat in gratiam Dei per contritionem. Itaque propter actum dilectionis, necessaria tunc erit contritio. *Suar. se. 6. § Super est.*

Hoc autem præceptum dilectionis Dei, non habet tempus præfixum à lege positiuæ, sed prudenti arbitrio hominis committendum est, vt iudicet ex circumstantijs, an incipiat esse nimia dilatio. Et subdit notatu dignam doctrinam Suarez.

Quod præceptum affirmatiuum non obligat quidem, nisi in articulo necessitatis, sed ista necessitas non est intelligenda de sola necessitate articuli mortis, aut alterius extrinseci nocimenti seu damni, sed de quacunque necessitate morali, quæ imminet ad rectè & honestè viuendum, secundum rectam & prudentem rationem. Idem placet Gaugerico in *sum. Cai. v. contritio: § Petro Soto, ibidem citato.*

### Q V Æ S I T V M VIII.

An debeat quis conteri de singulâ peccatâ, an verò de omnibus in communi & quando?

Et est inter aliquos & modernos opinionem diuersitas. *Sot. 4. d. 17. q. 2. a. 3. Decis. l. 1. c. 5. n. 3.* Nos respondere breuiter decreuimus, cū distinctione. Dupliciter enim loqui possumus de contritione, in ordine ad confessionem. scilicet per se seu regulariter. Et per accidens, hoc est, in aliquo casu. Si itaq; loquamur de contritione per se: tunc secundum doctrinam D. Th. exigitur singulorum peccatorum specialis ac propria eiusdem correspondens, contritio. Si quidem quilibet regulariter tenetur præmeditari peccata sua ante confessionem, & in ipsa confessione distinctè recensere: vtrumq; autem, non sine amaritudine animæ suæ faciet. *D. Th. 3. q. 87. a. 1. & suppl. q. 2. a. 6. & 4. d. 17. q. 2. a. 3. q. 3.* Caiet: in tertia p. Et in opus. *tom. 1. tracta. 4. q. 2.*

Quod si loquamur de contritione in casu videlicet, quando deest opportunitas temporis, vel obliuio accidit inculpabiliter, nimirū post diligentē recogitationem & præparationem, tunc sufficit vnā penitentinam seu contritionem extendere ad omnia peccata vniuersaliter, siue ante, siue post confessionem. Quæ est multorū opinio, præsertim *Suar. 10. 4. disp. 3. scilicet 8. & disp. 4. sec. 6. Et disp. 20. sec. 2. & Circa tertium, Et scilicet 4. § Quinto libro. Et § Non nulla.*

Caiet.

*Caiet. in Sū. v. contritio n. 3.* eligens benignam opinionem, dicit sic: Homo, qui multa habet mortalia, in generali detestatur omnem suā mortalem in Deum offensam, cū animo vitandi de cetero. Sic namq; contritio generalis est contritio virtualiter attingens omnia & singula commissā, etiam oblita, nec exigitur ad salutē, habere singulas contritiones iuxta singula peccata, nec secundum numerū, nec secundum species peccatorū: sed sufficit ista communis, terminata ad singula mortalia etiam in communi. Itaq; iuxta *Caiet. & Suar. doctrinam*, respondebitur directè ad quæsitum, quod non tenetur aliquis conteri de singulis in particulari, sed vna contritio in cōmuni sufficit, quæ tamen se extendat ad omnia peccata mortalia commissā in communi, producta siue ante confessionem, siue in confessione, & siue in principio eius, siue in medio, siue in fine. Nam contritio, necessariò debet concurrere ad confessionem sacramentalem, sed non est præceptum, quando id faciendum sit determinatè.

## Q V Æ S I T V M I X.

*An formale propositum non peccandi sit de necessitate Contritionis?*

C 2

Resp.



R. Per se & ordinariè est necessarium ad cō-  
tritionem, vel attritionem formale, hoc est,  
actuale, & expressum in voluntate, propo-  
situm non peccandi in futurum mortaliter.  
Quamuis per accidens, in casu inaduerten-  
tiæ aut obliuionis, non necessario requira-  
tur: vt si quis bona fide, verè detestetur  
peccatum, quod confitetur, & non aduer-  
tat, ad formale propositum cauendi in futu-  
rum: satisfacit per illud virtuale propo-  
situm, quod in efficaci detestatione includi  
cenfetur, & reuera includitur. Suar. d. 20.  
sect. 4. § Sine propositum. & supra disp. 4. se. 3.

Similiter in casu mortis proximæ: Tunc  
enim de proposito vitæ futuræ, non sumus  
multum solliciti. Nec talis obligandus erit  
ad habendum propositum, sub conditione,  
si vixero. Suar. d. 4. sec. 3.

### QVÆSITVM X.

*Qua occasio à pœnitente deserenda?*

R. Occasio proxima, qua pœnitens si vtere-  
tur, semper aut frequenter in peccatū mor-  
tale caderet, perpensis suis circūstantijs, scilicet,  
fragilitate & experiētia, iudicio ipsius  
mer pœnitentis aut confessarij. Nec satis est  
ad hoc

ad hoc, vt aliqua occasio sit proxima, quod  
pœnitens & confessarius credant, quod nisi  
pœnitens se abtineat ab ea, nonnunquam  
ob eam est peccaturus mortaliter: dum mo-  
do adsit firmus animus non peccandi. Nauar. c. 3. n. 13. & 14. Et Prax. for. pœn. l. 2. c. 8.  
n. 100. Neq; propinquitas occasionis expen-  
denda est, ex difficultate vsus ipsius absque  
peccato. Nam vt S. Leo dicit, militi & ne-  
goriatori exercentibus artes suas, difficile  
est abstinere à peccatis quibusdam, non ta-  
men impossibile. Nauar. cap. 3. n. 12. De-  
cis. c. 28.

## TITVLVS IV.

### De Confessione.

*Habet quæsitæ decem.*

### QVÆSITVM I.

*Confessio generalis totius vitæ, si est neces-  
saria, vel utilis valde. Et an possit in ea  
quis omittere aliquod peccatum,  
aliàs confessum?*

R. Ex natura sua, non est necessaria: sed ma-  
ximè utilis, 1. Ad exercitiura humilitatis.  
2. Pœnæ

2. Poenæ diminutionem. 3. Ad consilium, accipiendum, & directionem in vita spirituali per confessorem faciendā. Gratia tamen subiecti, sic, vel aliter dispositi, aliquando est necessaria aliquando utilis tantum, aliquando nociua.

Necessaria his, quorum præteritæ confessiones inualidæ erant vt infra *Quæsito 5.* dicitur.

Aliquando utilis: vt his, qui peccata vel persuasibili conscientia sunt præditi, & ob aliquem honestum finem, volunt iterare confessionem.

Alijs nociua, scilicet scrupulosis, qui non modo non pacarent conscientiam hac ratione, sed etiam valde turbarent. In qua confessione, celare aliquod peccatum mortale, aliàs ritè confessum, & valide absolutum, non est peccatum mortale: quia peccatum mortale, aliàs bene confessum, non est materia necessaria confessionis.

#### QVÆSITVM II.

*Quæ peccata de necessitate consistenda, quæ de congruitate?*

R. Peccata mortalia certa vel dubia, sunt de necessitate consistenda; venialia de cōgruentia.

tia. Hoc est: utile & honestum est, hæc confiteri, ex quo sunt materia legitima. Possunt tamen sine culpa omitti, vel omnino, vel ex parte, pro arbitrio poenitentis. Suar. ex *Concil. Trid. disp. 22. f. 8.* & in communi sine numero, ac circumstantijs narrari.

#### QVÆSITVM XIII.

*Quot sunt circumstantie peccatorum in confessione explicanda?*

R. Circumstantiæ ab aliquibus plures, ab alijs pauciores numerantur: communiter tamen traduntur septem in hoc versu:

*Quis, quid, vbi, quibus auxiliis, cur, quomodo, quando.* D. Th. 12. q. 7. a. 3. ex Cic: & Arist. Vbi Arist: addit octauam circa *Quid*, sed ista comprehenditur, sub *Quid*. Posset addi circumstantia scandali, sed hæc reducitur ad (*quomodo*) sicut & erronea conscientia, vel confidentia. Adhuc posset adnumerari circumstantia *cum quo*, sed & ista reuocari potest ad circumstantiam (*quibus auxiliis*) vel certè ad (*quis*) vt infra dicitur.

Declarat itaq; breuiter D Th. has circumstantias sic. Considerandum est, inquit, in actibus, quis fecit, quibus auxiliis, vel instrumentis fecerit, quid fecerit, vbi fecerit, cur fecit

cerit, quomodo fecerit, & quando fecerit.

Et quoniam circumstantiarū notitia confessoribus, & confitentibus est apprimè necessaria: ideo paulo fusiùs declarabuntur.

Igitur circumstantia (*Quis*) quærit de persona peccantis, non secundum substantiam, sed secundum conditionem, quæ accidit personæ, siquidem circumstantia est conditio extra substantiam actus, attingens aliquo modo actum humanum. *D. Tb. d. 1. vnde Valent. 12. d. 2. p. 2. circumstantiam (quis) declarat, dicens, id est, qualis.*

Tales conditiones sunt, officii personæ, (si ratione illius tenetur aliquid nocentum vel malum impedire.) Status, votum, iuramentum, Religio, consanguinitas & Affinitas, vt, si, matrimonio iunctus, voto, religione aut iuramento adstrictus carnis peccatum perpetraverit. Huc reduci potest, circumstantia (*cum quo*) Dum enim quæritur, *quis*, potest intelligi, non tantum propria persona peccantis & confitentis, sed etiam socij criminis.

*Quid*, Non significat substantiã actus, in quo peccatum versatur (vt est, esse alienū in furto) sed cõditiones eius, quæ sunt qualitas & quantitas, vt docet *Suar. d. 22. f. 4. Azor. t. 1. lib. 2. c. 4. Vnde Roderiq. sum. c. 53. n. 1. Lopez,*

*Instr. c. 29. Hæriq. loco (quid) ponūt (quantū) Candel. verò (qualis). Qualitas autem est, vt si res ablata sit sacra vel profana. Quantitas, vt quantū furatus est, vel quam grauiter percussit. Quod interdū necessarium est propter restitutionem, satisfactionē, aut etiam reservationem, (quando furtū in tāta quantitate esset reseruatū) vel propter excõmunicationem ob percussione[m] clerici, ad sciendum si Episcopus absoluere possit.*

Huc reducitur Circumstantia (circa quid) & proprie indicat personam, circa quam vel contra quam peccatur, vt paulò ante dictum est. Suarez & Henriquez.

*Vbi*, ex iure positiuo ad locum sacrum determinatur, in quatuor casibus, qui sunt cõtra venerationem & immunitatem loci sacri, scilicet in furto, in sanguinis ac seminis effusione, nec non extractione confugiētium ad Ecclesiam.

*Quibus auxilijs*, Hic quæritur de instrumentis peccati (si vltus eorum prohibitus est) vel si ad explicandum grauitatem nocementi, eorundem declaratio necessaria est, vt si, gladio, bombarda, baculo, vel pugno. Et de cõcausis peccati, hic quæritur, quæ quia possunt esse homines, (si inducti sunt ad consortiū pecca-

peccati ( ideo circumstantia quoq; scandalū hic potest habere locū. Similiter, si cōtra Catholicos pugnando, acciti sunt infideles in auxiliū. Roder. c. 5. 3. n. 9. ex Med. l. i. c. 9. § 2. Azor, Huc etiam reduci potest circūstātia (cum quo) nō ex nomine complicem declarando, sed ex statu seu qalitate, vt si coniugatus, religiosus, virgo, filia confessionis (secundū D. Th. 2. 2. q. 154. a. 1. 2.) Si cum desponsata Lopez. & Roderiq.

*Cur seu propter quid* Finem actus extrinsecum insinuat. siue actus ordinatus ad talem finem mortiferum, sit ipse quoque mortalis, (vt cū quis occidit propter furtū) siue non: vt iocosa verba proferre, propter inductionem ad peccatum carnale.

*Quomodo*, Inuestigat modū accidentalem, vt si ex erronea conscientia, non deposita. Si scandalose, vel sollicitando imparatum. Lopez. Fraudulenter (in ludo charitatū) vel sincere. Ex cōfidentia obtinēda veniæ, per confessionem, quod potius, alleuiat si sit cū proposito non perseuerandi, sed abstinendi à peccato D. Th. 2. 2. q. 21. a. 2. 3. Decis. l. 1. cap. 20. n. 5. Nau. c. 6. n. 4.) vel per bullam: tunc enim si pro tali, exceptio in bulla apponitur, excluditur à participatione illius gratiæ De-

tractio.

tractio, si priuatim vel publicè fuerit facta. Hoc enim necessarium est, propter satisfactionis modum imponendum.

Similiter, si peccatum est ex scientia vel ignorantia. Quia in ordine ad censuras Ecclesiasticas, necessarium sapiens est, cognoscere hoc, cū in illis soleat apponi particula, *Qui præsumpserint.*

Modū verò peccādi ex cōsuetudine seu relapsu, nō esse necessariū explicare, docet Cano, nisi dū Cōfessor iudicat expedire, Suarez

*Quando*, Circūstantia temporis, ieiunio vel orationi consecrati, raro, aut nunquam est cōsistenda, nisi peccatum fiat proposito violandi tale tēpus. Nau. n. 11. seu (quod idem est) sit directe contra temporis sanctitatem, Med. § 2. vel ratione contēptus, Decis. Aut speciali præcepto, tempus sit præscriptū ad actionem: aut prohibītū. Suar. d. 22. se. 4.

Hinc quando tempus duplici vel triplici præcepto est præscriptum ad aliquid agendum, v.g. ad Sacrum audiendū, concurrente in vnum diem, Dominica, & festo: ad ieiunandum, ex voto, præcepto vigiliæ, & 4. temporum, tunc transgressor vtrūque titulum exprimere debet, vt docet Nau. & Lopez. (quamuis Suar. distinguat) Quoad perseuerantiam

tiam verò in peccato: tunc tenetur aliquis exprimere in confessione, quando aut mora valde notabilis fuit, vt inimicitia per mense vel annum. Henriq. *l. 5. c. 6. n. 6.* vel quando nō potest numerum peccatorum recensere, tunc enim sufficiet tempus durationis in tali statu explicare. Nau. *n. 15.* Aut etiam ad remedia consequenda *Sa. vers. Confessio. n. 22.*

Hic sunt obseruanda duo.

1. Non omnes hæ circumstantiæ semper in omni peccato possunt inueniri. *Cand. de conf. n. 36.* Et quando inueniuntur: nō semper sunt explicandæ, sed tunc tantum quando vel speciē mutant, vel (secundū aliquos) notabiliter aggrauant, vt statim dicitur.

2. In explicatione circumstantiarum, curandum est, ne complicitis persona in particulari diffametur absque rationabili causa, hoc enim ex se peccatum, mortale est. Si tamen causa legitima adsit; sicut non erit formalis detractio (hoc est, ex intentione diffamandi, sed materialis tantum, quæ potest esse heita, si cedat in loquentis vel alterius comodum) ita neq; peccatum erit in confessione reuelare. Docet hoc copiosissimè. *Suar. d. 34. s. 1. & D. Th. in comprobationem adducit Caiet. Sum. V. Confessio. n. 3. Decaf. li. 1. c. 20. d. n. 40.*

QVÆ

QVÆSITVM IV.

Quomodo differunt circumstantia mutantes speciem ab his, quæ aggrauant?

R. Hoc modo. Quia circumstantiæ mutantes speciem sunt illæ, quæ specialem habent malitiam, & alterius rationis, quã sit malitia ipsius actus, hoc est, malitiam repugnantem diuersæ virtuti, vt circumstantia loci sacri in furto, repugnat virtuti religionis, ipsū autem furtū virtuti iustitiæ. Aggrauantes autem solum, & nō mutantes speciem, addunt quidem malitiam actui, quæ tamē non est alterius rationis, sed repugnat eidē virtuti cui ipse actus, vt est diuturnitas temporis, quo quispiam diu gessit animū inimicum, aduersus proximum. *Gaugericus in annot. in Sum. Caiet. V. Confess. lit. A.* Vel sic ex *Lopez. c. 29. Et Nauar. c. 6. n. 3.* Illæ mutant speciē, quæ vltra malitiam actus principalem, habent specialem repugnantiā cum ratione. *D. Th. 4. d. 16. q. 6. a. 2. q. 3.* vt in furto rei sacræ: specialis est repugnantia ad rationem, illa quæ est contra sanctitatem rei sacræ, ab illa quæ est ex vrsurpatione rei alienæ,

Vel

Vel quæ (secundum Scotum) diuersis, specialibusque præceptis prohibentur, vt in homicidio in loco sacro, apparet. Nam per decalogū prohibetur homicidiū: & per Ecclesiā vetatur specialiter, ne id fiat in Ecclesia. Vnde Barth. Med. *Instruct. lib. 1. d. 1. c. 9. St. ait.* Circumstantiæ quæ peculiarem deformitatem, ac alicuius præcepti diuini transgressionem ostēdunt, mutant speciem: vt quando quis furatur, vt fornicetur, circumstantia finis, videlicet fornicatio, aliā lege propria prohibetur, distincta à lege, quæ furtum vetat. Ioan. Med. *de confess. q. 8.*

Circumstantiæ verò aggrauantes, intra eandem speciem, contra idem præceptum, eandem turpitudinem, augent tantum, id est, ex magno faciunt maius.

#### Q V Æ S I T V M V.

*Quæ circumstantiæ in confessione sunt explicandæ?*

℞. Certissimum est etiam ex Conc. Trid. *Sess. 14. c. 5. & Can. 7.* Circumstantias speciē mutantēs explicandas esse. Estq; ita cōmunitē sententia omnium Theologorum, quod omnes circumstantiæ sunt explicandæ, quæ efficiunt opera

opera quorum sunt circumstantiæ, peccata mortalia (vt quando circumstantia, peccatum veniale mutat in mortale) Et illæ quæ efficiunt peccata mortalia vnius speciei, esse etiam alterius speciei: aut quod est mortale ob vnā causam, si etiam propter aliam Quoad circumstantias vero aggrauantes, non est ita certum, sed controuersum Et quidē vniuersaliter loquendo, non sunt necessario explicandæ, vt D. Th. docet: aliàs, interdū faceremus confessionem scrupulosam, vt Nau. dicit *cap. consideret. n. 7.* Laudabile tamen est eas confiteri, serenā cōscientia Nau. *c. 6. n. 6.*

Aliquando verò nec possunt, nec debent intermitteri.

1. Ratione reservationis, si illa circumstantia adiuncta, reservationem inducit, vt grauis percussio Clerici facit reservationem Papalem.
2. Ratione excommunicationis, vt si lata esset excommunicatio, pro furto in tanta quantitate.
3. Ratione notabilis & euidentis aggrauationis, vt fractio ieiunij per votitos cibos, plus aggrauat quam per binā comestionē ciborum licitorum, & tamen vtraq; est eiusdem speciei, & contra idē præceptū, & eandem

dem abſtinentiæ virtutis. Similiter & in itinere ſecundi gradus, aut etiam primi (quæuis gradus hi non faciunt differentiam ſpecificam D. Th. & Caiet. 2. 2. d. 9. q. 15. 4. a. 9. Soto: 4. d. 18. q. 2. a. 4. Sa. v. Confessio. n. 19.) Et in odio per longum tempus continuato.

In furto magnæ quantitatis. In vna voluntate occidenti multos in communi. Nauar. in cap. consideret. Lopez c. 31. Henriq. li. 5. c. 6.

Roderiq. c. 33. n. 3. addit: dummodo tales circumſtantiæ ſint cognitu faciles.

4. Cùm circumſtantia annexa eſt reſtitutioni vel ſatisfactioni, vt confeſſor intelligat, & provideat de reſtitutionis modo. Tolet lib: 3. c. 7. n. 5.

### Q V Æ S I T V M V I.

*Quibus caſibus tenetur quis confeſſeri?*

¶ Quæſtio hæc, ſupponit aliquos teneri, aliquando cōfeſſeri. Et reuera obligantur omnes qui poſt Baptiſmū mortaliter peccauerūt. Et quoniã certū eſt nō teneri hominē qui mortaliter peccauit ſtatim confeſſeri, etiã ſi cōmodiſſimē poſſit; cū natura præcepti affirmatiui, non ſit, ſtatim obligare Suar. 2. 4.

d. 35.

d. 35. ſect. 3. Imò & D. Th. ſupple: 9. q. 6. a. 5. & 4. d. 17. Ideò quæritur, quo tempore, & quibus caſibus, quis ſit obligatus confeſſeri.

Dicitur itaque quod in 4. caſibus.

1. Ex vi proprii præcepti, in articulo vel periculo mortis, ſi ante non ſit impletum præceptum. Suar. n. 5. hoc eſt, ſi poſt vltimum peccatum mortale, confeſſio nondum eſt facta. Quia præceptum affirmatiuum, obligare debet, ſaltem in extremo periculo ſeu articulo mortis.

2. Etiam extra articulum mortis, (ſecundum determinationem Eccleſiæ) ſemel in anno quiſque confeſſeri tenetur.

3. Tenetur aliquis confeſſeri, in gratiã alterius actionis, aut virtutis, vt ad ſuperandam ſpecialeſ aliquam tentationē, ſeu peccandi occaſionem. Caiet: Sum: v. Sacram. Confessio.

Et Suar: vbi ſupra declarat, hoc debere intelligi, in ordine ad determinatam ſpeciem peccati, vt homicidij, odij, fornicationis, &c.

Non autem in ordine ad peccatū in communi. Quamuis enim quis ex dilatione confeſſionis, non timeat determinatè, caſum in adulterium, aut homicidium, timet tamen ſepius ſe peccatorum mortaliter, hoc vel illo genere peccati, etſi frequenter confeſſeretur,

ſpera-

speraret se posse omnia, aut multa peccata vitare: huic tamen à nullo imponitur obligatio confitendi, quia esset valde onerosa & scrupulosa: *Suar: § Circa Consilium* tamen est salubre.

4. Similiter propter dignè sumendam Eucharistiam, si adsit peccati mortalis conscientia, quam obligationem Conc. Trid. *sess. 13.* decernit, *D. Th. 4. d. 17. q. 3. a. 1. q. 4.*

### Q V Æ S I T V M VII.

*Quibus casibus tenetur quis iterare confessionem.*

*R.* Quotiescunque confessio fuit invalida seu nulla (Per hanc enim, neq; præceptum confessionis impletur. *Suar: d. 35. f. 4.*)

Invalida autem est multis modis, qui possunt reduci ad duo capita, videlicet ex parte materiæ, & ex parte formæ (quod facit *Suar: d. 22. f. 6.*)

Vel etiam (& in idem redibit) sic. Invalida confessio potest esse, aut ex parte confitentis, aut ex parte confessoris.

Ex parte quidem confitentis. 1. Ob defectam interioris dispositionis necessariam: hæc autem est dolor, de præteritis: propositum deinceps

deinceps non peccandi, occasiones cavendi, restituendi alienum, satisfaciendi pro iniuria, & implendi id, ad quod confessarius iure obligat.

2. Ob culpabilem defectum integritatis, ut pote, si quis integrè non confiteretur, siue ex industria, siue ex negligentia. Hi autem defectus se tenent ex parte materiæ.

Ex parte Confessarij.

Tertius in ordine casus, si iurisdictione caruit.

4. Si intentionem absoluendi non habuit,

5. Si formam Sacramenti non protulit, aut non verbis ad hoc necessarijs.

6. Si surdus, dormiens, aut propter animi divagationem distractus (ita ut non perciperit confessionem) fuit.

Quod si Sacerdos expositus esset ignarus, vel excommunicatus, aut etiam ipse poenitens irretitus eadem censura: tunc si quis confiteretur bona fide: non teneretur iterum confiteri.

Si verò mala fide faceret, hoc est: sciens ipsum talem esse, procul dubio sacramentum nullum valorem haberet, ob defectum dispositionis in poenitente, & integritatis in confessione, in qua hæc mala fides, non erat manifestata.



QVÆSITVM VIII.  
*Quomodo inualida Confessio, est  
 iteranda?*

R. Si confessio alteri cōfessario est facienda, tunc integrè debet repeti, ac si nulla præcessisset. Si eidem, qui adhuc memoriam sufficientem peccatorum habet: tunc satis erit supplere defectum, se accusando de omnibus, quæ alias ei confessus est.

Quando verò Sacerdos est idem, sed peccata iam memoria exciderunt, tunc si confessio fuit inualida defectu doloris, propositi integritatis, iurisdictionis, distinctè erit repetenda. Quia prior non fuit materia confessionis, nec vera accusatio Sacramentalis. Idem dicendum, si surdus fuit, aut non audiuit. Si defectu formæ, non prolata, vel malè, ac sine intentione prolata, tunc sufficit absolutio absque repetitione confessionis.

Quod autem de peccatorum memoria requisita in confessore, dicitur, sciendum est, quod si pœnitentiam imposuit, non indiget memoria. Imò etiam si non meminert pœnitentiæ, satis est vt recorderur hunc pœnitentem, fuisse ritè confessum & benè dispositū,

ac proinde memoriam habeat secundum confusam aliquam & moralem rationem grauitatis peccatorum, seu status conscientie pœnitentis.

Si autem confessor pœnitentiam non imposuit, & neq; in particulari neq; in confuso, (vt præfertur) statum peccatoris in memoria retinet, iteranda est confessio, Suar. d. 22. f. 6.

QVÆSITVM IX.

*Quæ confessio est perfecta?*

R. dupliciter. 1. Illa quæ ornata est conditionibus 16. quarum quædam ad necessitatem eius spectant, aliquæ ad bene esse, vel decorem eius, iuxta illud quod dici solet. Perfectum est, cui nihil deest. Porro istæ 16. conditiones continentur 4. versibus.

*Sit simplex, humilis confessio, pura, fidelis.  
 Atq; frequens, nuda, discreta, libens, verecunda,  
 Integra, secreta, lachrymabilis, accelerata,  
 Foris, & accusans, & sit parere parata.*

D. Th. in suppl. q. 9. a. 4. Vbi docet, secundum declarationem ibi adhibitam, omnes esse de necessitate, præter duas, scilicet, frequens & accelerata: quas spectare ad consiliū insinuat

Suar. *d. 21. f. 1.* has conditiones iudicat sine methodo, & vulgari modo positas, ipse autem illas ad meliorem ordinem & pauciorum numerum reducere conatur.

Et quoniam varij variè declarant, idè iuxta modum declarationis, adhibendum, aliquæ spectabunt ad substantiam, aliquæ extra substantiam erunt. Harum autem conditionum declarationes in omnibus ferè huius materiæ libellis, reperientur.

Secundo potest responderi. Quòd per hanc interrogationem potest insinuari confessio informis, & formata: quarum prima imperfecta, secunda verò perfecta appellatur à Soto *4. d. 18. q. 3. a. 2.*

Est autem confessio formata & perfecta, quæ non tantùm absolutione completur, & validum sacramentum efficit: verùm etiam effectu sacramenti, id est, gratia informatur. In formis verò illa est, quæ quamuis sit valida, quoad substantiã, quia ex ea verùm efficitur sacramentum, accedente absolutione, tamè post absolutionè, pœnitens non informatur gratia, nec consequitur remissionem peccatorum: licet, nec peccet, nec iterare confessionem teneatur, sed tantùm defectum suppleri, & manifestare in sequenti confessione obligabitur.

Verùm

Verùm in hac materia variæ sunt opiniones. Aliqui enim omnino negant dari confessionem informem, quia attritio sufficiens ad valorem sacramenti, sufficit etiam (inquiunt) ad effectum Sacramenti.

Alij admittunt confessionem informem, sed diuisi sunt, D. Th: enim *4. d. 17. q. 3. a. 4.* confessionè informem censet esse, ex defectu attritionis intensiuo, vt minimùm requisito, non percepto tamen à pœnitente inculpabiliter, per ignorantia inuincibilem, aut inaduertentiam naturalem: & idè absq; nouo peccato pœnitentis, censet sacramentū esse validum, absq; effectu gratiæ. Secus si idem dolor, minor quàm sit vt minimùm necessarius, interueniret vel ex certa scientia, vel ex ignorantia culpabili. Tunc enim non esset etiam ipsum Sacramentum validū, vt pote, cum actuali peccato negligentia. Et multò magis si talis defectus peccaminosus in confessione non explicaretur. Neque talis confessio diceretur informis, sed potiùs nulla. Soto *4. d. 18. q. 3. a. 3. idem docet.*

Suarez *tom. 4. dist. 20. sectio: 5.* Confessionem informem censet, non ex defectu intensiõnis vel qualitatis ipsa attritione sed ex defectu extensiuo, id est, ex defectu in-

regi)

tegritatis, attritionis, ob naturalem inaduerterentiam, vel inculpabilem obliuionem, propter quam quis non recordatur alicuius peccati mortalis, & attritionem habet de cogitatis tantum, non extendens eam actu ad oblitum (seu obliuioni traditum) neque formaliter, neque virtualiter. Et ideo Sacramentum fit validum & verum. sed quia effectus gratiæ non obtinetur, ideo confessio dicitur informis.

### QVÆSITVM X.

*An aliquod peccatum possit à penitente celari, & confessori non indicari?*

R. Regulariter hoc fieri non potest, sed per accidens, tantum: videlicet ad vitandum graue damnum, seu nocumentum proprium vel alienum.

Vt puta, si quis timeret graue scandalum in propria salute spirituali, vel corporali.

Vel si timeret (rationabiliter) confessorem non seruaturum sigillum, & ex sua confessione occasionem sumpturam ad infamandum se vel proximum.

Si manifestando aliquod peccatum, vel aliquam circumstantiam, probabiliter (cū fundamento) timeret confessorem esse scandalizandum, & ad aliquod peccatum graue, aut

tenta-

tationem inducendum. Ratio est. Quia præcepta positiuæ (quale est de integritate confessionis) non obligant cum tanto dispendio & periculo. Et qui non potest sine eo periculo confiteri, censetur tunc moraliter impotens, ad consistendum illud peccatum. Suar. *diff.* 23. f. 2.

*Animaduersio.* Cauendum tamen est, ne occasione istius veritatis traditæ, aliquis suauat sibi ansam erroris, & ad fictas causas tacendi peccata in confessione, trahat. Integritas confessionis de iure diuino est: & ideo vbi ius naturale diuinum, aliud non suadet; omnino seruandum est.

## TITVLVS V.

### De Satisfactione.

*Habet Quæstia 8.*

### QVÆSITVM I.

*Qualis & quanta debeat esse penitentia?*

R. Lege Ecclesiastica non est taxata, nec voluntati confessoris absolute relicta: sed prudenti arbitrio eiusdem confessarij commissa est: quæ sumi debet ex peccatorum grauitate,

D

& porni-

& poenitentis dispositi circumstantijs, ita ut quantum fieri potest, seruetur proportio & iustitia. Siquidem satisfactio est actus iustitiae, & aequalitatem respectu offensae praecedentis, in faciente, importat D. Th. *Suppl. q. 12. a. 2.*

Ex rationabili tamen causa, propter fragilitatem aut etiam graues occupationes poenitentis, leuior satisfactio potest imponi & ob impotentiam, omitti potest. Caiet. *opusc. 1. 1. tract. 6. q. 2. Soto: 4. d. 20. q. 2. a. 3.*

### Q V Æ S I T V M I I.

*Ad implendam satisfactionem qua requiruntur?*

**R. Duo.** 1. Ut sit personalis, id est non per alium facta, nisi confessor expresserit aliud. Alioquin poenitens non satisfaciet praecipuo confessoris, neque sortietur effectum, quem sortiretur, si personaliter impleret.

2. Ut impleatur in gratia, alias satisfactio non habebit effectum. Soto: *4. d. 19. q. 1. a. 5. Ledes. p. 2. q. 3. a. 3. dub. 4. Suar: dis. 38. f. 8.*

Sufficiet tamen illa quae in peccato impleta est, ad integritatem Sacramenti, & ad implendam obligationem à confessore impositam.

Q V Æ

### Q V Æ S I T V M I I I.

*Quo modo satisfacere possumus?*

**R. Tribus modis.** 1. Per bona corporis, seu afflictiones corporales, ut sunt ieiunia, flagellationes, peregrinationes, vigiliae. 2. Per bona animae, ut sunt orationes spirituales, vocales aut mentales, missae, &c. 3. Per bona externa, ut sunt eleemosinae. Quo refertur quidquid in proximi utilitatem expenditur. Bell: *t. 2. lib. 4. d. poen: c. 6.* assignans causam quare communiter à Theologis & Concilio Trid. dicantur illa tria opera satisfactoria.

Oratio, Ieiunium & Eleemosina.

**Quae** etiam statim possunt ad interrogationem responderi.

### Q V Æ S I T V M I V.

*Quid operatur ista satisfactio?*

**R. D. Th: quod 1. 3. a. 28.** dicit, quod satisfactio valet ad duo. Ad expiationem culpae praeteritae; Et ad cautelam culpae futurae: sicut cum homo ieiunat, per hoc praebetur ei remedium contra futuras concupiscentias carnis. Et Caiet: *opusc. 1. 1. tract. 6. q. 2. fin.* Quod satisfactio valet ad solutionem poenae temporalis, atque adeo est expiatiua poenae pro peccato debitae.

D 2

Soto,

Soto: 4. d. 20. q. 2. a. 3. Pœnitentiæ in Sacramento, non solum sunt peccatorum vindictæ, sed etiam medicinæ.

Suar: quoq; d. 38. s. 2. Tres effectus satisfactionis numerat.

2. Proprius inquit & maximè indubitatus effectus ex opere operato huius satisfactionis, est, remissio alicuius pœnæ temporalis, præter illam remissionem, quæ respondere posset ex opere, seu merito operantis.

2. Censet dari ex opere operato per hanc satisfactionem sacramentalem, aliquod auxilium præseruans, seu adiuuans, ad emendanda peccata.

3. Tenet ex doctrina D. Th. Caiet. Soto, quod etiam ex opere operato, detur aliqua gratia gratum faciens. Quia in sacramentali effectû semper hæc duo, scilicet, gratia & auxilium coniuncta sunt.

In summa itaque hæc Satisfactio operatur ex opere operato.

1. Remissionem alicuius pœnæ temporalis.

2. Augmentum gratiæ gratum facientis.

3. Auxilium præseruans à futuris: & ex consequenti, ipsas quoque inclinationes ad peccata, relictas ex præteritis, minuit.

QVÆ

QVÆSITVM V.

*Possitne Confessor commutare, vel tollere pœnitentiam iniunctam ab alio?*

R. Potest æqualis, audita confessione integra eorundem peccatorum, non tamen inferior, quàm inferior, id est, quo ad reseruata, si pœnitentia ea habeat, & confessarius facultate careat. Suar. d. 38. sect. 10.

QVÆSITVM VI.

*In quo differt Satisfactio Sacramentalis à restitutione?*

R. In hoc, quòd Satisfactio (vt colligi potest ex D. Th. 4. d. 15. q. 1. a. 5. q. 1. c. 1. Soto 4. d. 19. q. 2. a. 1. Suar: d. 37.) est compensatio actionis iniuriôsæ alicui factæ. Restitutio est redditiio vel compensatio ipsius rei alicui debitæ. Vnde restituere est alienum reddere. Satisfacere autem est, iniuriam resarcire.

Lessi: de Iust: l. 2. c. 7. du. 4. n. 18. ponit 4. differentias.

1. Quod satisfactio sit quiddam generalius: omnis enim restitutio est satisfactio, non è contra.

2. Satisfactio respicit personam: Restitutio rem.

D 3

3. Sa-

3. Satisfactio propriè fit pro iniuria illata: Restitutio propriè, vbi damnum illatū, vel res alterius ablata, etiam citra iniuriam.

4. Satisfactio fit etiam pro damno irreparabili. Restitutio solūm pro reparabili.

Henric: verò *lib. 2. de pœnit. c. 18.* sic ait Satisfactio consistit in ipsa actione, & non in rebus. Quā quidem actione Deo pro pœnis ob culpam debitis satisfacimus.

Restitutio verò, quamvis sit actio, tamen non sistit neq; consistit in sola actione, sed est circa res, ex iustitia cōmutatiua debitas.

*Sot Iust. l. 4. q. 6. a. 1.* Septem differentias ponit ex quibus secundam & quintam hic ponemus, scilicet, quod Satisfactio est pœnitentiæ pars. Restitutio verò non, sed est præambulum. Deinde quòd satisfactio non solūm homini, sed etiam Deo fit, eique præcipuè. Restitutio verò tantūm homini.

*Sayro lib. 10. tract. 1. cap. 2 n. 2.* ponit septem differentias. Quarum prima est quòd Satisfactio propriè non est, nisi vbi crimen iniuriosum fuit commissum. Restitutio verò, etiam vbi nullum crimen est.

Septima quoq; notatu digna, ex Soto quòd Restitutio non fit in purgatorio, sed solum in hac vitā: Satisfactio autem fit in purgatorio, vel potius satisfactio.

Alij breuius se expediunt dicentes. Satisfactionem respicere culpam & pœnam, quamvis nullum sit damnum factum. Restitutionem verò, respicere damnum acceptum aut vitandum, quamvis aliquando nulla sit culpa.

Exemplum ytriusq;. *Qui Ecclesiæ inferret violentiā, fores inuadendo, tundendo, in cæmeterio aut Ecclesia, armis terrèdo, & alia nefanda, citra damnum aliquod perpetrado, hic peccaret, & pœnæ subiaceret, qua satisfaciatur pro culpa: tamen nihil restituere teneretur. Quoad secundū, Qui mutuo ab aliquo, quippiam accepit aut à fure bona fide emit, nihil peccauit, restituere tamē obligatur*

#### QVÆSITVM VII.

*An per opera, aliàs, debita, possit fieri Satisfactio?*

R. Aliqui negant, & benè; saltem regulariter: aliqui concedunt, per opera, alias, præcepta vel debita, posse fieri satisfactionem, nec malè, videlicet in casu, quando cōfessor videbitur idesse necessarium ad salutē pœnitentis. Si tamen confessor imponens pœnitentiam non exprimit, intelligendum erit, de operibus supererogatis, seu consilij, & non de aliis debitis Suar. *d. 38. f. 6.*

## QVÆSITVM VIII.

*Quid conferunt Indulgentiæ ad hanc confessionem Sacramentalem?*

R. Multum sanè: quia loco Satisfactionis subrogamur, ad delendas pœnas temporales post confessionem relictas. Cùm autem DD. dicunt per indulgentias remitti pœnitentiæ impositas: subintelligendum est, vt satisfactiæ sunt, non vt medicinales.

Et quia Indulgentiæ non dantur in destructionem, sed in ædificationem animæ: idè pœnitentiæ iniunctæ, propter indulgentias, non sunt omittendæ. Suar. *disp. 38. sect. 10.*

## TITVLVS VI.

## De Absolutione.

*Habet Quæstia 15.*

## QVÆSITVM I.

*Quæ verborum forma in absolutione requiritur, de Essentia, & quæ de Congruitate.*

R. Ad

R. Ad Essentiã absolutionis strictè loquẽdo, pertinent illa duo verba: *Absoluo te*, Dicendũ tamen est, secundũ consuetudinem. Ego te absoluo à peccatis tuis *S. a. v. Absoluo*. Nam omisso pronomini (ego) graue peccatũ inducit, nisi defectus temporis excuset.

Cætera omnia sunt de congruentia, siue præcedat ( vt Oratio, Misereatur tui Omnipotens, &c. ) siue sequatur, ( vt quæ ad iniunctionem pœnitentiæ generalis pertinent. D. Th. *quod l. 3. a. 28. Decis. lib. 1. c. 32. n. 9.* ) siue concomitentur, vt quæ formam absolutionis intra se continent.

## QVÆSITVM II.

*Quis ordo seruandus in absolutione à peccatis, excommunicatione, aut irregularitate?*

R. Vt prius fiat absolutio à Censuris, deinde à peccatis, secundum ordinem consuetum, videlicet, si non constat pœnitentem esse excommunicatũ, absoluatür ad cautelam sic: *Si teneris aliquo vinculo excommunicationis, &c.* Deinde *Misereatur tui &c.* Postea *Dominus noster IEZVS Christus &c.* Vltimo *Pasfio Domini nostri IEZV &c.* Nau: *c. 26. n. 22.*

D 5.

Hic

Hic scito, quod *suspensio* non afficit nisi solos Clericos Suar: de censuris *disp. 28. f. 2.* Vbi alegat multos DD. Itaq; cum absolutio fortur, in non clericum dici debet. *Si tenetur aliquo vinculo Excommunicationis & interditi. &c.* Omissa suspensione. Si constat de Excommunicatione, debet seruari forma iuris, videlicet, vt in grauioribus, iuret prius Excommunicatus se obediturum mandatis Ecclesie, vel absoluentis. 2. Vt parti satisfaciatur, si offensa, aut debitum, aut impensa, interueniunt, et si satisfacere nequid, tenetur dare idoneam cautionem, hoc est pignora vel fideiussorem, vel tandem iuret se satisfacturum, quam primum poterit. De quo infra fusius.

3. Si honeste & absq; scandalo fieri potest (quod propterea omittitur in mulieribus, & in locis publicis) denucietur scapulae seu humeri, & flagellentur ad singulos versus, psalmi *Miserere* vel alterius poenitentialis, cum *Gloria Kirie eleyson. Pater noster. &c. Saluum fac. Nihil proficiat. Esto ei Domine turris fortitudinis. Domine exaudi. Dominus vobiscum.*

Orat. *Deus cui propriam est, &c.* Vt quem vel quam excommunicationis sententia ligat, miseratio tuae pietatis absoluat. Per Christum Dominum nostrum &c.

4. Detur

4. Detur absolutio. Autoritate omnipotentis Dei & beatorum Apostolorum Petri & Pauli, mihi commissa, absoluo te ab excommunicatione maiori, quam incurristi, propter tale & talem causam, (quae distincte est exprimenda) & toties quoties incurristi, & restituo te Sacramentis Ecclesiae, communioni, & unitati fidelium. In nomine, &c.

5. Danda est absolutio alia ad cautelam, scilicet, si teneris aliquo vinculo, &c. & tandem a peccatis. Caiet: *Sum. v. Absolutio ab Excom. Nauar. c. 26. n. 7. Decis. lib. 4. c. 17. Toletus lib. 1. c. 15. n. 10. Sa. v. Absolutio ab haeresi. n. 19. & sequenti.*

Et cum ista absolutio, dicatur solennis, cum caeremonijs, simplex autem illa, quae est per sola verba: adfit *Sa. n. 18.* quod solennitatis absolutionis non requiritur, in foro Sacramentali.

Quod ego limitarem ad valorem absolutionis: non autem quoad euitandum peccatum, & maxime cum committitur, vt detur absolutio in forma, *Decis.*

Irregularitas raro accidit dispensanda in confessione: nisi fiat coram praelato facultatem habente, aut altero, cui specialiter sit commissa super eam potestas, & tunc vtendum



dum est forma solita, præmissa tamē absolutione ab excommunicatione ad cautelam.

Notandum est hic, propter simpliciores, quod excommunicatio & qualibet censura, non tollitur per solam emendationem peccatoris, nec per recōciliationem, nec per satisfactionem, neq; per lapsum temporis, nec per mortem eam ferentis, neq; per mortem ea ligati, sed solum per absolutionem. Suar: *de cens. disp. 7.* Nisi sic lata sub cōditione: (donec satis feceris) absq; remissione ad absolutionem. Tunc enim satisfactione exhibitæ, ipso facto tollitur. Quāvis aliqui contrariū fenserint, dicentes etiā impleta conditione, necessariam esse absolutionem. Suar: *ibid.*

### QVÆSITVM III.

*Qui sunt casus reservati Papæ?*

¶ Multi & in duplici ordine. Nā alij reservati, reservatione strictissima, in Bula Cœnæ Domini. Alij vero extra Bullam, ferè innumerabiles, quas videre potes in nostris elementis ad sacras confessiones, breui corrigendis Et apud Naua: 2. c. 17. *anum. 75.* & *deinceps. S. v. Excommunicatio. Decis. l. 4. c. 19.* & seq. Et fortasse nos excommunicationes Papales

pales extra Bullam Cœnæ Domini, in appendice examinis, repetendus, breui & clara methodo.

Vsum tamen est casus Bullæ Cœnæ Domini, hic stylo breviori & faciliori in ferere, ea methodo, qua Synodus vitur, cap: 24.

Et quoniam illi casus annexas habent excommunicationes: idē ipsæ enumerabuntur.

Prima igitur est, contra Hæreticos.

2. Contra Complices: Quales Synodus iudicat eos, qui Confœderationem in regno promouent aut defendunt.

3. Legentes, retinentes & imprimentes libros hæresim continentes: vel de religione tractantes.

4. Contra Schismaticos.

5. Contra onerantes proximos nouis vestigalibus, pontalibus, aggeralibus &c. absque Principis autoritate.

6. Dantes auxilia infidelibus, & hæreticis, suppeditando materiam, seu necessaria belli.

7. Qui cerciores faciunt eosdem, de rebus Christianorum, in perniciem & damnum Reip. Christianæ. r

8. Contra infentes vim Romipetis.

9. Contra persequentes Episcopos, Nuncios Apostolicos, aut legatos: cum cōplices inter

inter quos sunt, qui quocunq; modo curât,  
eos ex Dominio eijci, & multo magis qui  
mandant aut eijciunt. Cauendum ne iste ca-  
sus hic inueniatur.

10. Iniuria afficientes (perenciendo, bo-  
nis spoliando, &c.) eos qui ad Romanam  
etiam in suis causis reuertunt.

11. Et Similiter iniuriosè tractantes eos,  
qui recurrentium sunt Iudices, Cômmissarij,  
procuratores, seu aduocati.

12. Impediētes quocunq; modo exe-  
cutionem literarum Apostolicarum, vel eti-  
am citationes, quascunq; dispositiones, &  
decreta Sedis Apostolicæ, vel eius legatorū,  
aut nuntiorum.

13. Prohibentes quomodocunq;, ne ta-  
belliones, executores; & notarij, in his of-  
ficium suum exercent.

14. Prasumentes prohibere, ne acceda-  
tur ad Sedē Apostolicā, pro negotijs prose-  
quendis, & pro gratijs velliteris impetrâdis.

15. Qui impediunt quomodocunq;, ne  
impetrantes à Sede Apostolica gratiam, vel  
litteras ipsis vtantur. Aut etiam talium dela-  
torem retinent.

16. Contra iudices & officiales, eorumq;  
complices, auocâtes causas quocunq; modo  
spiritua-

spirituales, aut eis annexas, à iudicibus Ec-  
clesiasticis, vel quomodocunq; cui sum tali-  
um causarum impediunt, vel ingerunt. Et  
cognitioni earum, tanquam iudices, aut eti-  
am partes actrices compellunt ad renouan-  
dum iuris processum, vel ad consentiendum  
absolutioni ipsius rei.

17. Contra omnes iudices seculares qua-  
lescunq; sint, qui ratione talis officij ad iu-  
diciū seculare personas Ecclesiasticas quo-  
modocunq; trahunt, etiam prætextu lite-  
rarum Apostolicarum, præter iuris Cano-  
nici dispositionem. Vbi Synodus inquit, con-  
tra hunc articulum quotidie peccare iudi-  
ces prouinciarum.

18. Contra facientes, ordinantes, publi-  
cantes constitutiones, vnde libertati Eccle-  
siæ, Sedi Apostolicæ, & iuribus Ecclesiæ  
præiudicatur.

19. Et qui vtuntur talibus ordinationibus.  
Hinc deducit Synodus, quòd illi qui titulo  
côpositionis, tudos, decimas, ac prouetus Ec-  
clesiasticos retinēt; verè vtuntur toties da-  
mnato decreto, de cōpositione inter status.

20. Impediētes quoscunq; iudices Ecce-  
lasticos, Ordinarios & delegatos, ne sua iu-  
risdictione vtantur. Videant, (mouet Syno-  
dus

88  
 dus)quàm temerè tantam excōmunicationē incurrāt, qui cum magna turba armatorum comparent, coram Ecclesiasticis iudicibus, vt hij minarum & violentiæ metu desistant à iudicando, vel iuxta minantium placitum decernant. Neq; tantùm isti, verū etiam qui huic rei se admiscunt, excommunicantur.

21. Contra eos qui vsurpata iurisdictione, sequestrāt fructus Ecclesiasticos, & qui vsurpant quasi ius ad id habentes, & tanquā ad se pertinentes, prouentus præfatos, aut etiam iurisdictionem.

Hic significat Synodus, plurimos auaritia excœcatos, census ecclesiasticos, decimas, aliosq; redditus ecclesiasticos appropriare, cōtra expressas foundationes. Porro fures & latrones hic non includuntur, quia non tanquam prouentus Ecclesiasticos vsurpāt, sed tanquam aliena bona rapiunt.

22. Contra omnes qui personis Ecclesiasticis, ac bonis & prouentibus ad eorum ecclesias, & monasteria pertinentibus, imponunt collectas, aut qualiacūque onera, absq; speciali & expressa licentia summi Pōtificis.

*Nota hic ex Suar. de Cens. d. 21. f. 2. § Decima octaua.*

Hæc impositio & exactio siue fiat per modum

89  
 dum statuti, siue præcepti, aut per violentiam, aut quacunque alia ratione, inducit excōmunicationem. Afficit autem & cōplices.

Animaduertit Synodus, vicinos malos, bonis seu villis spiritualibus, solere quasi imperere, vt agros arent, segetes metant, laborent, & præterea contribuant: ac proinde eos iniquè agere, declarat.

23. Et eos qui talia onera sic imposita, recipiunt, etiam à sponte dantibus; quia non omnino libera voluntate dant. *Suar.*

Hic notat Synodus, perperam facere exigentes vectigalia in fluminibus publicis, à frumentis spiritualium personarum, collectis ex decimis, vel agris Ecclesiasticis, ad portum deducendis.

24. Contra Iudices cum suis Notarijs, Executoribus & Complicibus, interponentes se in causis criminalibus, contra personas Ecclesiasticas, eas processando, capiendo, banniendo, sententiando.

25. (*Quæ omissa est*) contra appellantes à Papa ad Conc. Generale: cum complicibus.

26. Contra latrunculos maritimos.

27. Contra surripientes bona naufragantium Christianorum, & in littore inuenta.

28. Contra falsarios literarum Apostolicarum.

29. Contra impediētes vidualia ad curiam Romanam deferri.

30. Contra appellantes ad laicam potestatem, in causis Ecclesiasticis, ad impediendam executionem literarū Apostolicarum.

31. Contra inuadentes terras Romanæ Ecclesie subiectas.

32. Aliquando ponitur contra raptores & detentores bonorum mobilium Romæ Pontis: tempore infirmitatis, mortis eius, aut vacationis.

33. Confessores ab his absoluerè præsumentes, incidunt in excommunicationem Papalem. An verò sit reseruata in eadem Bulla, non omnino est certum: quamuis synodus in partem affirmatiuam inclinè.

#### Q V Æ S I T V M I V.

*Casus reseruati Episcopo quotuplices sunt?*

Æ. Triplices. Alij enim (secundum communem modum loquendi) sunt reseruati de iure. Alij de consuetudine generali. Alij constitutione particulari.

Quo ad casus Episcopales de iure, variæ sunt sententiæ, & (vt dicit Syluest. v. casus q. 2. de hoc

de hoc Doctores implent quaternos. Nauar: autem. c. 27. n. 262. sic ait. *Qui* autem & quot sint casus Episcopo reseruati, magna est inter Doctores contentio. Nam aliqui numerant plures, alij pauciores, alij admiscēt censuram, votorum, & iuramentorū ablationes: alij puros casus enumerant. Non desunt qui negant (& quidem rationabiliter) aliquod peccatum, iure communi (seclusa consuetudine) Episcopo reseruatum, vt Suar: t. 4. d. 29. sect. 3. satis solidè & eruditè docet. Quod patebit, si quis scrutari & perpendere voluerit, ius commune. Nos hic sex enumerabimus, adiecta tamen censura seu correctura.

1. Incendium ex proposito factū: & confilium, auxilium, ad id præstitum. Sed obseruat, Suar: in iure nō inueniri reseruatiōnem.

2. Peccatum, ob quod pœnitentia solennis imponēda est: quæ solum propter peccatum notorium graue, & scandalosum, imponitur: quamuis talis pœnitentia propriè, non sit in vsu. Nau: Decis. lib. 1. c. 13. n. 65.

3. Blasphemia publica & notoria. Sed in iure, solum est sermo de pœnitentia imponenda, in foro exteriori. Suar. Nauar.

4. Peccatum Clerici habens annexā irregularitatē. Sed hic à peccato absolui potest,

remanente irregularitate: cuius dispensatio reseruata est, Suar. Nauar.

5. Absolutio excommunicationis maioris. Atqui excommunicatio non est peccatum, sed peccati poena: & præterea sermo in iure est, de excommunicationibus reseruatis Papæ, quarum absolutio, in aliquibus casibus conceditur Episcopo.

6. Dispensatio votorum & iuramentorum. Sed neque hæc debent numerari inter casus; cum non sint peccata.

Itaq; si volumus consuetū modū loquendi retinere duos, aut ad summum tres primos casus, Episcopales de iure dicemus. verū de consuetudine possunt recenseri plures. Dicuntur autem de consuetudine, illi quos, omnes, vel ferè omnes, Orbis Episcopi, solent sibi reseruare: cum in cæteris differant. Tales enumerantur in *Glos. c. Si Episcopus, de pen. & remiss. in 6. Et extra. Inter cunctas. Et Nau. c. 27. n. 262. Decis. lib. 1. c. 13. n. 65. Cand. Aur. de Absolutione. n. 54. Syluest. v. Casus q. 4.*

1. Homicidium voluntarium aut realis abscissio membrorum.

2. Falsitas in scripturis, testimonijs, & reticentia veri in iudicio.

3. Osten-

3. Ostensio scripturarum, per notarios & Aduocatos, facta parti aduersæ.

4. Violatio libertatis, aut immunitatis Ecclesiæ. cuius absolutio modo est reseruata, in Bulla cœnæ Domini.

5. Retentio incertorum alienorum. Debet enim, eorum quoque esse restitutio. Nau. c. 17. n. 92.

6. Sacrilegium.

7. Diuinatio, incantatio, sortilegium, tam exercentium quam recurrentium.

8. Matrimonij contractus clandestinus: aut contra interdictum Ecclesiæ: & assistentia per modum testis.

9. Susceptio ordinum per saltum.

10. Retentio decimarum.

11. Incestus.

12. Bestialitas & Sodomia.

13. Oppressio filiorum etiam ex casu. *Glos.*

14. Corruptio Monialium.

Hic annectuntur etiam Excommunicationes Episcopo reseruata, quas Nau. c. 27. n. 112. recenset.

1. Ob percussionem leuem Clerici vel religiosi.

2. Illa, quam Episcopus sibi reseruatur per suum statutum.

3. Ex-

3. Excommunicatio Papalis: cuius absolutio ob aliquod iustum impedimentum, conceditur inferiori.

4. Excommunicatio quam quis incurrit, propter participationem cum excommunicato, in crimine, ob quod ab Episcopo est excommunicatus.

5. Absolutus in articulo mortis, vel alias, ob iustum impedimentum, ab excommunicatione ab Episcopo lata: si sublato impedimento, non se præsentat ei.

*Casus Episcopo reservati ex statuto speciali, in Synodo. Cap. 25.*

1. Omnes blasphemi Omnipotentis Dei, Beatissimæ Virg. Mariæ, & Sanctorum, nostræ Episcopali absolutioni reservantur.

1. Abutentes Sacrosancta Eucharistia, & sacris Oleis.

3. Sortilegi, diuinatores, & qui ad eos accedunt.

4. Malefici, qui maleficia inter coniuges faciant, vel sterilitatem mulierum vel abortum procurant.

5. Ecclesiarum, Monasteriorum, Cœmiteriorum, domorum, in quibus Præsbyteri, alijue Clerici inhabitant, sacrilegi effractores, & violatores,

6. Si-

6. Simoniaci.

7. Apostata.

8. Patris & Matris percussores.

9. Homicidium deliberatum, consultū, adiutum efficaci auxilio. Item, Casuale ex culpa præcedenti, vel data opera rei illicitæ.

10. Qui contra iustitiam, vel conscientiam, consilium siue auxiliū in aliquo præstiterunt, vnde mors hominum, vel iniusta membrorum mutilatio est consecuta: vel qui in huiusmodi facinore, scienter literas dictauerunt, scripserunt, legerunt, & occasionem, consilium siue causam dederunt, vel aliud adminiculum præstiterunt.

11. Adulterium notorium.

12. Stuprum villatum.

13. Raptores virginum, aut viduarum, & effractores portarum, ad monasteria Sanctimonialium, & quicumque domorum, piarum inuasores.

14. Sacrilegium cum Deo dicatis.

15. Incestus in primo & secundo gradu.

16. Scelus nefandum, & contra naturam.

17. Incendium dolosum, non publicatum tamen.

18. Occultantes malitiosè vltimas voluntates, & malitiosè easdem impediens, &

qui

qui legata, in pios usus facta, detinent.

19. Sigillorum, scriptorum & monetarum, ac falsarij, item & mensurarum.

20. Scriptores, item compositores, publicatores, detentores librorum famosorum, quibus contemptus & contumeliæ causa, publicantur maledicta, contumeliæ contra Sedis Apostolicæ iura, & personas, contra Regem, Episcopos & Prælatos, ac Regni Senatum, aliasque publicas personas.

21. Qui sine prima tonsura aliquem ordinem sacrum, vel per saltum susceperunt.

22. Clerici qui suspensi vel excommunicati sunt promoti: aut diuina, ordini ipsorum nondum competentia, celebrare præsumserunt.

23. Sacerdotes item & sacerdotum ministri, quorum negligentia aliquid inhonestum, circa Sacramentum altaris, quocunque modo euenit.

24. Proditores auditæ confessionis.

25. Delictum quodlibet, cui excommunicatio maior Episcopalis, interdictumue, aut suspensio fuerit adiuncta.

A quibus quidē casibus reseruatis, cuiuscunque ordinis, vigore maris magni, & quorumcunque priuilegiorum, ne Rosarij quidē

Con-

Confraternitati datis, possunt poenitentes absoluere, quemadmodum ab Illustr: Dominis Card. ad interpretationem sacri Concilii Trid: deputatis, declaratum est; nisi Priuilegia ipsa, talem alicui ordini dederint facultatem, speciatim vel nominatim; vel sint obtenta, vel confirmata post Concilium Trid: & nisi Regularibus virtute literarum Iubilei concessum sit à SS. vel speciatim, vel generaliter, à quibusuis casibus, etiam Sedi Apostolicæ reseruatis.

Q V Æ S I T V M V.

*An confessor absoluens à reseruatis peccet mortaliter?*

℞. Extra articulum mortis absoluens, peccat mortaliter: & præterea absolutio inualida est.

Q V Æ S I T V M VI.

*An Confessor inferior audita confessione integra, possit poenitentem à non reseruatis absoluere, & pro absolutione à reseruatis ad superiorem remittere?*

℞. Potest quidē vt insinuat D. Th: 4.d. 17. q. 3. a. 4. q. 24. Sed nō regulariter, aut vniuersaliter, Suarez: 4.d. 31. s. 2. & 3. Decis. l. 1. c. 13. n. 70.

E

Regula-

Regulariter enim debet subsistere, & facultatem à superiori querere, siue per se, siue per poenitentem, vt possit simul ab omnibus peccatis absolueri, vel ad habentem facultatem supra reseruata remittere, qui audita integra confessione tam reseruatorum, quam ceterorum, absolueri possit, Suar.

In casu tamen, videlicet, quando nō patet aditus ad superiorē, & ex altera parte confessionem, rationabilis causā vel necessitas vrget, ita vt nō possit omitti sine graui scandalo aut infamia, propter implendum præceptū annuæ confessionis, aut cōmunionis, vel propter missam necessariō per poenitentem celebrandam. Tunc enim licebit auditis omnibus peccatis, tam reseruatis, quā non reseruatis, poterit & debet poenitentē absolueri directē à non reseruatis, & ex cōsequenti alia tollendo, sicut & oblita, sub onere tamen comparendi & cōfiteri superiori peccatum reseruatum, atq; petendi ab eo absolutionem: ita vt ipse poenitens intelligat se manere obligatum, ad hoc: & idipsum facere efficaciter proponat. *Sd. v. absolutio. n. 24.* Nec tantū absolui, sed etiā cōmunicare poterit, ex causa aliqua rationabili, vt dictū est. Postea corā superiori sufficiet cōfiteri peccatum

catum reseruatum, & ab eo absolui. *Sd. vbi supra & alij.*

Quod si poenitens impeditus sit aliqua excommunicatione reseruata, non possit hoc modo absolui à non reseruatis, neque cōmunicare. *Sd. vbi supra cum alijs.*

Suar: tamen cōtrarius est. Nam si propter vitandam infamiam, vel scandalum, licet excommunicato cōmunicare; licebit etiā propter eandem causam excommunicato, cōfiteri, & à non reseruatis peccatis (sic vt præteritur) absolui, dummodo per prudentem confessarium, verus casus necessitatis discernatur, & iudicetur.

#### QVÆSITVM VII.

*Habens facultatem absoluedi ab Hæresi in foro poenitentia, potestnē à sola excommunicatione absolueri, & causa confessionis integra faciendā, poenitentem ad inferiorem confessorem remittere?*

*R.* Non potest, si facultatem habet limitatā, & sacramento poenitentia alligatam. Tunc enim absolutionē duntaxat sacramentalem dare potest: ac proinde in sacramento poenitentia,



tentiæ, & non iudicialem, extra sacramentū: nisi hoc in facultate exprimat. *Compend. Priuil. v. Casus referuati in annota. Capuc. Tollet. l. 1. c. 15. n. 7.* dicens, non valet absolutio ab excommunicatione, quæ fit ex commissiōe: si non fiat iuxta formam mandati.

*Nauar. c. 27. n. 37.* Nihil inquit valet absolutio facta à delegato, non seruata forma absoluendi sibi data in delegatione. *Decis. lib. 1. c. 32. n. 3.*

*Et c. cum dilecta de rescript. ad finem.*

*Et c. venerabilis de officio deleg. ad finem.*

Ergo, quando commissio fit sub certa forma, ea non seruata, corrumpit actus. Quia fines mandati diligenter seruandi sunt. *l. diligenter. ff. mandati.* Legat qui vult. *Sanch. de matrimonio. l. 3. d. 33.* *Suar. de censu. d. 7. s. 5.* *S. tertio, ubi expressè id docet.*

### Q V Æ S I T V M VIII.

*An possit Confessor aliquem absoluere contra suam opinionem?*

℞. Potest, imò & debet, si pœnitens habeat contrariam opinionem, hucusq; probabilem, seu non antiquatam, sed autoritatibus Doctorum probatorum, vel solidis rationibus munitam: alias non. *Nauar. c. 26. n. 4.* *Sa. v. Absolutio. n. 15.*

QVÆ

### Q V Æ S I T V M IX.

*Peccatne confessor absoluens aliquem absq; contritione vel attritione debita?*

℞. Clarum est apud omnes ipsum peccare grauissimè. Nam cum aliquis dolor sit de essentia seu de necessitate huius Sacramenti. *D. Tb. 4. d. 17. q. 3. a. 4. q. 4.* (scilicet tanquam pars materialis sine qua Sacramentum validum esse nullo modo potest. *Suar. d. 20. s. 3. fin.*) certè Sacerdos præsumens absque sufficienti dolore absoluere, nihil valide faciet: sed Sacramento abutitur, ac proinde contaminat ipsum, atque iniuriam irrogat, & sacrilegium committit: Non secus, ac si aliquis sine aqua baptisaret: absque pane & vino consecrationem attentaret.

### Q V Æ S I T V M X.

*An quilibet pœnitens absolui possit, & quolibet loco, & quolibet tempore?*

℞. Qui verè pœnitens est, nullum impedimentum habens, absolui potest ad habentem iurisdictionem ordinariam vel delegatam,

vbiq; & semper, hoc est non tantum in Dicecesi, ad quam poenitens & confessor pertinent, sed etiam extra eam, si quando poenitens & confessor inuenient se alibi. *Decis. c. 13. n. 46.*

Hoc enim licet, in iurisdictione, non requirente strepitum, in foro externo. Idem de Religiosis dicendum: nam Religiosus ad confessiones audiendas admissus, potest quemcunque sui cenobij, vbiunque terrarum, absolueri, perinde ac ipse superior, exceptis tamen reseruat. *Decis.*

Poenitentes quoq; seculares iter agentes, possunt ex licentia tacita. consuetudine introducta & firmata, confiteri alibi. *Suar. d. 30. f. 1.*

Semper quoque, id est: tam extra, quam in Paschali tempore, potest absolueri, dummodo habeat absolutam & illimitatam facultatem. *Decis.*

### QVÆSITVM XI.

*An habens auctoritatem à casibus, possit absolueri à censuris?*

R. Distinguendum est. Nam aliquæ censuræ dicuntur iuris seu Canonis: scilicet, quæ in iure sunt latæ. Aliæ dicuntur ab homine, seu iudice latæ.

Itaq;

Itaq; à censuris per hominem latæ, nemo extra articulum mortis absolueri potest, nisi às qui tulit, vel eius delegatus, aut successor, & multò magis superior. *Soto. 4. d. 22. q. 1. 2. 1. Nauar. c. 27. n. 39. 40. Suarez de censuris disp. 7. sect. 4.*

Hoc autem intelligendū est, siue illa censura sit particularis, quoad personā, in quam determinatè tertur, pro commisso peccato: siue solū quoad delictum, quoad personā verò confusè in eum vel eos, qui cōmiserunt.

Omnes enim sententiæ tales spectant ad censuram ab homine latam. Nec impedit, quod persona sit cognita vel occulta. *Suar. § De priori.*

A censuris iuris non reseruat, potest omnis confessor absolueri, qui potest à peccatis mortalibus. *Suar. de cens. d. 19. f. 2. n. 4.*

Et elicitur regula hæc ex c. nuper, de sent. excom. *Suar. de Censuris. d. 7. sect. 3.*

Ratio quoque suffragatur. Nam concessio principali, censetur concedi accessorium, sine quo illud exerceri non potest. *Suar. sect. 4. § Que responsio. vbi allegat Sot. Nauar. § Hinc verò.*

Porro à reseruat non potest, c. nuper. de sentent. excom.

E 4

Nisi

Nisi etiam habeat facultatem absoluedi à casibus referuatis, tunc enim poterit absoluedi etiam ab eis censuris, seu excommunicationibus, quæ sunt annexæ illis peccatis referuatis. *Suar. d. 7. s. 4. § Responderetur.*

Quamuis Nauar. 27. n. 261. differentiam faciat inter casus Papales & Episcopales: Et in Papalibus approbat hoc dictum, non verò in Episcopalibus.

Per censuras verò iuris non tantum intelligi debent illæ, quæ sunt latæ in iure communi, vel Pontifico, sed etiam comprehenduntur quælibet statuta particularia Episcoporum aut Conc. Prou.

*Suar. d. 7. s. 3. § Superest.*

Quoad censuras verò per generalem sententiam latas pro peccatis futuris, ut quicumque fecerit, vel sciuerit tale quid, est diuersitas opinionum. Aliqui enim censent eas reducendas, ad eas quæ sunt iuris, ac proinde auferendas, sicut & cæteras eius generis, à quocumque valente absoluedi à peccatis mortalibus. Hanc sententiam graues Doctores amplectuntur. *Nau. c. 27. n. 44.* vbi multos authores allegat.

Alij tales censuras autumant iudicandas esse, eo modo quo & censuras latas ab homine, ac propterea nõ tollendas per absolu-

tionem, nisi à ferente vel superiori. Inter hos est Caiet. *sum. v. Absolutio.* ab Excommunicationum ad confessores.

Hanc sententiam *Suar. de cens. d. 7. s. 2.* asserit in rigore iuris veram, & in praxi tutiorem: priorem, autem favorabiliorem, benigniorem, & probabilem, propter autoritatem tantorum Doctorum.

### QVÆSITVM XII.

*Qua absolutio danda est in reconciliationibus?*

Reconciliationes dicuntur, breues confessiones, ut illorum qui sapè confitetur. In eis itaque, si verum peccatum exprimitur, satis est dicere: *Auctoritate D. N. IESV Christi, ego absoluo te à peccatis tuis, In nomine, &c. S. v. Absolutio n. r. Vel ut Decis. l. 1. c. 32. n. 4.* Si teneris aliquo vinculo, excõmuni susp: & interd: à quo possum te absoluedi, Ego absoluo te. Itẽ ego absoluo te ab omnibus peccatis tuis, In nomine Patris, & Filij, & Spiritus S. A. Idem faciendum est in casu mortis imminenti, in defectu temporis.

Si dubiũ peccatum acciderit, detur cõditionalis absolutio, videlicet, Si vera peccata habes,

habes, Ego te absoluo In nomine, &c. si nulum peccatum manifestetur, adeò, vt neq; aliàs ritè confessum, subijciatur clauibus: nulla absolutio potest dari, sed pœnitēs debet remitti, cum Dei benedictioine.

Eniti tamen debet confessor, præsertim in simplicium confessione, aliquam materiam confessionis inuenire, & saltem antiquã eruerè, vt otiosum verbum, vel quid simile, ad impendendam absolutionem.

### Q V Æ S I T V M XIII.

*In articulo mortis non valentes confiteri, sed tantum signa Contritionis ostendentes, quomodo sunt absoluedi?*

¶ Si signa illa in particulari aliquod, quantumcunque leue, vel graue peccatum, indicant, sunt absoluedi; tam ab excommunicatione, quam à peccatis.

Si in communi ipsam moribundum peccatorem demonstrant, tunc etiam est ab excommunicatione absoluedus.

Quoad peccata verò aliqui negāt, aliqui eœsent absoluedum. Nonnulli tãdem absoluedum sub conditione iudicāt. Si capax absolue

absolutionis es, ego absoluo te. &c. *Sã v. Absoluo. n. 10.* Quam vti tutissimã amplector.

### Q V Æ S I T V M XIV.

*Sapius recidiuantes, suntne absoluedi?*

¶ Quamuis recidere non sit infallibile indicium defectus veræ pœnitentiæ. Et cõmuniter absoluantur, bis, ter, aut sapius recidētes: nihilominus non est absoluedus pœnitēs recidiuans (tanquam nõ dans aut ostēdens signum sufficiens, de cætero non peccandi) si nulla emēdatio, aut eius inchoatio, in eo post tot confessiones extitisse obseruetur, nulla cõtra passionem resistētia, aut refrenatio, sed semper suarum cupiditatũ ac suarum propensionum expletio, deprehēderetur. Similiter si occasiones externæ, nullã securam emēdationem indicarēt. Et multò minus absoluedus est, qui in præsentĩ nõ haberet sufficientē dolorem, firmũ ac absolutum propositũ vitam emendandi, peccata eorumq; occasionem fugiendi. *Navar. c. 3. n. 21. Prax. lib. 2. n. 101.* Propterea qui domi occasionem peccati mortalis fouent, vt cõcubinarij. &c. vel conuersationem periculo-

ſam habent, non ſunt abſoluendi, donec illa deferant, & ad inuicem ſe honeſtè & prudenter ſeparent, implorato Dei auxilio: niſi malint æternam damnationem incurrere.

Quod ſi recidiuantes, ſufficienter contriti vel attriti ſunt, & habent efficax propoſitum, vitandi peccata, & ſerio curandi bene viuere, abſolui debent, etiamſi confeſſor credat eos relapſuros.

### Q V Æ S I T V M XV.

*An aliqua cautio ſit petenda à pœnitente, & in quibus caſibus?*

Reſpondebitur, præmiſſa declaratione & diuiſione cautionis. Cautio ſimpliciter ſignificat promiſſionē. *l. ſancimus. C. Silueſt. v. Cautio.* vel ſignificat aſſecurationē, qua nobis cauetur, id eſt, ſecuri redimur. Talis autem, aſſecuratiua (vt ita dicam) prouiſio, vel promiſſio, ſit cùm aut traditur pignus, aut ſtatuitur fideiuſſor, aut præſtatur iuramentum.

Dicendū igitur directè: quod eſt petenda cautio iuratoria, in ipſo actu cōfeſſionis, ab excōmunicato ob magna crimina, vt ob hæreſim, incendium, percuſſionem clericī, &c.

2. In caſibus Bullæ Cœnæ. *Sua. d. 5. di. 19. ſ. 2. n. 10.*

Iura

Iuramentum autem hoc eſſe debet, deſtando (id eſt de obediendo, vel ſatisfaciendo) mandatis Eccleſiæ, in illa materia, pro qua excōmunicatio eſt data. Deinde ſi tale delictum fuerit, ob quod lata fuit, vt ſpecialem reſtitutionem, aut etiam ſatisfactionem requirat, realis & actualis debet præcedere, ſine mora.

In caſu impotentix, & quacunq; difficultate morali, cautio requiritur pignoratitia. Si hæc præſtari non poteſt: fideiuſſoria, ſi neq; iſta, iuratoria exigitur. *Suar: diſp. 21. ſ. 3. n. 2. 3.* In uſurario manifeſto (vt infra dicitur) cautio eſt adhibenda. Hic nota, quod in abſolutione ab excōmunicacione hæreſis, & aliorum caſuum in Bulla Cœnæ, in articulo mortis; abſoluendus, duplicem cautionē præſtare tenetur. 1. De parèdo mādatis Eccleſiæ, 2. De ſatisfaciendo vno ex tribus illis modis, ſecundū arbitrium confeſſoris. Nā ſi realis ſeu actualis ſatisfactio eſſe nō poteſt ſtatim fiat cautio opignoratitia, vel fideiuſſoria, & defectu earū, iuratoria. Quamuis in caſu hæreſis nulla ſatisfactio pecuniaria exhibenda ſit, ſed ſolū iuramentum ſic ſatisfaciēdi: videlicet ſi hereticus decepit aliquos, tradēs doctrinā hereticā eſſe veram, re-

netur

netur coram eis retractare, eosq; instruere de veritate. Sanchez lib. 2. Moral. c. 12. n. 19. In alijs excommunicationibus, potest habere locum satisfactio pecuniaria, vbi expensarum & damni ratio habetur.

Aduertenda hic Caiet. doctrina in sum. v. Absolutio c. penul. Oportet hæc, inquit confessores scire, non tantum propter casus occurrentes, sed etiam propter euitandas censuras Sixt. IV. cum in articulo mortis contingit absolueri à casibus reservatis in Bulla Coenæ Domini.

Hic quoque addendum ex Nau. c. 27. n. 47. censéo. Quod omnia iura quæ iubent satisfacere ante absolutionem in articulo mortis, intelligenda sunt: si excommunicatus potest, si non potest, satis est, quod det cautionem sufficientem, hoc est, cum pignore, vel fideiussione, vel si neque hoc possit, altem iuratoriã adhibeat, quod sit satisficturus.

In Synodo cap. 24. s. 74. ex Prouinciali Synodo, statuitur forma absoluendi excommunicatum ab homine, præsertim in mortis articulo.

I. Ut excommunicatus pro contumacia; iuret quod obediet mandatis Ecclesiæ, ac excommu-

commu-

communicatoris. Et quodd expensas taxandas restituet.

2. Excommunicatus pro offensa, vel re iudicata, debet iurare (vt præfertur) parere iudicatæ rei, & satisfacere de offensa, arbitrio iudicis, aut boni viri.

3. In absentia eorum, quibus satisfactio exhibenda est, sumat officium arbitri, Sacerdos, cum aliquibus bonis viris: pecuniam verò pro satisfactione, offenso, suo tempore, reddendam: in æde sacra, vel penes fideles viros ponat.

4. Si pecuniam paratam non habuerit, statuat fideiussores.

5. Quod si neq; fideiussores inuenerit, confessor ei præcipiat, sub debito facti iuramenti, vt infra mensem à restitutione sanitatis, adeat excommunicatorem, & mādatis reuerēter pareat. Quo promittente, absoluitur.

Qui autem aliter absolueri excommunicatum præsumperit, puniendus erit & ad damna interesseque compensanda excommunicatori, vel hæredibus eius, tenebitur.

## TITVLVS VII.

## De Sigillo.

Habet *Quæstia* 12.

## QVÆSITVM I.

*Quomodo differat sigillum confessionis à sigillo secreti?*

R. Multis modis. Primo, quod sint diuersorum ordinum. Nam sigillum secreti humani, est ordinis naturalis: sigillum verò confessionis, est ordinis, supernaturalis ac diuini.

2. Quod sigillum confessionis, sit excellentioris virtutis: nam seruare secretum naturale alienū, spectat ad virtutem fidelitatis ac iustitiæ. Soto *de legend. membr. 1. quæst. 1.* seruare autē secretum cōtessionis, præter has virtutes: pertinet etiā ad virtutē religionis, vnde hoc secretum dicitur sacrum, & sacramentale. Eius verò violator sacrilegus: illud autē vulgare seu profanum: fractor quoque eius perfidus, aut infidelis appellatur.

3. Quia sigillum sacramentale arctius ligat siquidē plures virtutes ad vinculum eius  
concur.

concurrūt, & grauissima iactura ob eius violationem, fortius stringit. (cederet enim in maximam perniciem Christianismi, & tolleretur tam necessarium sacramentū, vt pote quod propterea abominabile, exosumque redderetur) Præterea grauis pœna transgressori constituta, hanc arctam obligationem, indicat, vt infra dicitur.

4. Nam sigillum confessionis est perpetuum, hoc est semper ligat, ita vt nunquam referri possit.

Alia verò secreta, quæ ordinariē celanda sunt, sæpe possunt & debēt reuelari. Vt pote, quādo occultatio talis secreti, notabiliter nocet animæ, corpori, honori, vel rei familiari, proximi. *Nau. c. 3. n. 2. Præx. l. 3. c. 1. n. 9.* Itaque in sigillo confessionis, neque Papa dispensare potest, vt confessarius possit confessionē reuelare. Neque ipse confessarius potest quocūque modo directē vel indirectē, verbo, nutu, aut signo, audita in confessione, reuelare, etiam iubente quocunque superiori, sub pœna excommunicationis (quæ tamen inualida esset, vt quæ contineret intolerabilē errorem. (Neque tunc posset, quando celatio confessionis cederet in grauissimum præiudiciū corporale, aut etiam spirituale communitatis, vt si quis  
confessus

confessus sit, se propositum habere seminandi hæreses, aut hostibus ciuitatem trahendi. *Prax. sect. 1.*

Et si pro saluanda Repub. licitum nõ est, reuelare confessionẽ, multò magis pro auerendo malo, vel grauissimo detrimento alicuius personæ, siue tertiæ siue pœnitentis, siue ipsiusmet confessoris. vt si quis duceretur ad mortem, & confessor scit (ex confessione alterius veri authoris) eius innocentiam, non propterea potest id manifestare: sicut neque tunc, quando propter mendacia aut falsas relationes, in confessione cognitæ, aliquis gerit inimicitias cum alio, neque vult reconciliari. *Prax. sect. 2.*

Hoc autem adedò verum est, vt etiam si cõfiteus sit impœnitens, hoc est, nolit à peccato desistere, & inualidè cõfiteatur, vel nõ finierit confessionem, neq; subsæcuta sit absolutio: nihilominus sigillum adstringit.

Neq; potest confessor excusari aliquo metu, aut vi, vt si Tyrannus, aut quiuis alius perditus, gladiũ ad qs. Sacerdotis admoueat, ipsũ iugulaturus: aut ipsum igne cõcrematurus: vel exquisitas mortes minaretur, nisi reuelet audita in confessione, mori potius debet, martyriq; coronam expectare, quàm reuelare.

reuelare. D. Th. Soto 4. d. 18. q. 4. a. 5. *Prax.* Nauar: *Cand. de sigillo. Decis. lib. 1. c. 23.* & alij. Insuper neq; propter confessionis integritatem, licitum est frangere sigillum confessionis, ve si ipse confessor errauerit, suum munus exercens, & errorem suum confitendo explicare non valens, nisi is, cui confitetur, veniat in cognitionem certæ illius personæ, debet filere illud peccatum, donec inueniat talem pro se ipso confessorium, qui non possit deuenire in notitiam talis pœnitentis. *Prax.* & plures alij DD.

### Q V Æ S I T V M II.

*An Sigillum hoc sit de necessitate Confessionis?*

Æ. Est: necessitate præcepti, ita vt frangens graue sacrilegium committat: Non tamen necessitate Sacramenti, ita vt irritet ipsum: validum enim est Sacramentum. quamuis iniquus Confessor, fregerit sigillam. Soto 4. dist. 18. q. 4. a. 5. post conclus. 1. Et *Prax.* for. *Pæn. lib. 3. c. 1. n. 4.*

### Q V Æ S I T V M III.

*Sigilli confessionis quæ est materia, seu quid cadit sub sigillum confessionis.*

Resp:



R. Peccata non solum mortalia, sed etiam venialia, peccatorum circumstantia, ea quae dicuntur ad declarandum peccatum, nec tantum peccata secreta, sed etiam publica, quatenus in confessione sunt cognita. Item ipse peccator, & peccati complex imprudenter detectus, D. Th. Soto, Suar: d. 33. f. 3. & omnes alij DD. Nec non illa, per quae posset peccator vel peccatum deprehendi, quamuis ipsa peccata non sint.

## QVÆSITVM IV.

In quo consistit sigilli confessionis fractio?

R. In reuelatione peccati, (vt dictū est) cum relatione ad personam, hoc est, nominando personam, vel ita de auditis in confessione loqui, vt facile deueniri possit in cognitionem vel suspensionem peccatoris.

Hinc, non est in rigore fractio sigilli confessionis, reuelatio peccati in abstracto, vt nullatenus ad notitiam personae referri posset. Prax; Suar: Soto. vbi supra. Et quamuis ita sit: peccatum tamen est absq; necessitate consilij petendi, vel alia rationabili causa id facere: scandalosum enim est, & simplices existimant esse confessionis reuelationem.

QVÆ-

## QVÆSITVM V.

An quae sciuntur in confessione praeter peccata cadant sub sigillo confessionis?

R. Ea quae praeter peccata sciuntur in confessione, neq; pertinent aliquo modo ad peccata (vt sunt historiae) & ex eorum manifestatione, nullum generatur poenitentipericulum confusionis, suspicionis, aut alterius nocuenti, directe vel indirecte, per se vel per accidens, non cadunt sub sigillo confessionis, eò ipso, quod nullo modo inseruiunt accusationi peccatorum. Sua: sect. 3. fin. neq; ipsa manifestare ex se est illicitum. Prax: c. 4. f. 1.

Nihilominus optimum est consilium D. Th: 4. d. 21. q. 3. a. 2. Et suppl. q. 11. a. 2. quod etiam talia summo studio sunt celanda, tum propter scandalum, tum propter pronitatem, quae ex consuetudine accidere posset.

Et Soto vbi supra.

Neq; debet Sacerdos de re vlla audita in confessione vnquam, vel mutire. Auditores enim pertimescunt, eò quod ibi audita, non adeò sancte & strictè reconduntur.

## QVÆSITVM VI.

An licet detegere peccata in confessione audi-

*audita, quando publica sunt: aut saltem  
in communi, non nominando  
personam?*

R. Si non nisi per viam confessionis sciuntur, non licet. Quia cadunt sub sigillo confessionis. Suar: § Quarto etiam. Quod si etiam per aliam viam sciuntur, licet, maxime si adest rationalis causa. Alioquin gravissimum onus esset confessoris, si propter confessionem amitteret ius utendi sua scientia, vel cognitione, aliunde parata. D. Th. 4. d. 21. q. 3. a. 3. Soto d. 18. q. 4. a. 6. Suar: ubi supra. § Dubitaturi. Prudentia tamen necessaria est, propter vitandum scandalum: & sacramenti iniuriam (etiam si poenitens non infametur amplius) & præterea periculum esse posse, etiam in communi loquendo.

#### QVÆSITVM VII.

*Peccatne reuelari, dicta sibi sub sigillo  
confessionis, sed extra confes-  
sionem?*

R. Quamvis talis commissio secreti, non sit materia sigilli sacramentalis, imò sit abusus eius, ac proinde illicitus, tamen obligat, tanquam secretum naturale vel humanum. Unde si fiat reuelatio in materia leui, erit leue peccatum.

etiam, si ingraui, mortale. Soto 4. d. 18. q. 4. a. 5. Conclusione 5. Vide etiam D. Th. 4. d. 21. q. 3. a. 2. q. 2. n. 2.

#### QVÆSITVM VIII.

*An in aliquo casu possit peccatum confes-  
sum reuelari?*

R. In nullo prorsus casu, si vera fuit confessio, hoc est, facta intentione faciendi accusationem coram Deo, & non animo pervertendi confessorem, vel pertrahendi ad conspiracyonem.

Et quamvis aliqui negent, id licere etiam ex facultate poenitentis, tamen D. Th. 4. d. 21. q. 3. a. 2. cum multis alijs Theologis & Iurisperitis asserit: (quæ sententia vera est & communis) scilicet, accedente licentia poenitentis, licitè potest reuelari. Quod tamen temerè non est faciendum, sed cum rationabili causa, & ad eius duntaxat utilitatem, Decis. l. 1. c. 23. n. 15. & alijs.

#### QVÆSITVM IX.

*An datur poenitentiam publicam, pro pec-  
cato occulto, in confessione audito, dicatur  
reuelare confessionem?*

R. Si ita dator & impletur, ut intelligi possit ab alijs.

ab alijs eam fieri ex præscripto Confessoris ob culpam occultam, aut publicam; est reuelatio.

Vnde non expedit pœnitentiam publicam iniungere, non tantum pro occulto, sed neq; pro publico crimine. Neque potest ad eam cogi pœnitens, & satis est, si pro publico satisfaciatur peccator occulte. Medul. p. 3. § 7. n. 7. Satisfactio.

### QVÆSITVM X.

*Quas pœnas incurrit sigilli fractor?*

R. 1. Nulla est censura aut pœna ipso facto, præter reatum damnationis æternæ: eo, quod talis peccat mortaliter, & absolutio est reseruata Episcopo in Synodo Diœcesana. 2. Est pœna depositionis ferenda. 3. Cogendus est talis sacerdos, vt perpetuo ignominiosè peregrinetur, vel detrudatur in Monasterium. Suarez Sor. Prax. n. 3. & alij.

### QVÆSITVM XI.

*Quæ cadunt sub sigillum secreti naturalis. Et, an omnis detectio, sit mortalis?*

R. Illa quæ neq; sunt notoria, neq; infamia proclamata, & quæ quis alicui cõmittit cum obtesta-

obtestatione fidei de silentio tenēdo, & quorū manifestatio vergit in præiudicium vitæ, famæ alicuius, aut bonorum externorum.

Vnde non est credendū illud tantum arcanum cadere sub hoc sigillum secreti, quod data fide quis suscipit custodiendū, sed etiam illud, quod absq; vlla promissione obligationem inducit tacendi, quale est omne occultum, casu visum, aut alicuius relatione cognitum, cuius detectio noceret animæ, corpori, famæ, honori, vel fortunis alterius. Azor: t. 3. l. 13. c. 31. Decis. l. 1. c. 23. Soto de regend. memb. l. q. 1.

Estque peccatum mortale, si sit cum graui seu notabili præiudicio, vt omnes passim docent.

### QVÆSITVM XII.

*An secretum naturale reuelari debeat. Iudici ad præceptum illius?*

R. Debet reuelari tunc, quando malum est in fieri, vel pendet in futurum, cuius occultatio est cum præiudicio cõmunitatis vel tertij. Si non est in fieri, aut expectari, nec imminet aliquod danum; non debet reuelari.

D. T. 22. q. 70. a. 1. 2. Sor. Iust. l. 5. q. 7. a. 1. 1. Arag.

Quod si secretum alicui patefactum est, F consilij

consilij vel auxiliij petendi causa, ad salutem animi vel corporis miseri delinquentis, vt medico, aduocato, obstetrici, multò magis debet celari. *Bannes de Iust. q. 70. a. 1. Less. lib. 2. cap. 30. dub. 6. Salon. q. 70. Sayr. l. 12. c. 14. n. 22.*

## TITVLVS VIII.

### De Restitutione.

Habet Quæstia 18.

#### QVÆSTIVM I.

*An peccans contra charitatem debitam proximo, in non subueniendo ei in necessitate, vel ad peccatum inducendo, teneatur ad aliquam restitutionem?*

¶ Non subueniens in necessitate etiam extrema, non tenetur ad restitutionem. Quia non iustitiæ, sed charitatis legem transgreditur. Restitutio autem, non ex præcepto charitatis ac misericordiæ, sed ex obligatione iustitiæ, consurgit. *Azor t. 3. lib. 2. c. 9. q. 3. 12.*

Sol

*Soto instit. l. 5. q. 3. n. 4. Ioan. Med. de restit. q. 3. § Est. Prax. l. 4. c. 19. n. 264. Val. 22. d. 3. q. 9. p. 4. Et d. 5. q. 10. p. 2. & 5. Sayrol. 10. tract. 1. c. 1. Prax: l. 4. c. 20.*

Et quamuis in extrema necessitate omnia sint communia quoad vsum, semper tamen manet dominium, adminus quoad dispensationem, penes possidentem.

Qui verò aliquem ad peccatum pertraxit, ad aliquam restitutionem propriè non tenetur, sed aliquam obligationem habet communem, seu præceptum fraternæ charitatis, admonendi & reducendi errantem: quamuis arctiori vinculo teneatur suppeditans causam peccandi, quam non suppeditans. Et multò magis, si seductus positus est in extrema necessitate, vt quia obstinatus est in peccato, vel moriturus in ipso,

Sciendum tamen est, quod inductio ad peccatum dupliciter fieri potest.

1. Vi, metu incusso, & fraude ac mendacio: & tunc omnino tenetur ex iustitia resarcire malum, vt auferre violentiam, deserere minas, fraudes aperire, & retractare errores.

2. Potest esse citra fraudem & violentiam, vt inducendo prece, precio, consilio, malo exemplo. & tunc tenetur lege charitatis, quamuis

quamuis plusquam alij curare, verbis, exemplis, orationibus, & omni modo possibili, per se vel alium, vt emendetur.

Quod si monitus nolit respicere, vel nō sit spes emendationis; ad nihil amplius tenetur. Azor. 1. 3. l. 5.

Lessius lib. 2. c. 8. dub. 2. & 3. Sayro lib. 11. c. 1.

### Q V Æ S I T V M II.

*Unde nascitur obligatio restitutionis?*

℞. Generatim loquendo, ex duplici capite, titulo, seu radice. Ex acceptione: & ex re accepta. D. Th. 22da. q. 62. a. 6. 7. Caiet: ibidem, & omnes passim.

Nomine acceptionis intelligitur, non tantum actio iniuriōsa, vt est furtum, rapina, vsura, & omnis alia per quam vel damnum inferitur, vel bonum habendum impeditur: verumetiam iusta, vt est mutuatio, venditio, emptio, promissio, & quilibet contractus licitus.

Nomine rei acceptæ, intelligitur, nō tantum illa qua dominus iniquè antea per quæpiam aliū priuatus est, & à me bona fide acquisita, vt est equus à fure, prædone, emptus, vel donatus, sed etiã quæ citra iniuriã, ex iustitia alteri debita est, & apud me retinetur  
vt le.

vt legatum, aut venditū alteri, debitū ratione mutui, vel alterius contractus honesti. Lessius lib. 2. c. 7. d. 5. Say. lib. 10. t. 2. c. 1. n. 6.

Azor verò t. 3. l. 4. c. 6. obligationē restituendi docet ex 4. capitibus oriri, videlicet, ex contractu. Ex quasi cōtractu. Ex delicto. Et quasi delicto. Ex contractu quidē, vt ex deposito, mutuo, cōmodato, precario, empto, locato, permutato, pignore, mandato, & alijs similibus. Ex quasi contractu, vt ex tutela, cura, negotijs, gestis, trāsfactione, ex officio, quo quis fugitur, ex arte quā exercet. Ex delicto, vt furto, rapina, homicidio, detractione, adulterio, impedimento boni alterius alicuius, damno illato. Ex quasi delicto, vt cum seruus vel familia nostra nocet alicui.

Capite verò 16. q. 2. idem Azor docet, obligationem iustitiæ ad restituendum ex duplici capite posse cognosci. Vel ex hoc quod rem alienam apud nos contra Domini voluntatem habemus, etiam si eam nos à Domino nō acceperimus. Vel ex hoc quod rem alienam à Domino accepimus, aut consumpsimus, siue præter voluntatem Domini per delictum, aut quasi delictum, siue voluntate Domini per contractum, aut quasi contractum.

## QVÆSITVM III.

*An consentiens in damno dato, teneatur,  
ex equo restituere prout ille qui da-  
mnum dedit?*

R. Consentiens duplex esse potest: Per actum internum absq; cooperatione positivus (id est absq; eò quòd concauset actionem iniustam) & absq; permissiva, quia non tenetur impedire, sed ad eum nihil pertinet. Et iste peccat quidem, sed ad restitutionem non tenetur, eò quòd consensus eius nihil ad hoc profuit.

Alius cõsensus per cooperationem, nimirũ, quia consensus fuit causa aliquo modo illius iniuriosæ actionis vel effectus. Et hic tenetur ad restitutionem, secundam quòd causa fuit, totius vel partis. Vnde si totius damni causa fuit, ad totum reparandum obligatur. Si solùm parti damni causam dedit: ad partem: non secus ac ipse author: siue in solidum siue in partem.

Et quidem. 1. Is ad quẽ res peruenit. 2. Executor seu author ablationis. 3. Cæteri cooperatores consulentes, consentientes, laudantes, animantes. *Less. lib. 2. c. 13. dub. 3.*

Si verò nihil ablatum est, sed tantummodo

do damnum irrogatum, primo loco qui coegit vel fraude induxit, vel imperavit, suasisse fieri, rogavit, 2. & 3. vt supra.

Notandum.

1. Quod si posteriores soluerint, priores tenentur refundere: si prior; alij ad nihil tenentur. 2. Non est improbabile, asserere, quod cæteri quoque teneantur Executori ad aliquid refundendum, si is prior restituit, & alij ipsum induxerant, qui aliàs damnum non erat illaturus.

## QVÆSITVM IV.

*Qui sunt illi nouem modi, quibus quis dicitur consentire delinquenti per aliquam cooperationem?*

R. Illi, qui continentur in his duobus versibus.  
*Iussio, consilium, consensus, palpo, recursus,  
Participans, mutus, non obstant, non manifestans.*

His itaque diuersis modis cooperationis, seu vt præfertur consensus, deprehenditur aliquis suo modo consentire delinquenti.

Porro isti modi breuiter hic declarantur, simul cum obligatione restitutionis. Tunc itaq; tenetur ad restitutionem sic cooperans, quando

quando est causa damni. Tunc verò censetur causa damni, quando alterius animū efficaciter mouet, iubendo, cōsulendo, rogando, promittendo, cōsentiendo, seu ferendo suffragium iniquum, laudando malefactorem vel exprobrando ignauiam, (si ex tali laude vel exprobratione alter mouetur ad maleficium) recursum præbendo, vt moraliter censetur furi cooperari ad damnum inferendum, vel ad illatum non reparandum. Censetur autem tunc cooperari, quando ita furem occulrat, vt in posterum det illi spem similis opitulationis, & fur illa fidens, rursus damnum inferat: alioquin si non det illi spem refugij in posterum, non tenetur, quia non eo fine, nec eo modo abscondit, vt moraliter censetur causa damni, sed tunc merè per accidens ex illo opere, damnum sequitur.

Receptor, qui rem furtiuā in custodiam accipit, vt furi seruet, si tamen absq; notabili incōmodo poterat ei custodiam denegare. Participans dupliciter. 1. Prædæ. & hac ratione tenetur pro ea parte quæ ei obuenerit.

2. Iniquæ operationis præbendo auxiliū, & adiuuando ad executionē: si id sponte & sine compulsionē fecerit, tenetur in solidū, sicut

sicut & cæteri, secundū rationem causæ, quam ad damnum exhibuit. Less. n. 28.

Mutus, qui cum sit superior, omittit præcipere, consultor consulere: Si custos, clamare, aut strepitum edere, ad damnum impediendum.

Non obstant, qui tenebatur ex officio impedire damnum, vt Princeps, Magistratus, præpositi viarum.

Non manifestans, qui ex officio tenebatur vt custos rei deputatus, qui non manifestat malefactorem, siue ante factum, quando damnum erat impediendū: siue post factum, quando sarcindū erat. Azor l. 3. l. 4. c. 10. Sayro lib. 10. tract. 2. c. 6. Nauar: & alij.

### Q V Æ S I T V M V.

*An factores & famuli usurariorum teneantur ad restitutionem?*

R. Factores & famuli, qui faciunt ipsos contractus iniquos: & pecant mortaliter, (quia cooperantur in actione iniusta) & tenentur ad restitutionem, quia cooperantur in damno inferendo.

Famuli, qui exigunt nomine dominorum vsuras, & consequenter directè spoliant alte-

rum re sua: & peccāt, & obnoxij sunt resti-  
tutioni, secundū Less. lib. 2. c. 20. d. 21. n. 183.  
Quāuis Soto lib. 6. de iustitia. q. 1. a. 4. in fine  
censeat, eos non teneri, si non urgeant, aut  
cogant, & mutuatarij alioquin sponte erant  
soluturi. Cateri famuli, qui post consumatū  
contractum, cooperantur in actione mala,  
in registro scribendo, pecuniam numerādo,  
dando, portando, custodiendo, vel asservan-  
do pignora, peccant mortaliter, sed non te-  
nentur ad restitutionem, secundū Sor. A-  
zor t. 3. l. 4. c. 19. q. 7. Quamuis Navar. c.  
17. n. 267. videatur asserere eos teneri nisi  
hoc ignoranter faciant n. 266.

### QVÆSITVM VI.

*Quid dicendum est de tutoribus aut cu-  
ratoribus, vel meditoribus?*

R. Tutores, curatores, etiam si nomine suo-  
rum principalium dent, peccant mortaliter,  
cum obligatione restituendi, si principales  
non restituant. Idem dicendum est de eo,  
qui est internuncius vsuræ, ex parte vsurarij  
principaliter, vt illi lucrum, & sibi vtilita-  
tem comparet. Secus si principaliter ingessit  
se ex parte indigentis.

QVÆ-

### QVÆSITVM VII.

*De his verò qui deponunt suam pecuni-  
am apud vsurarium quid?*

R. Si quis committit suā pecuniam vsurario,  
non habenti aliam vt vsuras exerceat, qua-  
si præbens ei materiam peccandi, vel hac in-  
tentione (oculta non manifestata) vt det ad  
vsuram, peccat mortaliter. D. Tb. 22. q. 78.  
a. 4. 3. Non tamen ad restitutionem tenetur,  
si non suasisit villo modo vsuras, neq; pactum  
fecit, aut ad vsuras exercendas facultatem  
concessit, neque particeps vsuræ fuit. Lessius  
ex Caiet. Alias autem tenetur etiam ad resti-  
tutionem.

Si verò pecuniam committat, quamuis  
alias non habenti, vt tutius seruetur, non  
peccat D. Tb. ubi supra.

### QVÆSITVM VIII.

*Cuius impensis res aliena restitu-  
enda est?*

R. Quando est restituenda, ex delicto vel  
quasi delicto, debet restitui impensis debito-  
ris, etiam si æquales vel maiores sint debito,  
& etiam si creditor locū mutauerit: damnū

verò



verò sibi imputet qui delictum fecit. Secus in restitutione, ratione rei acceptæ tantum absq; omni culpa, seu bona fide acquisitæ, vel ex contractu. Azor c. 32. & 33. Less. l. 2. c. 15. d. 8. Nota hic ex Lessio.

Si res non potest absq; magnis sumptibus restitui, potest differri restitutio, ex quadam æquitate naturali, citra tamē damnū Domini veri: & si fuerit aliquod ambiguum, per literas est patendum, an res possit dari amicis, vel pauperibus. Si autem res sit parui momentī, & sine duplo vel triplo sumptu restitui nequeat, pauperibus dari potest. Præsumi enim potest id Domino non displicere.

### Q V Æ S I T V M I X.

*Res inuenta, vel ab inueniente aut etiam fure empta, estne, & quomodo, restituenta?*

℞. Est restituenda, etiam pecunia emptori non restituta, si venditor non inueniatur, aut impotens sit ad restituendum. Less. lib. 2. c. 14. d. 3. Nauar: & alij.

### Q V Æ S I T V M X.

*An inuentori rei perditæ licitum sit, pro inuentione premium aliquod accipere?*

Resp.

℞. Licet, si vltro à Domino detur, vel si ab inueniente imperretur. Exigere tamen nūquam licet, ( quia inuentor alienum ex iustitia reddere tenetur) nisi præcesserit promissio eius qui perdidit, vel intercesserit labor, aut impensæ, in re inuenienda, ex parte inuētoris. Azor: tom. 3. lib. 4. c. 27. q. 1. Less. lib. 2. c. 14. dub. 9. n. 66.

### Q V Æ S I T V M X I.

*An Confessarius qui per ignorantiam vel negligentiam absoluit aliquem ante restitutionem iniunctam, sit obligatus ad restitutionem.*

℞. Confessor in materia & occasione restitutionis tripliciter se gerere potest.

1. Tacendo tantum, seu merè negatiue, & tunc non tenetur. Ratio: quia quāuis teneatur ex officio & iustitia omnia facere respectu pœnitētis, non tamē tenetur ex iustitia, negotiū agere tertij: siquidem trāsgressio eorum, quæ ex iustitia, non verò ex sola charitate debentur, restitutionem inducit.

2. Inducendo ad non restituendum, seu dissuadendo restitutionem: & tunc tenetur restituere Confessor, casu quo pœnitens paratus esset restituere.

Tom. Pref. S. G. Cra: ad hoc 3. Dif.

3. Dissimulando & non respondendo, ad interrogationem pœnitentis, siue ex intentione, siue ex ignorantia crassa, siue etiam ex negligentia, non curando discutere casum restitutionis: Tunc enim tenetur ad restitutionem ex vi consensus interpretari: sicut & inducens. Azor. *l. 3. l. 4. c. 16. q. 7. Nauar. c. 17. n. 22. Suar. l. 4. d. 32. f. 6. Lessius l. 2. c. 7. d. 7. n. 33. & c. 13. d. 10. n. 77.*

Sayro *lib. 10. t. 2. c. 14. n. 16.* à supra dictis.  
DD. aliqua ex parte differre videtur.

#### QVÆSITVM XII.

*An qui furatus est rem aliquam, & illam habet, satis ei sit, restituere æquiualens?*

R. Non satis, sed regulariter restituendum est id ipsum: nisi creditor sit æquiualentem vel alia re contentus: & nisi per restitutionem eiusdem rei peccator oculus manifestaretur, aut aliud magnum incommodum sequeretur. Nauar. *c. 17. n. 24.* & alij.

#### QVÆSITVM XIII.

*An locans rem furto ablatam, debeat restituere pretium locationis Domino?*

R. Debet. Quia fructus rei Domino ipsius  
sci

rei debentur, deductis tamen impensis Less. *lib. 2. c. 12. dub. 17. Azor. l. 3. l. 4. c. 4. Nauar. c. 17. n. 25. Sayro. lib. 10. tract. 2. c. 3. n. 20.*

Fructus autē dici potest triplex. Naturalis, vt arborum, animalium foetus, lana, lac, &c. Industrialis, qui principaliter requirit culturam hominis.

Ciuilis, vt mercedes ex locatione ædium, vestura nauium, iumētorum, Azor. *c. 2. q. 5.*

De lucro autem ex pecunia furtiua, negatiuè dicēdum, tenebitur tamen ad interesse lucri cessantis, aut damni emergentis, si & quatenus passus est verus dominus, ob priuationem pecuniæ, Azor. *cap. 4. q. 7.*

#### QVÆSITVM XIV.

*Qui pro committendo aliquo peccato pretium accipit, an illud restituere teneatur?*

R. Quamuis sint variaz opinioniones, dicitur tamen hic breuiter & resolute, quod acceptū ob turpem causam, seu propter opus quod est peccatum; opere impleto, non est necessario restituendum: ante opus tamen impletum debet restitui.

Probabilis etiam est sententia, quod acceptum ob crimen legibus punibile, nisi conse-

atur esse donatū, est restituendū, vel statim pauperibus, quod est consilij: vel post sententiam, quod erit debiti. *D. Th. 22. q. 32. a. 7. Azor. 1. 3. l. 4. c. 21. & 30. Less. 1. 2. c. 14. d. 8.*

## QVÆSITVM XV.

*Qua causa non restituentem à peccato excusant?*

R. Duodecim. 1. Inopia debitoris seu impotentia. 2. Remissio creditoris 3. Cessio bonorum, quæ æquivalent necessitati. 4. Damnum creditoris, Reip. vel tertij. 5. Solutio creditori creditoris. 6. Rei debite interitus, quia tunc alia æquivalēs subroganda est 7. Iudicis vel iuris autoritas. 8. Religionis ingressus, sed secundū declarationē Doctorū. 9. Excōmunicatio creditoris. 10. Incertitudo creditorū: nam tunc in pauperes facienda est restitutio. 11. Dispensatio vel compositio cum Papa, quando incerti sūt creditores, cū Pōtifex sit supremus Princeps in spiritualibus, & eius sit de tēporalibus suorum subditorū disponere, prout expedit ad bonum spirituale, præsertim quādo ipsi veri Domini nequeūt, eo quod non sunt noti. Et idem sit cōmunis parens pauperum, & causarum

farum piarum. 12. Compensatio sicut uti potest, & prætendit. Vide Less. 1. 2. c. 16. princ. & declarationem in sequentibus dubijs. Sayro 1. 10. t. 5. c. 6. & seq. Azor. 1. 3. lib. 4. c. 39. Nau. c. 17. n. 75. numerat nouem, quæ à restitutione excusant.

## QVÆSITVM XVI.

*Bonorum incertorum restitutio quomodo facienda?*

R. Eo modo, quem natura rei expostulat, siue apertè siue occultè. Azor. c. 35. Nauar. c. 17. n. 44. Insinuat autem hic, cui ista restitutio sit facienda. Itaq; bona incerta, id est, habentia Dominum ignotum, post sufficientem inquisitionem illius, & incerta debita siue ex contractu, (vt ex deposito cōmodo, venditione, mutuo) siue ex delicto, (vt ex vsura, furto, damno dato) sic nec creditores, nec hæredes supersunt, restituenda sunt in pauperes, saltim iure positiuo, & consuetudine, quamuis non iure naturæ.

Si habēs talia bona, verè pauper est, poterit ea tanquā vnus ex pauperum numero sibi retinere, neq; postea tenebitur pauperibus restituere, copiosior effectus, post hanc applicationem. Less. c. 14. n. 42. Azor. 1. 3. l. 4. c. 16. Sayro lib. 10. t. 5. c. 2.

Nomine verò pauperum non tantùm mendicij intelliguntur, sed etiam quibus necessaria ad decentem statum desunt, & quæuis loca & raopè pia. Nauar. c. 27. n. 93.

Q V Æ S I T V M XVII.

*Infamatus proximum de delicto vero, an restituere teneatur, & quomodo?*

¶ De falso & cōfictio crimine infamantem, teneri ad restitutionē famæ, dicendo se falso imposuisse alicui crimen: clarissimum est.

Clarum quoq; est, etiam citra calumniam, infamatorem, veri quidem, sed occulti delicti, teneri ad restitutionem.

Difficultas verò est de modo: ne fortasse loco restitutionis famæ, sit cōfirmatio infamix. Nam per aliquos modos cōfirmaretur diffamatio, vt si quis diceret, se malè, imprudenter, contra iustitiam locutum fuisse, vel non benè tunc aduertisse, & postea deprehendisse, detractorem se fuisse.

Per alios modos esset cum mendacio, vt si retractans diceret se falsum dixisse vel mentitum fuisse, intelligendo de falso pratico, quod hic locum ab aliquibus non habere dicatur.

Et

Et tandem melior modus ab aliquibus assignatur, scilicet ab Azor. l. 3. l. 5. c. 9. q. 7.

Nō obligatur (inquit) diffamans ad dicendum, se esse mentitum, neq; id dicere potest.

Satis est, si dicat, se male fecisse, nec esse sibi credendum, & se esse deceptū, nec semper verum est, quod dicitur ab homine. Et hoc sufficit, quia non potest plus facere: Ad impossibile autem nemo obligatur. Et ita facilius est destruere, quàm construere: famam lædere, quàm reparare.

Verùm ista quoq; verba apud intelligentes confirmarent diffamationem. Prudenter itaq; potius laudandus esset in illa materia, in qua est infamatus, subintelligendo talem laudem in foro exteriori, vel apud plerosq; illi deberi: aut ipsa dignum esse. Lessius. lib. 2. c. 11. dist. 20.

Q V Æ S I T V M XVIII.

*Peccatne is, qui iniuriam sibi ab aliquo illatam, refert amico?*

¶ Si faciat animo detrahendi, vt se hoc modo vindicet, peccat: si autè vt cōsolationem accipiat ab amico, siue vt querela exposita, dolor mitigetur, non peccat (saltè mortaliter.) Durum enim esset, & præter humanam consue-

consue-

consuetudinem, vt quis cogatur iniurias acceptas, solus in silentio concoquere. Curandum tamen est, ne pluribus dicatur, quàm ad solatiũ sit necesse: nec nominanda persona, nisi ad necessariam consolationem sit valde expediens. *Lessl. 2. c. 11. d. 12.* Idem dicendum est, de detestatione alicuius criminis occulti, consilij capiendi causa, vt vitemus malum, vel ab eo liberemur, vel alteri prouideamus: Neque tunc ad restitutionem obligamur. *Azor. 1. 3. l. 5. c. 9. q. 3. & lib. 13. c. 7. q. 7.*

Idem tenendum, quando referuntur mala aliorum ad maiorem audientium cautelam, ne scilicet corrumpantur peccatis aliorum. Similiter, si narrentur propter maiorem peccantium vtilitatem, ex quadam animi commiseratione, vt auditores prouocentur ad orandum pro eis, aut si sint eorum magistri, vel superiores, aut parentes, qui possunt prodesse & non obesse.

## TITVLVS IX.

### De Usura.

*Habet Quaest. 18.*

#### QVÆSITVM I.

*Quid sit Usura, & in quibus rebus consistat?*

Definitio est ista. Usura est lucrum ex mutuo. Paulò fusior & explicatior, Usura est lucrum, pecunia æstimabile, immediatè ex mutuo proueniens.

Immediatè verò (intellige) ita vt mutuator intenderit mutuatarium ex vi pacti mutationis obligare: vel adminus mutuatarius putet hanc fuisse intentionem mutuantis. Quod si immediatè proueniat, ex amicitia vel gratitudine, nihil officiet. Nam licet ex mutuo sperare amicitiam, hac ratione conciliandam. Et sperare, quod ex amicitia illius aliquid vtilitatis mihi proueniet, citra tamen pactum.

Consistit autem usura in rebus mutabilibus seu mutuo subiectis. Porro mutuum, consistit in his rebus quæ constant numero, pondere, mensura.

Numero, vt pecunia numerata.

Pondere, vt æs, argentum, & aurum.

Mensura, vt oleum, frumentum, vinum.

Quæ res dicuntur à Iurisperitis accipere functionem, quia vna potest fungi vice alterius, vt frumentum vice frumenti, & pecunia loco pecuniæ. *Lessl. lib. 2. c. 20. d. 1.*

#### QVÆSITVM II.

*Pro re accommodata aliquid accipere ultra sortem, an sit usura?*

R. Non est, usura enim locum non habet, nisi in mutuo, à quo commodatum differt. Nam commodatū, propriè sonat gratuitam concessionem alicuius rei quoad usum: ac proinde per illud (iuxta naturam commodati) non transfertur dominium, sicut per mutuum transfertur. Differt quoq; à locatione, quia locatio fit ob mercedē, commodatio verò gratis. Vnde stando intra limites commodati, est contra naturam talis contractus, accipere aliquid ultra sortem, nisi fortè per accidens, ratione adiuncti damni, aut lucri cessantis, occasione commodati, ex parte commodantis: aut ratione rei deterioris effectæ, ex parte commodatarij. Aut si contractus mutetur, ut ex commodato sit locatum, & tunc non erit amplius pro re commodata, sed locata.

### QVÆSITVM III.

#### Quod dicitur iustum pretium?

R. Iustum pretiū censetur illud, quod vel à potestate publica, ob bonum commune prudenter est statutū, quod dicitur pretium legitimum. Vel cōmuni hominum intelligentium æstimatione, cōsideratis circūstantijs, determinatū, quod dicitur vulgare, naturale ac arbi-

ac arbitrarium, tanquam à naturali prudentia constitutum, vbi à Principe vel Magistratu pretium non est impositum.

#### Discrimen inter hac duo pretia.

Quòd legitimum consistit in indiuisibili, Vulgare verò habet latitudinem.

Et communiter triplex dicitur. Infimum seu pium, Medium seu moderatum, & Summum seu rigorosum aut rigidum, v. g. Medium sit 10. Infimum 9. Summum 11. Rursum medium 100. Infimum 95. Summum 105. Lessius lib. 2. c. 21. d. 2.

### QVÆSITVM IV.

#### Qua est iusta æstimatio nummorum?

R. Nummi dupliciter possunt cōsiderari. 1. Formaliter, hoc est, quatenus nummi sunt, ut scilicet sunt mensura rerū venalium, (qui vsus est primarius.) 2. Materialiter, hoc est ratione conditionum, quas habent ex materia, vel figura, quæ sunt, puritas materię, vel maior aut minor admixtio, antiquitas, raritas vel copia, vsus vel expendibilitas. Et hic vsus est secundarius. Vnde iuxta hanc secundam rationem, sunt vendibiles, & permutabiles, cum alijs nummis. Nec sunt taxati lege, sed habent vulgarem æstimationē, quæ non consistit

sistit in indiuisibili. Possuntq; vendi & permutari, cum aliquo lucro, secundum receptam locorum consuetudinem. Nemo tamē in solutionem debitorum, tenetur eos acceptare, nisi secundum æstimationem legalem, quam habent, ex vsu principali. Itaq; legitimus valor nummorum, vt sunt in vsu primario, est ille quem princeps sua lege taxat, vel saltem, quanti vulgò in emptionibus & solutionibus debitorum solet exponi. Fieri namq; potest vt æstimatio nummorum crescat; supra taxam legalem, ex appretiatione & vsu vulgi, principe non contradicente, idque ob materia puritatem, vel pondus, vel quia in locis vicinis pluris æstimantur. Et tunc possunt passim in contractibus eo pretio exponi, quia illud censetur legitimum. Less. lib. 2. c. 23. d. 2. n. 14. Nauar. c. 17. n. 295.

#### QVÆSITVM V.

*Quando valor pecunia variatur, quomodo solutiones sunt faciendæ.*

§. 1. In debitis, occasione emptionis & venditionis, creditor non potest plus exigere, quam illud pretium, quo res valebant, quando venditæ sunt. Tolet. Inst. l. 5. c. 34. n. 1. Soto de Inst. l. 6. q. 1. d. 2.

Nisi

Nisi propter interesse damni accepti, aut lucri impediti, verè & absq; fictione, post moram tamen. Sà. 5. Mora: n. 1. Azor. 1. 3. lib. 7. de mutuo c. 10. q. 3.

2. In debito aut mutuo eorum, quæ consistunt in mensura & pondere, similiter iuxta mensuram & pondus, quod erat tempore mutuationis.

3. In mutuo pecuniæ aliter, (quamuis Azor. 1. 3. lib. 5. c. 10. vt infra, videatur idem iudiciū ferre de frumento & pecunia) nam si casu & ex improviso, auctio valoris monete, aut etiam diminutio, tempore solutionis contigerit, redditio debiti esse potest in alia moneta, quæ debitor maluerit, etiam invito creditore: dummodo adæquet eam summam, quæ resultabat ex illa moneta, tempore mutuationis: etiam si pactū intercessisset de reddenda pecunia in specie. v. g. Si quis mutueret alteri centum aureos, quorū quilibet valebat tempore mutuationis duos florenos, postea in speratè Princeps aut vulgus augetet valorem eius ad 4. florenos, mutuarius nō tenetur dare florenos 400. sed 200. qui tempore mutuationis adæquabant illos centū aureos. Sicut si augetetur modius frumētī: qui mutuo accepit modium, cū esset minoris mensuræ, non tenetur

G

tenetur

tenetur reddere in mensurâ auctâ, sed illa minore priori. Tolet. n. 2. S. a. v. Mutuum. n. 9. Soto ubi supra. Ioan. Medin. de rebus restis q. 38. § Est itaq; in summa. Less. l. 2. c. 20. d. 17. n. 149. & 151.

Seclusa tamen variatione valoris, potest creditor obligare mutuatarium ad soluendum in simili pecunia, Azor. Verum qui mutuaret monetam minutiolem, & obligaret ad auream, vel argenteam reddendam, usuram committeret. Azor.

4. Qui mutuat numisma crescens in dies quo ad valorem: si seruaturus illud erat usq; ad certum terminum, potest in pactum deducere, vt sibi soluatur secundum illam maiorem estimationem, quam habebit tempore solutionis, ad quod seruare decreuerat, dummodo non auferat libertatem mutuario exonerandi se ab illo debito, ante illud tempus, quando ei placuerit, vel soluere poterit. Azor lib. 5. de usura. c. 7. q. 5. Nauar. c. 17. n. 219. Quod si in pactum non deduxerit, non poterit compensationem petere, quamuis per obligationem fecerit: sicut etiam de interesse damni, infra dicetur.

5. Quando tempore mutuacionis, non est certum pecuniâ plus valituram, sed tantum dubium

dubium est, utrinque aequale, plusne vel minus valebit (solet enim esse talis pecuniæ variatio, in nundinis: & ante ipsas incertitudo) tunc licebit bona conscientia pacisci, de reddenda pecunia, in eadem materia, siue plus siue minus valebit. Quia uterque exponit se periculo perendi aliquid, aut saltem nihil lucrandi. Azor: Nauar.

6. Qui scit certo aut probabiliter valore pecuniæ ascensurum, & non est talem monetam usq; ad illud tempus seruaturus, usuram committit, si paciscatur de reddenda pecunia, secundum futurum valorem. Azor, & alij.

7. Habens certam pecuniam, quam timet in futurum minus valituram, non potest licite eam mutuare, eò pacto, vt reddatur secundum estimationem presentem, quam nunc habet. Esset enim usura, Azor lib. 5. c. 7. de usura. c. 7. q. 9. & lib. 10. de Camb. c. 7. q. 2.

Nisi quando mutuans, statim erat consumpturus illam pecuniam, vel ea empturus rem, quam posset tantidem vendere, post diminutam pecuniæ estimationem, quanti estimatur in presenti. Azor lib. 5. q. 9.

Aut quando is cui datur, vult eam in suos usus similiter expendere, antequam eius estimatio minuat. Azor lib. 10. de Camb.



Nihilominus eandem pecuniam minus valituram expendere in presenti, secundum præsens pretium, licebit. Lessius *lib. 2. c. 21. d. 5. n. 44. & 46.*

Sicut & frumentum, quod minus valiturum timeo, vendere licet. Azor de usura *lib. 5. c. 7. q. 6. 7.*

### Q V Æ S I T V M VI.

*Andonare aliquid, ut reddatur duplum, si non moriatur ante tale tempus, sit licitum?*

R. Proponitur in primis casus. Petrus & Paulus ineunt contractum talem, Petrus dat 100. Paulo, ea conditione, ut si Petrus moriatur intra decem annos, Paulus eos flor. 100. lucrabitur, & tanquam suos retinebit, si Petrus vixerint ad finem 10. annorum, Paulus reddet ei suos 100. & alios 100. qui respondebunt illis 10. annis, computando 10. pro 100. in annum quemlibet.

Et in istis terminis proponitur à pluribus authoribus, quos etiam citat Azor. *Tom. 3. lib. 7. c. 7. q. 7.* Et supra *lib. 5. c. 6. q. 2.* Et cum dissideant Authores, resolutio consistit in hoc: quod.

Tale

Tale pactum est licitum, & non usurarium, quia Petrus non recipit lucrum ratione mutui, sed ratione periculi, cui suam pecuniam exponit & subijcit: qui si moriatur, Paulus quoque lucratur. Tenendum igitur est, contractum esse innominatum. Do ut des, in quo ambo contrahentes sunt pares: Potest enim uterque lucrari centum, & itidem perdere potest, & incertus est eucatus.

Potest quoque dici ludi contractus, Nauar: *c. 17. n. 222.*

### Q V Æ S I T V M VII.

*Quomodo in pacto de retrouendendo committatur usura?*

R. 1. Ratione pretij, si minoris ematur quam valeat, tunc enim vendens, præsumitur mutuū palliasse, sub venditionis nomine. Caiet: *Sum. v. Venditio. n. 9.* Et *v. Usura n. 5.*

Ordinariè autè de iusto pretio rei, (si alienaretur in perpetuū) detrahenda est quarta pars. Quamvis si apponerentur conditiones, in maiorem fauorem vendentis, & maius onus emētis, minoris posset res illa emi.

Et vice versa, si conditiones favorabiliores essent emptori, & molestiores venditori, pluris.

G 3

2. Ratio.

2. Ratione intentionis, vt si in animo non sit sinceritas emendi & vendendi, (quamuis ad tempus) sed usuram palliandi. *Dei. lib. 2. c. 107.*

### QVÆSITVM VIII.

*Societatis contractus quid, & quis licitus, & vt talis in eundem?*

1. Quæsitum hoc tria continet puncta.

1. Scilicet, quid sit talis contractus.

2. Quid licitus. 3. Quomodo in eundem.

Sed quoniam societas in multis inueniri potest, videlicet in officio, (de qua Azor *c. 3. l. 9. c. 8.*) in vestigalibus. In arte. Azor *c. 7.* In animalibus, de qua, Azor *c. 17. 18. & 19.* In negotiatione, quæ dicitur societas quæstiuosa, seu in mercatura: hic autem intenditur, quærere de societate in mercatura, vt potè magis vsitata, & plurimùm necessaria. Idcirco de hac tractare cogitamus. Eius autem descriptio talis esse potest.

Societas negotiationis, est conuentio duorum vel plurium, de communi eaq; honesta mercatura facienda, ad commune lucrum habendum, ex his quæ singuli socij in commune contulerunt,

Vt

Vt autem talis contractus sit licitus quatuor cõditiones requiruntur ad talem societatem. 1. vt negociatio sit vera & honesta, ad excludendam eam, quæ neq; est vera, sed conficta, ad palliandum usuram, neque honesta, vt illa quæ est in furto, rapina, usura, & alio maleficio, in quo non contrahitur societas, sed conuenticulum.

2. Vt singuli aliquid conferant, siue pecuniam: siue industriam, operam aut laborem; siue instrumenta (vt nauem currus) siue animalia, aut alia bona necessaria ad negotium: prout conuentum fuerit.

3. Vt æqualitas inter socios in omnibus seruetur. Hæc autem æqualitas intelligitur, quoad impensas, lucra, & damna: ita vt quisq; secundùm proportionem, æstimationem, & valorem collatorum ad cõmune, impensas faciat, lucrùm reportet, & damnum sustineat.

Nam lucrum quoq; diuidendùm est, vel in partes æquales (si illa quæ cõferuntur æqualem valorem habent) vel in partes proportionaliter, si illa quæ erant collata, non æqualem æstimationem habeant. v. g. vnus contulit mille, alter centum. Lucrum diuidetur proportionaliter, vt secundus accipiat vndecimam partem lucri, primus verò decem partes. *Nau. & alij.*

4. Vt

4. Ut singuli socij, sint periculo expositi, respectiue, hoc est; Ille qui deposuit pecuniam, solus patiatur damnum, si illa casu fortuito perierit, aut detrimentum passa fuerit, ex parte, vel in toto, propter negationem: neq; tenebitur socius mercator damnū refarcire, nisi socij culpa intercesserit. Azor. c. 2. Si quidē quælibet res, domino suo perit. Et pecunia collata (quod ad Dominum spectat) non transit in societatem, sed est deponentis (quamuis vsus eius sit communis) unde etiam ante omnia, si extat, restituenda est deponenti post negotiationem.

Similiter, si præter summam capitale, in fine negotiationis, nihil lucri apparuerit, damnū in sua industria, & labore, subibit socius negotiator, neque tenebitur alter socius cōpensare, ex sua sorte principali, si remāsit.

Quo pacto autem sit ineundus: sciendum, est quod hoc fieri potest multipliciter.

1. Dum plures simul vnum cumulum, suarum pecuniarum congerunt, communesq; habent ministros, & alia instrumenta. Decis. lib. 2. c. 120.

2. Si plures æqualiter canferant non tantū pecuniam, sed etiam industriam, operam, laborem, &c.

3. Quando vnus ponit pecuniam, alius instrumenta, tertius industriam, quartus operam & laborem. Azor. c. 1.

4. Cū vnus collocat pecuniam, alius industriam, operam & laborem. Azor.

Lessius lib. 2. c. 25. d. 2. quatuor modos assignat poterit qui volet videre: hic enim sufficiunt supra dicta.

Nihilominus quatuor restant adhuc dilucidanda.

1. Dubitatum est olim (inquit Azor. c. 4. g. 2.) quomodo industria & opera hominis, possit æquare tantiq; æstimari, quanta potest esse sūma pecuniæ, præsertim quando aliquis confert decem aut centū millia aureorū vt propterea possit æquale lucrum accipere, cum eo qui tantum summā reposuit. Sed hoc facile intellectu est, si considerabimus, quod pecunia ex se sterilis est: Fœcunda verò, vt subest industriæ humanæ. Quæ quidē industria, in aliquibus solertissima, sagacissimaque ad lucrandum, & excogitandum modos exquisitos, inuenitur, ita, vt iudicio omnium censeatur æquipollere tantæ summæ: & omnes, quam libentissimè cum ipso talem societatem, (collocata quantacūq; summa) eōtraherēt: in alijs media, in cæteris exigua,

adeò vt vix florenus vnus vel alter eis cõcedatur. Et similiter opera vel labor exercetur, aut in locis tutis nullam difficultatē habentibus, aut periculosis, arduis, &c. Itaque aecedente iudicio ac æstimatione peritorū mercatorum, hæc æqualitas stabiliri potest. Nam aliquando contingit, vt industria vel opera vnus, tantum conferat societati, quantum pecunia alterius. quæ admodum *l. societatis. ff. Pro socio* dicitur. Et *l. si non fuerint*, additur: quod plerumq; tanta est industria socij, vt plus societati conferat, quam pecunia Posset & aliter declarari ista æqualitas, secundum *Azor. c. 4. q. 4.* Et aliter, secundum *Iacob. Grassi. l. 1. c. 120. n. 7.* Verū sufficit supradicta, quæ est quasi germana declaratio, moralem continens æqualitatem.

2. Lucri nomine (quod debet esse commune) intelligitur omne illud quod remanet (deductis expensis, & damnis si q; intercesserint) ex negotiatione, vel causa negotiationis prouenit: nõ autem, si aliunde: vel sola occasione negotiationis accidit: vt si occasione societatis, contraxit quis amicitiam vtilē cum aliquo, aut notitiam cum principe, cui quia placuit persona illius socij, princeps donauit ei aliquid: tunc enim tale donum

num socius communicare non tenetur. *Azor. c. 4. q. 8.*

3. Nomine damni, illæ tantum iacturæ accipiuntur, quæ ex ipsa societate tanquam ex causa descendunt, & tales similiter debent esse communes: nõ autem quæ socij sola occasione societatis sentiunt. vt si socius laborans pro societate diripiatur à latronibus, vel naufragium patiat, vel morbo corripitur, &c., vel captus ab hostibus, vel in seruitutem redactus, redimat se suis pecunijs; tenetur societas ex communi ei compensare omnia.

Ceterum si occupatus negotijs societatis, patrimonium suum negligentius administravit, vel non potuit proficisci ad suscipiendum legatum sibi factum, aut alter iratus, (proprea quo talem quis iniuit societatem.) mutauit testamentum, in quo per illum factus erat hæres, &c. non imputatur societati. *Azor. c. 5. q. 4.*

4. Impensæ quoq; illæ debent esse communes, quæ causa talis negotiationis sunt, siue sint in iumenta, nauigia, ad merces exportandas, vel traiciendas: siue vasa ad asseruandas, vel ad ipsas meliores reddendas, vel ad famulos conducendos, siue in medicos (casu quo laboras pro societate in morbum

incide-

incideret (siue etiam pro victu quotidiano : non deductis impensis, quas alioqui domi suæ fecisset, si hac de re expressè inter socios conuenerit, aut consuetudo talis fuerit, secus si neque pactum intercessit, neque consuetudo extet. Azor. c. 5. q. 8.

Q V Æ S I T V M IX.

*Quis dicatur usurarius manifestus, & à quo absoluehdus?*

R. Manifesti sunt dupliciter, scilicet, iure vel facto. Facto quidem, qui ita palam dant ad usuram, vt nulla tergiversatione factum celari possit.

Iure verò, qui iudicis sententia de hoc crimine sunt condemnati, aut qui legitime in iudicio per idoneos testes sunt conuicti, vel etiam confessi in iudicio.

Quo ad absolutionem. Vbi hic casus Episcopo reseruatus est absolute, ad illum peccitens est remittendus, aut per confessorem facultas petenda, Cæterum in Synodo hac, non video inter reseruatos casus. Papalis quoque non est, quia non est ipso iure excommunicatus. Less. : l. 2. c. 20. d. 22. n. 186.

Dicendum itaq; est, quod non admittendus

us est ad confessionem, donec satisfecerit : ipsa pro sua facultate, vel idoneam cautionem dederit pignoratitiam, vel fideiussoriam ipsis creditoribus, (se presentes sint) vel in eorum absentia Ordinario loci aut eius Vicario, vel Parocho, coram testibus fide dignis, vel Notario publico habenti mandatū à loci Ordinario. Si talem cautionem præstare non potest, debet iurare, se nō posse in præsentem, & se facturum, curaturumq; quicquid poterit, vt fiat restitutio.

Si periculū non patiat moram, statim absoluehdus est, & postea cautio exigēda Less.

In Synodo c. 60. f. 170. multa dicuntur vitia circa usuras. Et Sayro. lib. 10. l. 5. c. 5. n. 27. & 31. Et quoniam existimo non omnes ad manum habituros synodum Diocesis Cracouensis: idcirco decreui summarie perstringere, ea quæ ibi de hac materia dicuntur : Dicuntur autem septem.

1. Interdicitur sacerdotibus sub poena suspensionis ipso facto ab officio, & restitutionis accepti, ne à manifestis usurarijs oblationes accipiant, nec eos ad communionem admittant, neque ad sepulturam, si in tali peccato moriantur.

2. Præcipitur vt ipsi usurarij, tam spirituales,

les, quā seculares, qui respiscere noluerint, tā diu excommunicati publicè denuncientur, donec restituant exorta per vsuram. Ad hoc tamen pręrequiritur declaratio, per officium ordinarij facienda.

3. Modus restituendi duplex pręscribitur. Primus, extra articulū mortis. 2. In articulo mortis. Extra articulū quidem mortis, tria continet: 1. Ut vsurarius volens restituere, denunciet confessario vsurariū, & facultatū suarū, quantitatem. 2. Confessarius (si sufficiunt facultates) iniungat confitenti, vt omnes vsuras restituat: si nō sufficiunt, partem vsurarum soluendā in pręfeti designet: residuam autem differat soluendam, cū maiores facultates habuerit: adhibita tamen sufficienti cautione. Nomine autē sufficientis cautionis, illa triplex intelligitur.

3. Usurarius restituat his, à quibus extorsit, Qui si non extant, heredibus restitutio fiat, Deficientibus etiā heredibus: impium luorum totū cōuertatur ad pios vsus, secundū iudicium Parochi & Confessarij, vel Archidiaconi visitantis: dūmodò iniqua summa, duos aureos non excedat. Nam si excedat, satisfactio, vel cautio pręstāda erit in manibus Episcopi. Et hoc modo postea absolui poterit

erit, à quo voluerit confessario, & nō aliter

4. Qui verò poenitentiam ad horam mortis distulerit, & contēptis clauibus Ecclesię excommunicationem, corde indurato sustinuerit, tamen urgente periculo absolutionē petierit, tunc tria seruanda erunt: 1. Ante absolutionem iurare debet se restitutum acquisita per lucrum. 2. Manifestabit Poenitentiaro suo, bona mobilia & immobilia. Ipse autem Confessarius pręcipiet in regrā restitutionē, si facultates fuerint sufficientes: vel si non sint sufficientes, iubebit, vt vsurarius partē vsurarum persoluat: & de reliquo persoluendo, coram vicario Episcopi vel saltem Paracho, fideiussores statuat: qui fideiubeāt, quod vsurarius recepta sanitate, & aucta facultate restituet, vt suprā dictum est pręcedenti numero, conditione tertia. 3. Quod si fideiussores nō extiterint, & vsurarius agrotans ostendat signa verę poenitentię: tunc satis est quod iuret, vt pręfertur. Quo facto, ad Sacramenta, & alia, admittatur.

5. Idem modus debet obseruari circa res vagas, ablatas, vel male acquisitas.

6. Sacerdos etiā regulāris exemptus, si nō seruata premissa forma, talem vt pręfertur vsurarium manifestum, pręsumserit in loco

loco sacro sepelire, autoritate Concilij Viennensis, ipso facto est excommunicatus. Neque poterit absolui, nisi Episcopo satisfecerit, pro iniuria irrogata.

7. Declaratur qui sint vsurarij per duodecim numeros,

1. Qui publicè vel probabiliter exercent vsuras.

2. Qui decem marcas mutuant, & vndecimam percipiunt ratione vsuræ.

3. Qui fructus vel prouentus rei pignoratæ, non computant in sortem.

4. Qui carius vendit, quàm iustum rei pretium exigit, ob dilatam solutionem.

5. Venditores qui paciscuntur, vt si pretium rei venditæ tempore solutionis creuerit ipsi lucrentur, minutione pretij reuertes.

6. Cùm frumentum vel aliud quidpiam, minus purum integrumque datur, vt tantūdem integri aut purioris restituatur, (quamuis dilatio ad bene placitum, & commodū debitoris concedatur) vsura est.

7. Ad contractum emptionis cum pacto retrouēdendi, quatuor cōsiderationes adhibentur. 1. Vt emptor habeat verè animum emendi sicut & venditor vendendi: alias enim, si facit, vt fructus & sumā totā recipiat, vsura

vsura erit. 2. Emptor sustineat rei ãptæ onera. 3. Res empta ex natura sua sit fructifera.

4. Pretium iustū detur. Videlicet: si emptor venditori facultatem redimendi concedit ad sex annos, tunc ex pretio detrahatur quinta pars: vt puta, si valet res quinq; millibus, dentur quatuor. Si facultas cōceditur ad decem annos: quarta parte vilius, res ematur.

8. Si venditor domus aut fundi, accipit rem venditam ab emptore in Emphiteusim, libellum, aut arendam: maiorem autē soluit censum, quàm sit verus reditus rei: vsura est.

9. Venditor accipiens ab emptore frumentum, pannum, &c. loco pecuniæ: nisi id faciat iuxta pretium, quod in foro publico æstimatur, iniurè agit.

10. Quando dotalis pecunia marito re ipsa numeratur & traditur, non potest relinqui apud exhibitores vel alios propter lucrum, absq; nota vsuræ. Sed quando pecuniæ traditio differret, licitè accipitur aliquid correspondens fructibus dotis, ad sustinenda onera matrimonij.

11. Similiter si monasterium non recipit pecuniam oblatam, vt pensionem diutius recipiat, vsura est.

12. Declarantur duo illicita esse. Scilicet: Quando

Quando in oppignoratione tale pactum, apponitur, si oppignorans intra triennium non redemerit rem oppignoratam, teneatur creditori vendere: vel eam amittat, seu eius iure cadat.

### Q V Æ S I T V M X.

*Vendere rem carius credito, quàm numerato, an sit usura?*

℞. Regulariter, & ex natura rei est usura, quando fit ob solam dilationem solutionis, ut passim omnes docent.

Nihilominus quinque sunt consideranda.

1. Latitudo iusti precij. Nam vendere numerato infimo pretio, credito verò summo, non est usura: quia est infra latitudinem iusti precij.

2. Si res seruandæ erant ad certum tempus, quo sunt carius valituræ: tunc licet pluris vendere, deductis tamen impensis pro conseruatione rei, &c.

3. Ratio habenda est periculi sortis, cui talis mercator exponitur, propter Emptorem insidum & minus securum.

Debet tamen verum esse periculum & non fictum.

4. Ratio;

4. Ratione expensarum & molestiarum, quas timet in recuperanda sorte.

5. Ratione lucri cessantis, vel damni, ex dilatione solutionis, ut si in presenti habeat emptores, qui presenti pecunia emerent, vel in breui probabiliter sperarentur emptores, ille autem pecuniam conuerteret in negotiationem & lucraretur, Less. l. 2. c. 21. d. 6.

### Q V Æ S I T V M XI.

*In quo differunt lucrum, cessans, & damnum emergens?*

℞. In tribus. In significatione, materia, & compensatione. In significatione quidem. Nam damnum emergens importat detrimentum, quod aliquis patitur propter mutuum, id est, eo quod alteri mutuat. Lucrum autem cessans, significat omissionem speratæ utilitatis alicuius, propter mutuû. *Prax for pœn.*

Deinde differunt in materia. Quia damnum emergens est in rebus quas creditor habet, vel quæ ei debentur.

Lucrum verò cessans, respicit emolumentum, quod ei non erat debitum, & à quo consequendo impeditur. Less. l. 2. c. 20. dub. 10.

Quoad compensationem verò differunt. Quia damnum emergens totum est compensandum,



sanctum, quod propter mutuum incurritur. Lucrum verò cessans nō totum, sed ad arbitrium boni viri, perpensis impedimentis, periculisque lucri consequendi, deductis etiam impensis, si quæ sunt. Quod enim futurum est, nondum est, & multis modis impediri potest.

Exempla vtriusque interesse. Damni quidē, vt si quis eo quod mutat, cogitur ipse pecuniam saniori accipere & usurā soluere, vel res suas minoris iusto vendere. Similiter: Habet aliquis domum ruinam minantem, ad quam fulciendam tenebat pecuniam, quam mutuat, vel indigebat, frumento ad familiam usum, quod postea emet carius: Aut volebat censum redimere, vel debitum persolvere: & ob mutuum cogitur usuram vel interesse, aliquid dare.

Lucri verò, vt si quis pecuniam destinata negotiationi, vel emptioni rei frugiferæ, subtrahat illi destinationi, vt alteri mutuet, ac propterea amittat spem lucri.

### QVÆSTIVM XII.

Quomodo licet exigere aliquid, ultra sortem, ratione damni emergentis, & lucri cessantis?

¶. Quam

¶. Quamuis non desint, qui sentiant illicitum esse, exigere aliquid ratione damni emergentis, vt Less. l. 2. c. 20. dub. 10. refert. Nilominus D. Th. 22da. q. 78. a. 2. 1. & communiter omnes tenent id esse licitum.

Quod in duobus casibus locū habere potest. 1. Quando mutuatarius est in mora culpabili, hoc est, quando in termino solutionis non soluit, cum possit soluere, aduertēs creditorem velle sibi solui. Less. Summ. Cor. de usura, circa mutuum, c. 7. §. Primus casus. Prax. l. 23. c. 7. n. 70.

Neque necesse est, vt creditor eū interpellat de solutione, quia ipse terminus satis interpellat, virtute pacti ab initio conuenti. Et tunc quoque inicitur tacitum pactum, vt non soluens teneatur ad interesse, defectu solutionis obueniens. Lessius n. 69.

Secundus casus, quando ab initio (quod licitè fieri potest) conuentum est, de aliqua pecunia ultra sortē reddenda, ratione damni ex mutuatione impendentis, tūc enim si aliquid euenerit, siue ante, siue post terminū & moram mutuarij, resarciendum erit.

Requiruntur tamen in hoc secundo casu, duæ conditiones, ad hoc vt licitè cōpensatio accipi possit. 1. Vt mutuum sit causa damni

ita quod sine mutuo non eueniret, & per mutuum, mutuans effectus sit impotens ad præcapendum impediendumque illud damnum

Addit Azor *l. 3. lib. 5. de usura c. 4.* Si tamē alias habeo pecunias, quibus domū labentē reparare possim, vel amicus alias mihi offert tunc damnum mihi non prouenit ex mutuo. 2. Vt mutuator ad moneat mutuatarium illius damni futuri, ne decipiat: nā fortē nō let mutuum cum tanto onere. Less: & Sum. Cor. *de usura circa mutuum n. 11. § Tertius casus*

Quod si ipsum damnum non est deductum in pactum, mutuatarium non tenebitur, pro eo soluere, etiam si postea eueniat, sed mutuans sibi imputet. Nam eo ipso, quod non dedit in pactum, censetur illud in se recepisse, nisi debitor fuerit in mora, aut per vim coegerit eum sibi mutuare. Hoc interesse quāuis bona conscientia possit accipi, raro tamen aut nunquam est in usu.

Quoad lucrum cessans, pecuniam est pacisci tempore mutationis pecuniarum, de lucro cessante cum mutuatarie, seruatis tamen quatuor conditionibus.

Prima. Vt verē ac syncerē pecunia sit destinata negotiationi, quę etiā negotiatio sit parata & in promptu, vt Caiet. *v. usura, casu. 5. ait.*

Less.

Lessius verō *n. 86.* docet, satis esse si absolute sit destinata certę negotiationi, aut etiam in genere, vt sit à quibusdā, qui in omnem lucrandi occasionem sunt intenti, dummodo merces sint certę, & lucrū. 2. Vt mutuatō verē sit causa lucri cessantis, ita, vt neq; arte, mutuans posset cōmodē compensare totum lucrum negotiationis, neq; habeat aliā pecuniam otiosā, quam cōmodē posset in mutuatę locū subrogare, & eidem lucro destinare. Quamuis computari non debeat inter otiosas pecunias, reposita ad alios euentus, vt ad alendam familiā, dotandas filias, prouidendum senectuti, vel ne mutuans exponat statum suum periculo. Less. *n. 87.* Sum. Cor. Azor *c. 5. Tolet. l. 5. c. 33. v. 1. Caiet. v. usura.*

3. Conditio. Vt lucrū habeatur in specie certa, siue probabili, & mutuans nō tantum exigat, quantum est lucrum speratum: sed minus, arbitrio boni viri. Deductō enim est æstimatio laborum, expensarum, & ratio habenda præsentis ac certitudinis. Nā plus valet, quod præsens est: & minus, quod futurum est, ac propterea incertum, multisque modis impediri potest. vt D. Th. ait.

4. Vt præfati lucri cōpensatio non exigatur statim dato mutuo, sed cōuenienti interuallo

teruallo. Less. Nam hæc anticipata solutio erit vsuraria. Azor. c. 5. q. 3. fin. Ioan. Med. C. de rebus per usur. q. 3.

Ultima potest apponi cōditio, aut potius monitio, vt hæc intelligantur, dummodo omnis dolus & fraus palliandi vsuras, absit. Nauar. c. 17. n. 211. Et præterea secluso scandalo, ad euitandū peccatum. Decis. l. 2. c. 105. n. 14. Num. autem 34. subiungitur. Cū interesse lucri cessantis requirat tot conditiones, ideò consulendum est, vt à tali cōtractu abstinence, post factum tamen seruatis prædictis conditionibus, contrahentes non sunt condemnandi, nec tenentur ad aliquam restitutionem: ex D. Ant. & Nau.

Prax. lib. 23. c. 8. n. 83. Id, inquit, admissum in speculatione, dissuadendum est in praxi, antequam fiat, tum quia paciscentes mentuntur, tum quia difficile est, vt omnes conditiones simul concurrant, & obseruentur.

Extenditur autem interesse lucri cessantis soluendum non tantum ex pacto, sed etiam ex & post moram debitoris, Caiet. 22. q. 88. Na: & Sū. Cor. seruatis, tamen conditionibus.

Multæ autem in Sum. Cor. enumerantur conditiones, non aspernendæ. Sicut etiam in Prax: for. poen. lib. 23. c. 7.

QVÆ.

## QVÆSITVM XIII.

An pro pecunia dotali liceat fructus aliquos accipere?

¶ Si pecunia est in manibus, & dispositione legitimi possessoris, eam non licet conuerrere ad contractum iniustum, propter lucrum acquirendum, iuxta modū corruptæ consuetudinis, si quidem neque pro redemptione captiuorum, licitum est vsuram committere. Nauar. cap. 17. n. 257.

Nihilominus, si eadē pecunia dotalis vel pupillorum ac viduarum, subijceretur licito contractui, & reduceretur ad aliquem iustum titulum & modum) de quibus Valentia l. 3. disp. 5. q. 25. p. 2. postquam in primo puncto enumerauerat iniustos modos) posset licitè fructificare.

Modus autem iste est, si inirentur & coniungerentur tres cōtractus, cum mercatore, ex parte pupillorū. 1. Societatis, 2. Asseruationis summæ capitalis, hoc est; susceptionis periculi in se, & obligationis ad cōpensandū sortem principalē si perierit. 3. Venditionis & emptionis lucri maioris incerti, pro minori certo. Et quidem ratione societatis lucrū sperabit, v.g. quindecim pro centū. Ratione

H

assercu-

assurance, detrahet quatuor ex quindecim. Ratione venditionis, dabit alia quatuor. Itaq; residuum, scilicet septem accipiet tanquam lucrum pro sorte sua.

Ceteri modi recensiti à Valent. præter hunc vel hic locū non habent, vel periculis pleni sunt. *Less. l. 2. c. 25. dub. 3. n. 31. & seq.*

Quod si pecunia nondum peruenit ad manus, sed pecunia genero debita apud socerū sit, aut viduæ relicta, ab hæreditibus nondum sit restituta: tunc gener potest percipere fructus ultra dotem sortis, siue ex fundo sibi tradito causa dotis, siue ex pacto de solvendis tot aureis, singulis annis pro centenatio, ratione interesse onerum matrimonij, vel lucri cessantis. *Decis. l. 2. c. 108.*

Idem dicendum de vidua, & de separata per diuortium. *Decis. 5. Nau. c. 17. n. 213. Sot. 6. de Iust. q. 1. a. 2. Prax. lib. 25. n. 238.*

*Nota hic duo, circa primum punctum.*

I. Quod isti tres contractus possint iniri, siue cum eodem socio, mereatore: siue cum alijs tribus: & siue in cōtinenti, siue ex interuallo. *Nau. c. 17. n. 253. Decis. lib. 2. c. 120. n. 38.*

Quæuis Azor t. 3. l. 9. c. 3. q. 6. & c. 4. q. 3. aduersetur;

setur, & usuram esse contendat, si eam vno, & eodem prædicti tres contractus fiant: sed optimè rationes soluit. *Less. l. 2. c. 25. d. 3. vbi pro hac sententia, multos citat auctores.*

2. Quod non est necessarium semper, hos cōtractus fieri expresse, sufficit enim, vt contractus fieri implicite eos intendat, per vnicum contractū expressum. Vnde potest quis vti hac forma cum mercatore. Confero mille ad communem mercaturam, vt quotannis soluas quinque vel sex salua sorte, eodem modo, quo Doctores docent id esse licitum. *Lessius lib. 2. cap. 25. n. 31.*

#### QVÆSITVM XIV.

*Prouiso virginum nubilium antequam nubant, vel dotem accipiant, esse licita?*

✗. Si virgo nolit vnquam nubere, sed ex tali prouisione semper viuere, salua summa capitali: illicita est prouisio talis. Hoc enim non aliter dari videtur, quam ex vi mutui vel expliciti vel impliciti.

Quod si intēdat nubere, videtur licita esse, tū ratione legis, sic disponentis, vbi est facta: tum ratione piæ consuetudinis, tum ratione

tacitæ donationis parentum intendentium, dotis in sua integritate cõseruationem, vsq; ad realem eius exhibitionem, tum quia illa prouisio potest computari in supplementis dotis, vt in simili dicitur, in Decisi. lib. 2. c. 106. n. 3.

### Q V Æ S I T V M X V.

*An conditio pupillaris, excusare possit à peccato & restitutione, si capiatur aliquod lucrum ultra sortem?*

✠. Non potest excusare. Nam si tutor exposuerit pecunias pupilli vsuris, (quamuis non potuerit aliter ex eis lucrari) tenebitur pupillus ad restitutionem, & similiter tutor, vbi pupillus nequirit vel noluerit, tanquã cooperator. Tenetur tamen adhibere omnẽ diligentiam, vt ex pecunia pupilli lucrum acquiratur, vel emendo prædia, vel dando mercatori ad partem, honesti & liciti lucri, recipiendã. Qui si negligens fuerit, potest pupillus accipere honestum lucrum à tutore suo. Si autem fecerit tutor quod in se erat, ad nihilum tenetur. Sylue: v. Usura, lib. 9. q. 29. Prax: lib. 25. nu. 240.

### Q V Æ S I T V M X VI.

*Habens pecuniam, sed ea vti ad lucrum nesciens,*

*nesciens, nec valens: qua ratione sua necessitati consulere potest?*

✠. Ex superioribus patet, ipsum nõ posse illicitis modis victum aut lucrum quærere, poterit autem ad licitos contractus se conferre, scilicet ad emptionem fundi frugiferi, siue in æuum: siue cum pacto retrouendendi, ad emptionem census annui, (vulgò dicti Wyderkaw) ad societatem in mercatura, vel mercaturam in societate, de qua paulò antè dictum est. Quod si neq; ad hos modos pateret occasio, habens autem pecuniam esset decumbens in infirmitate diuturna, &c. Tunc non est aliud remedium, nisi ex parata pecunia viuere, in Dominum Deum cogitatum iactare, interim magna fiducia Dei auxilium expectare. Nam quid faciunt mendici, imò & diuites ad magnam paupertatem redacti? Ia patientia egestatem sustinent, & Dominus Deus enatrit eos, subordinat & prouidet benefactores, aut tandem præmium cælestè, pro indigentia tolerantia, largitur.

### Q V Æ S I T V M X VII.

*Faciens contractum illicitum, bona tamen fide, quem si sciissent esse iniustum*

*non fecissent: an postea veritate comperta,  
possunt ratione lucri cessantis, tantum re-  
tinere, quantum iusto contractu  
lucrati fuissent?*

R. Hanc difficultatem in terminis, tractat. Less: l. 2. c. 20. d. 12. Nos hic breuiter respondebimus negatiuè. Quia emens prædiū minoris iusto, bona fide, non peccat quidem, sed tamen postea intellecta veritate, tenetur cōplere pretium, nec potest excusari per hoc, quod si alium contractū iniisset, etiam plus lucratus fuisset. Et ratio est. Quia venditor non consentit in illum titulū, neq; illius intentio est, rem suam minoris iusto vendere, propter interesse emptoris. Similiter vēdens bona fide, supra iustū, tenetur comperta veritate restituere excessum, quia emptor non intendit cōpensare interesse venditoris, sed tantū emere rem iusto pretio. Ita etiā hic, quanquā non peccat, tenetur tamen ad restitutionem. In primis ergo rescindendus est contractus illicitus, & quidē quā primū, neq; enim tutū est in offensa Dei, & iniustitia, vel ad momentum permanere. Deinde restitutio facienda est: ac postea alius contractus licitus (si placebit) faciendus,

Nec

Nec poterit excusare, cōsensus alterius contrahentium, quia ille non est absolutus, & spontaneus, vt qui procedit ex vi contractus illiciti, per eum ob necessitatem initi.

## QVÆSITVM XVIII.

*An licitum sit ab usurarijs emere pignora,  
qua ipsi passim in ciuitatibus publicè  
vendunt?*

R. Est licitum. Quia mutuatarij postquam ea reliquerunt pro vsuris, non solent curare, ad quos perueniant: & si rogarentur, libenter facerent potestatem emendi. Less: lib. 2. cap. 20. dub. 19. n. 166.

## TITVLVS X.

## De Simonia.

*Habet Quasita 10.*

## QVÆSITVM I.

*Simonia quid sit & quotuplex?*

R. Simonia est deliberata voluntas emendi, vel vendendi pretio temporali, aliquod spirituale, vel spirituali annexum.

H 4

Spiri

Spirituale hic dicitur, quod est supernaturale quocunq; modo, vt gratiæ, Sacramentâ, consecrationes, benedictionesq; Ecclesiæ, & omnis vsus potestatis supernaturalis. Spirituali annexû, quod cum aliquo spirituali habet cõnexionē: Vel antecedēter, vt ius patronatus, vestes, & vasa sacra, tēpla, altaria. Vel cõsequenter, vt beneficiâ Ecclesiastica: quia supponunt officii diuinum. Aut concomitanter, vt labor in ministerio Sacramentorû.

*Diuisio.*

Simonia (claritatis causa) est quadruplex: Mentalis tantûm, Conuentionalis tantûm, Realis, & Confidentialis.

Mentalis est, quæ latet in mente tantûm seu intentione. Quæ interdum erumpit ad dationem absq; declaratione iniqui animi, interdum non.

Conuentionalis, quæ etiam ad pacta verè, & non animo decipiendi deducitur, verbo, nutu, vel alio signo, siue in sola tantûm promissione consistat: siue etiam ex vna tantûm parte impleatur.

Realis, quæ ad dationem, & acceptionem præmissis pacto peruenit. Et posset quidem subdiuidi, quod vel est vtrinq; completa: vel ex vna parte tantûm. Sed quia realis hic dicitur.

tur; quæ omnitariana est complete: idcirco hæc, quæ ab vna parte tantûm cõpleri incipit, ad cõuentionalem reducitur. *Valent. 22. de Simonia, disp. 6. pun. 5.*

Confidentialis, quando alicui confertur, aut procuratur beneficium cum pacto, vt idem conferenti vel procuranti aliquando resignat.

Q V Æ S I T V M II.

*An conferens beneficium indigno, ob consanguinitatem, amicitiam, vel preces; sit Simoniacus?*

Be. D. Th. 22. q. 10. a. 5. 2. ait non esse Simoniacû propter consanguinitatem vel affinitatem carnalē, conferre gratis aliquod spirituale, quia nihil ibi datur vel accipitur pecunia æstimabile. Quâuis ex tali mortuo principaliter cõferre, sit mortale, præsertim indigno. *Nauar. cap. 23. n. 107. Azor 1. 3. l. 12. cap. 11. q. 1.*

Quòd si hoc in aliquod commodû temporale resoluatur tâquã in pretium, erit simonia. *Valencia 2. 2. de simonia disp. 6. pun. 3. Exēplû ex Azor.* Siquis confert cõsanguineo vt inde cõferens fiat honoratior, vel opulētior, vel potētior: vel vt cõsanguineorû, aut propinquorû familia esset clarior, vel dicitur.

Idem de conferente ob amicitiam, quamuis in digno: *Navar.*

Et quamuis aliqui DDi vniuersaliter dixerint hoc esse simoniacum, tamē late & generaliter vsi sunt nomine Simoniæ, scilicet, in quantum datur beneficium ob aliquam inordinatam causam vel motiuum. *Less. dub. 20. Azor. t. 3. lib. 12. cap. 11. Val.*

Sicut & de precibus specialiter aliqui asseruerunt. Nam conferre alicui beneficium propter preces, vel obtinere propter preces etiam interueniente indignitate, non est propriè Simonia.

Nisi preces pro precio fiant, & accipiantur: vt ait *Navar cap. 23. n. 100. S. 107.*

Vel exauditio precum resoluetur in aliquid commodum temporale, tanquam pretium, vt *Valent. Soto,* & *Azor* aiunt, videlicet, si exaudiens preces, fauorem ab exaudito querit, benevolentiam sperat, obligationem oblatam suscipit, iram & odium metuit, honori ducit quod a talibus rogetur. *D. Th. 22. q. 100. a. 5. Azor. c. 18. q. 3.*

Vel nisi aliquod pactum interueniat tacitum vel expressum, vt *Less:* docet. *dub: 20.* & *Soto de Inst. lib. 9. q. 7. a. 3.*

Aut etiam preces interponantur, apud alium, in ipsius collatoris vtilitatem, *Less.*

### QVÆSITVM III.

*Quomodo dignoscetur, qui inseruit alicui Pralato, pro beneficio obtinendo, an sit Simoniacus?*

*R:* In confessione, tribus modis id cognosci potest:

1. Per distinctionem præpositionis, (pro) Nam potest importare, vel causam finalem, vel impulsiuam sine excitatiuam. Et quidem si dicat causam finalem, videlicet quod spes beneficij moueat, tanquam finis principalis. & immediatus ad inseruiendum, procul dubio erit Simonia.

Quod si tantum excitet & impellat, finis tamen immediatus obsequiorum est salarium, aut alius iustus vel honestus respectus: tunc non erit Simonia, vt sequenti quaesito patebit, vbi etiam periculum aperietur.

Hanc doctrinam supeditare videtur *Navar. c. 23. n. 100. ibi Quarto* Declarationē verò terminorū de causā finali & impulsua, videre poteris in opere morali. *Sancti. li. 4. c. 2. n. 38.* & de Matrimonio *lib. 8. c. 21. n. 8. & c. 30. n. 9.*

*Azor. t. 3. lib. 4. c. 24.* breuiter declarat. Finalis, inquit est, propter quā aliquid fit, & qua non subsistente non fieret. Impulsua quæ est causa,



causa, vt facilius, citius, vel pròptius fiat: & qua non existente fieret, sed non ita facilitate, vel commode.

2. Dignosci potest ex discussione intentionis. Nam si obsequia sumit pro pretio assequendi beneficium: ita quod ex vi obsequiorum immediatè expectat illud, est quasi emens ipsum, ac proinde simoniacus.

Quod si non ex vi seruitij, sed fauoris cõparandi, per obsequia sperat beneficium, non est Simoniacus. Quod in sequenti questio melius declarabitur,

3. Ex medio, videlicet si pactum media & interuenit vt loco stipendij, aut etiam cum illo, accipiat beneficium. Azor. 1. 3. lib. 2. c. 18. q. 2. Et Less: lib. 2. c. 35. d. 20.

#### Q V Æ S I T V M I V.

Quomodo per munus à manu, à lingua, & obsequio, committatur Simonia?

R. Munus à manu (secundùm D. Gregoriũ) est pecunia, & omne donum, quod intuitu obtinendi spirituale datur, vt equus, torques, annulus.

Talia si dantur expacto, erit simonia completa: si absq; pacto, sed cõ intentione secreta, obtinendi rem spiritualementa-

menta-

mentalis. Si vero dantur ad conciliandam amicitiam tantùm, non erit simonia. verùm periculosum est Less: lib. 2. c. 35. dub: 20.

Munus ab obsequio: si quis obsequiũ præstet Episcopo, Collatori &c. vel inseruiat ipsdem cum expresse vel tacito pacto, vt beneficium compensecur, aut saltè tali intentione non manifesta, erit simonia, Less: lib: 3. c. 35. dub. 20.

Si verò, vt ipse collator, serui scientiam, & dexteritatem perspectam habens, moueatur ad conferendum ei beneficium, non erit Simonia in foro conscientie, etiamsi gratis seruiat, dummodo non intèdat obligare tacito aliquo pacto collatorem, nec collator sentiat se esse obstructũ. Nõ enim præstas obsequia, vt Episcopum obliges, sed vt talenta tua ei innotescant. D: Th. & Less.

Ad cõciliandã verò amicitia inseruire, æquè periculosũ est, ac in munere à manu Less.

À lingua, vt laus & vituperatio, patrociniũ aduocati, commendatio apud Principẽ, & alios, ad fauorem humanum comparandum, & odium vitandum hoc enim officium est pretio æstimabile. Vnde si quis hoc principaliter intendit, vel in pactum deducit expresse vel tacitè, Simoniacus est.

De precibus satis dictum est.

## QVÆSITVM V.

*Quis Simoniacus sit ipso iure suspensus, vel excommunicatus?*

R. Simoniacus realis in ordine, est ipso facto suspensus ab omnium ordinum executione. *Less. d. 24.* & præterea est excommunicatus cum Papali reservatione. In beneficio verò Simoniacus est tantum excommunicatus. Similiter Simoniacus per confidentiam, non tantum realis, sed etiam cõventionalis accepto beneficio, antequam impleat quod promisit, est excommuicatus. *Nauar. n. 110.* & *Less. n. 147.* *Azor. t. 3. l. 12. c. 10. q. 4.*

*Pro cuius declaratione, sciendum est.*

Quod omnis Simonia, pœna æterna gehennæ ponitur, nisi hic per Sacramentum Pœnitentiæ expietur.

Mentalis ultra peccatum mortale, nulla pœna iuris afficitur, siue post purè mentalis, siue etiam peruenerit (absq; pacto tamen) ad actum exteriorem dandi vel accipiendi: adeo ut etiã ad restitutionem in nullo casu sit obnoxius talis Simoniacus. *Nau. c. 23. n. 111.* *Valde Sim. disp. 6. p. 6.* Quãvis Soto cõtrariũ feriat de *Iust.*

*Iust. l. 9. q. 8. a. 1.* quo ad simoniam mentalem, quæ ad dandũ accipiendũq; peruenit. Cõventionalis præter peccatum mortale, quod ei cõmune est cũ mètali, potest etiam puniri in foro exteriõri, si officio deferetur.

Ilia verò Cõventionalis, quæ est ex altera tantum parte cõpleta, obligat ad restituendum id quod est acceptum, & quidem statim ante condemnationem. *Val. vbi sup.* Restitutio quidem rei temporalis, fieri debet dãdũ (quamuis per sententiam iudicis in pœnam ipsa priuari possit.) Rei verò spiritualis, non dandi sed superiori, nisi restitui nequeat, vt Sacramentum vel Sacramenti characteri.

Quoad pœnas realis simoniæ distinguendum est. Nam vel est in ordine, vel in beneficio, vel in religionis ingressu.

Itaque Simoniacus realis & mediatores, tã in ordine quàm in beneficio, omnes sunt ipso iure excommunicati, cum reservatione Papali. *Nau. n. 111.* *Val.*

Simoniacus in ordine tantum, præter excommunicationem, est ipso iure suspensus, cum reservatione Papali. *Val.* Simoniacus verò in beneficio, non est ipso iure suspensus, sed tantum excommunicatus.

Et præterea omnis dispositio beneficiaria,

vt præsentatio, electio, collatio, per realem Simoniam; est nulla, & consequenter questum per illam, debet dimitti, etiam ante sententiam, & quidem cum fructibus: quia iure naturali relinquenda est res aliena.

Est quoque talis inhabilis ad idem beneficium obtinendum. Res autem temporalis per simoniam data, restitui debet Ecclesie, in cuius præiudiciū admittitur: vel pauperibus, si in nullius Ecclesie damnum, vel ignominiam id cessit. post sententiā tamē. Val. Less. Simonia confidentie pœnis superat omnes superiores Less. lib. 2. c. 35. dub. 26. & n. 149. Nau C. 23. n. 108. non enim hic videtur esse in usu.

Ad extremum notandū est, quod tradit. Nau. Val. & Azor. l. 3. l. 12. cap. 21. q. 6. Quod nullus Simoniacus est ipso iure excommunicatus præter Simoniacum realem in ordine & beneficio.

Cuius contrarium Less. dub. 23. significat, quoad simoniam ob religionis ingressum, quod videlicet tã dantes quam accipientes, sunt ipso facto excommunicati per Urbani 4. Extrauag. quæ incipit, Sane in vinea Domini. Capitula verò aut Conuentus, suspensionis pœnæ subiacent Quæ tamē pœnæ intelliguntur, interueniēte petitione vel actione dire-

directa aut indirecta. Nā sponte oblata (omni pactione cessante) licet recipere, sicut & dotē exigere: (sic determinate Martin. 5. & Clē. 7.) non quidem pro ipso ingressu religionis, sed pro alimentis Monialis, maxime si Monasterium sit tenuē. Less. dub. 12. Et Azor lib. 12. c. 16.

### Q V Æ S I T V M VI.

*Resignare beneficium in fauorem tertij, continetne Simoniam?*

æ. Secundum usum Curie Romanæ, & Constit. Pij V. prohibitum est, ne quis coram ordinario cedat suo officio, alterius gratia, imò & iure cōmuni talis damnatur vt Simoniacus. Azor l. 7. c. 21. q. 2. Et c. 27. q. 3. Omnis enim pactio in spiritualibus est illicita, & Simoniam inducit. Less. & Azor. Ideo propter imaginem Simonie, non possunt tales resignationes esse, nisi in manibus summi Pœnitificis, cuius autoritas, dissipat Simoniam iuris humani seu Ecclesiastici. Neq; enim hic potest esse aliqua Simonia iuris diuini. Less. d. 14.

Licitū tamen est, dimittenti beneficium suū absolutè, id est, absq; intentione id faciendi causa alterius, post aliquod tēporis intervallū, & non statim, petere, ab ordinario pro aliquo Azor l. 2. c. 21. q. 3. Et l. 3. l. 12. c. 8.

QVÆ-

## QVÆSITVM VII.

*Permutatio autem Beneficiorum, caretne  
labe, Simonia?*

R. Caret quidem, si fiat autoritate Episcopi: absque ea verò inficiuntur ipsa.

Licebit itaq; tractare de permutatione facienda, & tractatum concludere, & se vicissim obligare, sed adiecta clausula, sub beneficio superioris. Less. d. 17. & Azor. c. 29. Compensatio tamen excessus, est periculosa. Lege Less. n. 102. & Azor. l. 3. lib. 12. c. 12. q. 3.

## QVÆSITVM VIII.

*An sit Simoniacum, sumptus in lites & a-  
dificia à resignatario exigere?*

R. Quoad expensas lites. Less. l. 2. c. 35. d. 15. n. 94. refert quosdam negare esse Simoniacum: tum quia facit resignans, vt se indemnem seruet: tum quia totæ expensæ redundant in vtilitatem resignatarij. Quorum opinionem ego limitarem, ad sumptus factos ex suo patrimonio, non ex beneficio: quam distinctionem suppeditat Azor. l. 7. c. 16. q. 9. Alios autem asserere id Simoniacum esse: quæ opinio Lessio placet, & communis Doctoribus dicitur. Et ratio eius est. Quia omne pa-  
cium

stū in spiritualibus, de onere tēporali, quod iure non est annexū, reprobatur, si absq; auctoritate superioris fiat. Neque in foro exteriori (inquit) admitteretur ista excusatio.

Quoad aedificia: similiter nō licet exigere citra periculum Simoniæ: sicuti neq; successor tenetur debita sui antecessoris soluere, contracta ob has necessitates, (videlicet, vt domū aedificet, & reficiat, vineā aut agrum colat) nisi sint contracta in rem & vtilitatem Ecclesiæ: & si ita egestate premebatur, vt non haberet vnde se sustentare posset in vita vel infirmitate. Azor. l. 2. l. 7. c. 9. q. 6. Et l. 3. cap. 12. q. 4.

## QVÆSITVM IX.

*Licetne in beneficijs, ob redemptionem vexationū, dare aliquid temporale?*

R. 1. Qui habet ius in re, per confirmationē, institutionem, aut liberā collationem, potest pretio redimere vexationē, si fortē illum aliquis à possessione capiēda impediāt. D. Th. 22 q. 100. a. 2. & alij quos allegat Less. l. 2. c. 35. d. 18.

2. Qui nondū habet ius in re, potest quidem redimere vexationē, ab his qui malitiose tantum impediūt, (scilicet, vi, fraude, diffamatione, muneribus, & precib; apud electores,

cores, vel collatorem) neq; spectat ad ipsos quocunque modo directa beneficij collatio.

3. Idem, non habens ius in re, non potest redimere vexationē ab his, à quibus pendet beneficij assecutio: (quamvis & isti possent malitiosè procedere: qui dici solent valentes prodesse & obesse.) Quamvis etiam isti, si apertè iniquis modis conarentur impedire, v. g. infamando electum, vel alios corumpendo pecunia, ne consentiant: non videretur contra conscientiam, dare, vt ab iniusto conatu (prout obligantur) desistat. Si tamen inducti munere, non tantum cessent ab iniuria, sed etiā suffragentur, merè propter pecuniam: suffragium esset Simoniacum. Less. & Nau. c. 23. n. 102.

### Q V Æ S I T V M X.

*Quid intelligitur per hæc nomina, ius ad rem, ius in re?*

R. Ius ad rem; est imperfectum, nondū quaesitum: ius in re perfectum, & iam quaesitum. Nau. c. 17. n. 69. & Less. lib. 2. c. 2. d. 2.

Et quidē in beneficijs. Ius ad rē, inuenitur, t. in remotum, vt dignitas personæ, quàm propinquū, vt per iustam promissionem, electionem, præsentationem, postulationem; ante

ante confirmationem & institutionem. Ius in re habet, qui iam est confirmatus, vel institutus; vel collationem factam accepit, quamvis nondum possessionem cepit. Less. c. 35. d. 18.

## T I T V L V S X I.

### De Beneficijs.

*Habet Quæsitæ 13.*

#### Q V Æ S I T V M I.

*Quid in iure, nomine beneficij intelligitur?*

R. Intelligitur annuus proventus, vel potius ius percipiendi fructus ex bonis Ecclesiasticis, Sacerdoti aut Clerico collatum, ob ministerium Ecclesiasticum. Azo: t. 2. lib: 3. c. 1. g. 1. Et Less: lib: 2. c. 24.

#### Q V Æ S I T V M II.

*Quotuplex est beneficium saculare?*

R. Duplex. Simplex. Et non simplex, quod ab alijs dicitur duplex. Simplex est quod nō habet aliquā iurisdictionem, prærogatiuam, neq; administrationē, sed tantum seruitium, in

in Ecclesia, tantum in choro, missam ad altare. Duplex: quod præter hæc, habet aliquam iuris qualitatem, videlicet, iurisdictionem, prærogatiuam, & rerum Ecclesiasticarum administrationem.

Beneficia habentia qualitates sunt, dignitas, personatus, officium, gubernatio Parochiæ, cura animarum, &c. Azor. 1. 2. lib. 3. c. 1. q. 5.

Dignitas propriè est, per quam beneficiarius habet rei Ecclesiasticæ administrationem, & iurisdictionem in Clericos. Personatus, per quem beneficiatus habet gradum honorificum: puta in choro sedem superiorem, in collegio locum, absq; tamen administratione & iurisdictione. Officiū per quod beneficiarius habet administrationem, absq; iurisdictione & gradu eminentiori. Azor. 1. 2. lib. 3. c. 1. q. 4.

Potè dignitatem, Personatum, vel officium habent, Decanus, Præpositus, Archidiaconus, Custos, Cantor, Scholasticus, &c.

Nam aliquando ista tria beneficia, pro eodem accipiuntur. Aliquando distinguuntur, Azor. c. 13. q. 4. & 5. Et tunc dignitas dicitur, Præpositura, Decanatus, Archidiaconatus, Personatus, Cantoria, Scholastia, Custodia. Officiū, Syndicatus, officium sacristæ, æconomi Ecclesiæ, aduocati Ecclesiæ, &c. Less. lib. 2. c. 34. dub. 2.

QVÆ-

## QVÆSITVM III.

*Ad inter beneficia præfata, sint aliqua incompatibilia?*

R. Sunt: sed ista sunt in duplici ordine.

Primi ordinis sunt, quæ adeò nequeunt simul possideri, vt habito secundo beneficio, omnino excludatur, & vacet, prius beneficium ipso iure. Talia sunt, Ecclesiæ Parochiales, & alia beneficia, quæ curam animarum in foro contentioso habent. Item, quæ officia, personatus & dignitates, vocantur. Item duo, Canonicatus, vel duæ Sacellanæ ad eandem functionem concurrentes in eadem Ecclesia; quæ dicuntur beneficia vniformia, sub eodem tecto.

Secundi generis vocantur infociabilia, quæ non possunt quidem sine peccato graui, ab eodem retineri; Verumtamen si quis continuerit secundum, non ipso iure vacat prius. Talia sunt. Canonicatus simplices, in diuersis Ecclesijs: & alia simplicia beneficia, siue requirant residentiam, siue non, imò & sub eodem tecto difformia.

## QVÆSITVM IV.

*Adeonè sunt ista beneficia incompatibilia,*

*lia, ut in nullo casu possint plura simul haberi?*

R. Non adeò. Si quidem habere plura beneficia non est intrinsecè malum; aliàs Summi Pontifices non dispensarent. Dispensare autè solent, vnde & D. Gregorius *lib. 2. Epistolarum cap. 52.* dispensasse legitur, cum quodà, nomine Agnello, ob certam Ecclesiæ necessitatem, vt duos Episcopatus haberet. Neq; omnino indifferens: cū speciem mali, & inordinationem quandā præferat. Siquidem in primis minuitur cultus diuinus, vnus n̄q; habens tria beneficia, nō recitat ter officia, neq; celebrat ter, (aliquando nec semel)

2. Ecclesia destituitur suis operarijs, cū vnus non possit in pluribus locis residere, nec plurimum ministeria obire.

3. Animarum cura negligitur.

4. Honori Ecclesiæ propter absentiam sectoris detrahitur.

5. Fundatores defraudantur (proh dolor) sua pia intentione.

6. Multi Ecclesiastici pauperes, magis idonei, magisq; vtilis Ecclesiæ futuri, frustrantur.

7. Quia pluralitas, multa absurda inducit: vt nimiam solitudinem temporalium, discursum,

scursum, ambitionem, luxū, in continentia concubinatū, lites, scandala puillorum, &c. vt meritò Cōc. Trid. *S. 24. c. 17.* dixerit, hanc pluralitatem esse peruersionē totius ordinis Ecclesiastici. Et Alex. 3. *cap. Quia* in tantū 7. de præbendis; pluralitatem beneficiorū certum continere, animarum periculū asserit. In Extrau. Ioan. 22. Execrabilis. Decem recensentur incōmoda, ex pluralitate promanantia Less: *l. 2. c. 34. d. 27.* Tolet. Azor.

Tamen adhibitis debitis circūstantijs, & iustis causis, cohonestari potest. (D. Th. *quod l. 9. a. 15.*) & malitia eius impediri. (Less: Porro iustæ causæ cohonestantes, & Pontificem ad dispensationē mouentes, non possunt esse plures, sed vna sola, ad quā cæteræ reducuntur. Ea autem est Ecclesiæ necessitas, vel magna utilitas. Necessitas est aut intrinseca, propter ministerium. (casu quo desunt alij, vel idonei) Aut intrinseca, propter defensionem. (casu quo Ecclesiæ opus est aduersus hæreticos defendere) Tunc enim necessariū est, pastores esse potentes.

Utilitas, quando maior honor, aut cōmoda notabilius, Ecclesijs accedit, vt si alicui præclaro, sublimi, aut literato viro (nō tamen sola promotione, aut quali quali nobilitate

ornato), non sufficiat vnum beneficium ad honestè viuendū, iuxta suum statum, & possit ei absq; in cōmodo Ecclesiæ alterum dari; tunc, & non aliàs poterit honorari pluribus beneficijs. Quod tamen fieri non debet, nisi in ordine ad Ecclesiæ vtilitatem, (non ad fastum & luxum) vt potè, quia persona talis, plus profutura Ecclesiæ putatur (quod rarò experimur) absens, quàm alia præsens, propter suam prudentiã, industriam. Quod Less. lib. 2. c. 34. dub. 28. docet, & probat ex Conc. Lateranen. & D. Berna. Azor t. 2. lib. 6. c. 10. q. 2. Nau: cap. 25. n. 128.

## Q V Æ S I T V M V.

*Quod si non putetur subesse legitima dispensationis causa, is qui obtinuit per dispensationem plura beneficia, erit nē vitius in conscientia?*

R. Minimè, sed tenetur alterum resignare D. Th: quod l. 9. a. 15. Caiet: v. Beneficiorum multiplicatio. Soto lib. 3. de Iust. q. 6. a. 3. Tolet: lib. 5. c. 71. Rationem reddit, Less. n. 151. Tum quia Papa non est Dominus beneficiorum, sed dispensator. Atqui dispensator non potest pro suo arbitrio distribuere bona dispensanda, sed iuxta rationabilem voluntatem eorū, qui ea dispen-

dispensanda reliquerunt: & cōmodum eorum, in quorum vtilitatem relictæ sunt, quæ in proposito, est Ecclesia vniuersalis: Tum quia vnū sacerdotem habere plura beneficia, est contra ius diuinū naturale, secundum Caiet: Pontifex autem non potest dispensare in talibus, nisi interueniat iusta causa quæ turpitudinē tollat, vt patet in votis, iuramentis, & indulgentijs. Tenetur itaq; malè dispensatus, resignare aliqua, ex ijs quæ vel nō sunt ei secundum suum statum necessaria, vel in quibus legitima causa non intercessit. Hæc ex Lessio, Soto Iust. lib. 3. q. 6. a. 3. Azor t. 2. lib. 6. c. 10. vsq; ad 13. Tol. lib. 5. c. 80. & 81.

## Q V Æ S I T V M VI.

*Quid incurrit ille, qui plura retinet beneficia absq; dispensatione?*

R. Ille, qui habet aut duo beneficia curata, aut duas dignitates: aut (in summa) duo beneficia primi ordinis, & non statim resignat: officiose primum: ipso iure priuatus est, etiã secūdo, & inhabilis est ad sacros ordines, & ad quacunq; beneficium Ecclesiasticum, & ipso iure beneficia illa sunt dispositioni Sedis Apostolicæ reseruata, vt ex Extrauag: Execrabilis, docet. Less: l. 2. c. 34. dub. 27. n. 142. Insuper



pet Azor tradit. t. 2. l. 7. c. 17. q. 3. talem beneficiarium titulo carere, ac ob id fructus suos non facere: Cuius contrariū videtur: Lessius habere *dub. 35. n. 190.* dicens, talem beneficiarium non teneri se priuare beneficio secundo, donec per sententiam iudicis priuetur. Unde si nulla sententia sequatur, poterit illud retinere. Ad amittendum tamen primum nulla sententia opus est. Quamuis *S. v. Beneficium, n. 5.* requirat monitionem iudicis, etiam quo ad prius beneficium.

De beneficijs incompatibilibus secundū generis, iam dictum est, quod videlicet, retinens ea absque dispensatione, est in statu peccati mortalis.

#### Q V Æ S I T V M VII.

*Potestne dari aliquis casus post Conc. Tridentinum in quo quis licite possit plura beneficia sine dispensatione habere?*

R. Potest. Sed cum certis limitationibus.

1. Si beneficium quod habetur, siue curatum, siue simplex, sit valde tenue, ut non sufficiat congrue seu honeste sustentationi Clerici, verè, absque fraude. In tali casu, poterit beneficiarius aliud quidè, sed simplex, & vnum tantum, acceptare. Dummodo alterum co-

eratur

tum saltem, residentiam, seu assiduam presentiam, siue iure communi, siue consuetudine, aut statuto, siue etiam fundatione, non requirat. Hoc colligitur ex Conc. Tridentino, *sess. 24. c. 13. & c. 17. de refor.* Lessi. & Azor. Omitto autem illos casus, in quibus vnum datur in titulum, aliud in commendam: & quando beneficium est alteri annexum vel incorporatum. Hæc enim sunt manifesta.

#### Q V Æ S I T V M VIII.

*Quod beneficium censetur sufficiens vitæ Clerici sustentanda?*

R. Illud quod ipsi & suis sufficit. Nimirum, ut pro sua conditione habeat victum, amicum, habitationem honestam, prouisionem ad casus accidentes, morbos scilicet, &c. Non tantum pro sua persona, sed etiã pro tota familia: intra quam non tantum famuli annumerantur, sed etiam parentes, & alij consanguinei egentes. Præterea, secluso scandalo, ut ex beneficij fructibus, possit hospites, aduenas & peregrinos excipere: & Episcopalia iura persolvere. Debet autem hic ratio haberi nobilitatis scientiæ & li-

I 3

teraturæ

teraturæ atq; dignitatis. Azor q. 8. Cū resolutione ad Ecclesiæ vtilitatem, vt dictū est: & cauendum est, ne nimium nobis indulgeamus & attribuamus.

Q V Æ S I T V M I X.

*Teneturnè beneficiarij commorari & residere in sua Ecclesia?*

R. Azor. 1. 2. l. 3. c. 9. q. 2. Quòd etiã qui simplex beneficium habent, iure communi debent residere, vbi habent beneficium. At verò consuetudine (inquit) introductum est, vt simplices beneficiarij, qui non sunt Canonici, aut portionarij, possint ab Ecclesijs abesse, dummodo substituant vicarios, per quos inseruiatur Ecclesiæ. Verendum tamen est, ne potius sit abusus, & contra intentionem fundatorum, præsertim in beneficijs pinguibus.

Quoad beneficiarios, quibus incumbit cura animarū, isti tenentur iure diuino residere, per se suū officium administrare. Less: *dub. 29. ex Conc. Trid. Sess. 23. c. 1. de reform.*

Possunt tamen Episcopi absq; superioris approbatione, ex iusta causa, ad summū tres menses, siue cōtinuè, siue interruptè abesse à suis Ecclesijs, Parochi ad duos menses, ex legitima

gitima causa, per Episcopum cognita. Less: Canonici & ceteri beneficiarij ad tres menses in anno.

Q V Æ S I T V M X.

*Beneficiarij quomodo se gerere debent, in vsu prouentum suorum beneficiorum?*

R. Ita vt inprimis expendant, ad honestam commodamq; sustentationem suam, suorumq; quantum necesse fuerit: residuū verò in pios vsus erogent, & nō seruent, nisi pro cōmuniter occurrentibus casibus: neq; prodigè dispēscent. Alioquin peccabit mortaliter beneficiarius, impēdendo ea, quæ supersunt in profanis & superfluis, vtendo nimio sumptu, pretiosa veste. Solum enim licet ei, vti habitū necessario & honesto. Et bona nō sunt data Ecclesiæ ad superbiendum vel ditandum. Neq; potest diuitibus donare, aut in ludos impendere, recreationis causa, vel pro amicitia humana: Quia ista sunt extra pietatis opera. Nauar: *tom. 1. tract. de redditibus Ecclesiæ. c. Quonia § 22. Vbi multa bona & vtilia in mediū affert. Exemplū quoq; § 37. n. 2. præclarū recenset, de quodam prælato primario, qui ad persuasionē cuiusdam*

concionatoris Ordinis prædicatorū, mutauit animū, duabus horis aut tribus ante mortem, de suppellectili sua, nepoti quidē relicta, postea in pium opus conuersa, ob certissimam damnationem, sibi prædictam.

Neque consuetudo, inquit, potest beneficiarios in hoc, quod tunc dictū est, excusare. Et D. Th. 22. q. 185. a. 7. ad 2. monet Clericos, quod si uoluerit aliquid sibi subtrahere & consanguineis dare, possunt, dummodo inquit, hoc moderatē faciant. Et declarat statim particulam moderatē, id est, ut non indigeant, non autem ut ditiores inde fiant. Adducitq; D. Ambr. testimonium. Vide si vis Conc. Trid. *ses. 25. c. 1. de reform.* Azor vis quoq; copiosē hanc materiam prosequitur. *tom. 2. lib. 7. c. 8. 9. ac 10.*

### Q V Æ S I T V M XI.

*Potestne Beneficiarius, propria auctoritate, beneficium dimittere?*

R. Non potest: sed debet coram ordinario ipsum deponere: aliās reuocari potest, & nisi admonitus redierit, potest excommunicari. Azor *t. 2. lib. 7. c. 19. q. 6.*

### Q V Æ S I T V M XII.

*Potestne Beneficiarius resignare beneficium?*

R. Potest quidem: Si fiat absq; fraude, & habeat ipse unde uiuat: Sed ordinarij. hoc admittere non possunt, absq; legitima causa, Const. Pij V. Causæ autem plures enumerantur, uidelicet senium, aduersa valetudo, vitium vel impedimentum corporis, consciētia eriminis, Censura, &c. Azor. *t. 2. lib. 7. c. 19. q. 5.* Et Less. *lib. 2. c. 34. dub. 35.*

Hæc de pura resignatione: de conditionali uerò iam dictum est, in titulo 10. de simonia, sicut & de permutatione beneficiorum.

### Q V Æ S I T V M XIII.

*An. Beneficiarius possit facere testamentum?*

R. De bonis hæreditarijs, vel arte, doctrina, industria, acquisitis: aut aliqua successione, donatione uè: absque vlla Ecclesiæ relatione comparatis, potest. Constat etiam eisdē non posse iure cōmuni testari, de bonis ex Ecclesiā quæ sitis, hoc est, de fructibus beneficij. Sed Similipotēstificis facultate accedēte, possunt testari, in quosuis vsus: Azor *c. 19. q. 2.*

Et ex consuetudine multis in locis recepta, possunt absq; licentia, ad opera pia tantum. Imò etiam de licentia ad causas tantū pias, beneficiariū posse, docet Less. *lib. 2. c. 19. d. 4.*

Cum Nauar: Et peccare mortaliter (cōmuni inquit sentētia DD.) qui aliter disponunt, relinquētes bona cōsanguineis diuitibus, &c.

## TITVLVS XII.

### De Censuris.

Habet Quaest. 10.

#### QVÆSITVM I.

Quod sunt Censura?

R. Tres. Excommunicatio, Suspendio, & Interdictum.

#### QVÆSITVM II.

Quid importat Censura?

R. Accommodatione & vsu Ecclesiae, importat penam spiritualem seueram, medicinalem tamen, ac proinde temporalem.

#### QVÆSITVM III.

Qua est differentia inter Censuras?

R. Quia Excommunicatio directè priuat communionem fidelium: Suspendio, Ministerio Ecclesiastico. Interdum, Officijs & rebus diuinis

QVÆ-

#### QVÆSITVM IV.

Qua est Excommunicatio maior & minor?

R. Excommunicatio minor est illa, quae priuat sola preceptione Sacramentorum, seu passiuo vsu Sacramentorum: ita quod peccat mortaliter ingerens se Sacramentis suscipiendis.

Et hæc non incurritur nunc, nisi in duobus casibus, communicationis cum excommunicato: scilicet, cum percussore Clerici notorio: & publicè nominatimque excommunicato.

(uat.

Maiores verò omni cōmunionem fidelium priuat in primis Sacramentis, tam conferendis quàm suscipiendis.

2. Orationibus & suffragijs Ecclesiae.

3. Communionem quoque ciuili.

Habet quoque multos alios effectus, quos videre poteris in Suar: de censuris & Nauar.

Quinq; autem excusant, non vitantem excommunicatos.

1. Ignorantia. 2. Necessitas. 3. Vtilitas. 4. Coniungium. 5. Subiectio. Nau. 2, 27. n. 26. & Suar. & alij. S. a. v. Excom: n. 45.

QVÆSI-

## Q V Æ S I T V M V.

Irregularitas est inhabilitas, propter quandam indecentiam, impediens directè ac primariò, susceptionem ordinũ Ecclesiasticorum, coassequenter verò. vsum eorum.

## Q V Æ S I T V M VI.

*Quod sunt irregularitatis species?*

R. In genere duæ, videlicet ob delictũ & ob defectũ. In particulari verò sunt 1. 2. species irregularitatis. Et quidem sex sunt ob defectum, seu propter indecentiam inculpabilẽ ob dilectum autem, seu propter indecentiam culpabilem similiter sex.

Inculpabilis est, vt 1. Defectus nataliũ. 2. Defectus corporalis. 3. Bigamia. 4. Administratio iustitiæ in causa sanguinis, & cõcurfus ad eã. 5. Interfectio & mutilatio in bello iusto. 6. Defectus libertatis, vt in mæcipijs.

Culpabilis. 1. Sacramenti iniuria, vt est in rebaptizatione. 2. Censurę violatio, vt puta, si quis irretitus eis, attentet susceptionẽ, vel exercitium Sacrorum Ordinum. 3. Hæresis. 4. Homicidium. 5. Mutilatio. 6. Infamia.

## Q V Æ S I T V M VII.

*Ad evitandam irregularitatem: quomodo Confess-*

*Confessor, Concinator, & alius Theologus respondere debet, interrogatus de aliquo crimine, pœna mortis digno?*

R. 1. Si interrogans, neq; ad iudiciũ spectat, neq; à iudicio est subordinatus, licitam erit, fateri veritatẽ intrepide, tã in generali quã in speciali. Sylu. v. *Homicidũ* 3. q. 5.

2. Si interrogans, est etiam de spectantibus ad iudicandum: sed crimen non imminet in præsentĩ puniendũ, vel sententia iam lata est, licitè respondebitur generaliter Sylu.

Et Henric; lib. 14. c. 16. n. 4. inquit, in generali, potest Clericus cõsulere, legem fieri, qua fures suspèdatur, & prædicare illos esse furca dignos: sed cauendũ est ne dum instat occasio in particulari, sit causa proxima mortis: neque enim interrogatus de reo per iudicẽ, dicere potest: iure licitũ occidere. Aut, Ad nos non pertinet, quibus nõ licet interficere quenquam. At si iudex erat omnino paratus occidere, vel si in particulari non imminet occasio puniendi non fit irregularis ex generali responso.

3. Amplius processisse videtur, Sayro de Cens. lib. 6. c. 18. n. 25. Quotiescũq; quis interrogatur

in cōmuni, de aliquo delicto, aut male-  
ficio: An scilicet quis ob tale crimen, me-  
reatur mortem: & respondet, mereri, secuta  
morte in aliquo, nō incurrit irregularitatem  
(quāuis supra n. 16. Videatur accepisse limi-  
tationem Tabien: videlicet: Quādo non im-  
minet tūc casus in præsenti iudicandus) Vn-  
de concionatores, monētes iudices, in com-  
muni, vt suū officium exequantur, & impro-  
bos puniant, non contrahunt irregularita-  
tem, etiā si iudices hinc moueantur ad  
puniendum pœna mortis.

4. Siquis interrogetur in particulari, scili-  
cet. An Petrus fur sit suspendendus: tunc  
Consiliarius non potest respondere, esse sus-  
pendendum, vel malum esse, si iste euaderet,  
aut impunitus permaneret, Sed potest re-  
spondere in genere, vt faciat officium suum,  
vel (addit Sayro) in genere dicat, quod fures  
& homicidæ secundū leges pœna mortis  
puniuntur. Et tunc secuta morte non effici-  
tur irregularis. Quia respōsio non est in par-  
ticulari adhibita, vt hic reus decapitetur, vel  
suspendatur, sed solum in generali facta est  
declaratio iuris, & eius quod secundū leges  
fieri debet. Multa enim in genere licent, quę  
in specie non licerent. Sicut licitum est Cle-  
rico

rico in bello iusto, hortari in communi ad  
strenuē pugnandū & occidendum, in gene-  
rali. Et Fundatur hoc in rerum natura Nam  
qui alios instruere est potens, cur non debet  
tanquam scientificus in vniuersali docere: &  
cui vetitum est, ad actiones particulares cō-  
currere: de his consiliū dare, non licebit?  
Vnde si iudex vellet directē sibi responderi,  
de hoc reo. Respondebit Clericus: consulat  
alios, præsertim legisperitos, leges inspiciat,  
vel suum officium faciat. Eodem modo si in-  
terrogetur. Quid agendum est de eo qui pro-  
batus est fur. &c. Hoc autem est tutissimum.

5. Confessarius verò, potest dicere iudici,  
nolenti pœna mortis punire reum. Fac offi-  
cium quod debes, vel non possum te absol-  
uere, nisi feceris quod leges precipiunt, vel  
nisi punias reum, pœna secundum leges de-  
bita. Tunc enim declarat ex debito, quid iu-  
dex teneatur de iure & ex officio suo. Non  
tamen potest dicere, suspende, vel interfice  
eum. Similiter, si reo consulat consentire in  
sententiam mortis iustam, aut in confessio-  
nem delicti debitam, non est irregularis. Ni-  
si appellationem iure concessam, consulat o-  
mittere: esset enim causa accelerationis.

## QVÆSITVM VIII.

Clerici habentes iurisdictionem temporalem quomodo se gerere debent, in puniendis criminibus subditorum?

R. 1. Causas sanguinis ipsi per se agitare non possunt, sed debent constituere iudices seculares, qui hoc munus obeant. Quibus possunt & debent precipere, quod faciant unicuique iustitiã. Et si isti iudices constituti, quarant, quid agendum sit de aliquo, qui meretur mortem, respondere debent: ut consulant peritos.

2. Possunt Clerici delegare alicui, etiam specialiter, super aliquo maleficio, puta homicidio in sua iurisdictione commisso, ut ipse inquirat, & iustitiam administret. Et quãvis ipse delegatus, postea exequatur, & occidet; non propterea Clericus erit irregularis. c. fin. Ne Clerici vel Monachi in 6. Sayr. de censur. l. 6. c. 18. n. 16. 17. 18. ubi multos citat Doctores.

3. Possunt etiam iudem Clerici, legem & statutum condere, cum, & sub pœna mortis. Sayr. Et Henriquez lib. 14. c. 17. n. 6.

## QVÆSITVM IX.

Qui quarentibus indicat malefactorem, deti-

detinet, clamat, ut custodes veniant & captant, tradit, accusat, in iudicio; secuta morte efficitur irregularis?

R. Procul dubio efficitur. Sed inquirendum est, an is qui conquerit coram iudice, detinet, aut tradit, possit aliquo modo vitare irregularitatem: Hoc enim tam clericis, quam laicis ordinandis, appriime est necessarium.

Dicendum itaque est. 1. Quod si quis ista faceret propriæ utilitatis causa, non intendens pœnam mortis, sed tantum volens, aut periculum euadere, aut res suas recuperare, aut famulum, citra sanguinis effusionem, aliqua mitiori pœna corrigere & emendare: & præterea facta protestatione sincera, non tantum ore, sed etiam interiori voluntate ac mente, ne procedatur ad pœnam sanguinis: iste (quicquid postea fecerit iudex, etiamsi pœnam capitis infligeret) non esset irregularis. 2. Quod si faceret quis, absque tali protestatione, aut cum ea, sed in causa aliena, esset irregularis. Nau. c. 27. n. 217. & n. 226.

## QVÆSITVM X.

An Confessarius tempore Iubilei possit cum Irregulari dispensare?

R. Non

R. Non potest, nisi Bulla hoc exprimat.

Non solet autem id concedere, imò regulariter excipit.

Sed etiam si non exciperet expressè, non propterea possent Cōfessarij dispensare, quia concessio in nulla clausula contineretur.

Non sub absolutione à peccatis & censuris, cum irregularitas non absoluitur, sed dispensetur.

Neque sub potestate data supra vota & iuramenta: quia datur facultas commutandi, non dispensandi.

Etsi daretur potestas dispensandi, illa statim limitaretur ad vota & iuramenta duntaxat, & nō in sua amplitudine concederetur.

## TITVLVS XIII

### De Iubileo.

*Habet Quasita 14.*

#### QVÆSITVM I.

*Quid significat Iubileus?*

R. Vt ex Leu: 25. colligi potest, significat annum remissionis (vbi etiam in masculino, & sine

sine diphthongo ponitur, cum varij diuersi modi scribant) qui apud Iudæos quinquagesimus fuit. Suar. t. 4. d. 50. f. 4. Roderiq. Sum. c. 183.

Nunc vsurpatur ad significandū annum illum, in quo maximæ indulgentiæ conceduntur, qui prius fuit centesimus tempore Bonif. VIII. Postea Clem: VI. ad 50. reduxit. Et Paulus secundus abbreviauit, statuens vt in singulis 25. annis celebraretur. Tolet: 2. 6. c. 24. Tamen occurrente aliqua necessitate, solet extraordinariè concedi iubileus: ad instar horum ordinariorum.

#### QVÆSITVM II.

*Quid mouere solet Summum Pontificem ad concedendum Iubileum?*

R. Varij fines. Nam cum datur Iubileus statuto tempore; finis est. 1. Honoratio SS. Apostolorum Petri & Pauli: per visitationem Basilicarum illorum. 2. Reuerentia Sedis, quæ in ea est. 3. Vt fideles in fide confirmantur, & charitate accedantur, visitando Martyrum sepulchra.

Cum datur Iubileus initio Pontificatus, nouiter Coronati Papæ: finis est, impetratio diuini auxilij, pro tanto munere obeundo.

*Quando*



Quando cōceditur tempore afflictionis, tribulationis, periculi, & cuiuscunq; necessitatis Ecclesia, vel alicuius Reipublicæ Christiana, finis est, Dei (malā immittentis propter nostra peccata) placito, & misericordia eius imploratio, ac subinde auxilij in tribulatione auersionisq; malorū, impetratio.

### QVÆSITVM III.

*Qua est differentia inter Iubileum, & Indulgentiam præsertim plenariam?*

R. Quia Iubileus est tanquam totum, Indulgentiæ tanquam pars, separabilis tamen, à Iubileo. Siquidem Iubileus, continet Indulgentiam, & aliquid aliud. Indulgentia verò sola abiationem poenarum debitarum pro peccatis, & relictarum post remissionem, culpam, importat, vt inferius dicitur.

Iubileus itaq; & Indulgentiā exhibet, & plures alios fauores in foro cōscientiæ ac poenitentiae præstat: vt facultatē supra casus reseruatos, supra vota & iuramenta, Roderiq. c. 183. (vt intra dicitur.) Vnde Cōcionatores debent abstinere à nomine Iubilei, dū indulgentias promulgant: ne simpliciores decipiantur, & credant, omnia quæ Iubileus complectitur, concedi.

QVÆ-

### QVÆSITVM IV.

*Quæ & quot sunt in Iubileo consideranda?*

R. Quatuor: 1. Conditiones sine quibus Iubileus non obtineretur. 2. Fauores. 3. Ampliationes seu extensiones. 4. Exceptiones.

### QVÆSITVM V.

*Quod condiciones requiruntur ad consequendum Iubileum?*

R. Sex in particulari. 1. Processio vel Ecclesiæ visitatio. 2. Oratio. 3. Ieiunium. 4. Eleemosina. 5. Confessio. 6. Communio.

Nam cum bona opera, quæ Iubilei conditiones sunt, ad tria capita reducantur, scilicet, ad bona corporis, animæ, & externæ Peregrinatio seu visitatio spectat ad corporis afflictionem: Purificatio per confessionem, confortatio per spirituale alimentum, unio cum Deo per orationem: pertinet ad animæ bonum. Eleemosyna: ad bona externa, quibus indigenti proximo succurritur.

### QVÆSITVM VI.

*Declarentur ista requisita omnia & singula.*

Prima

Prima declaratio sit ista, quod omnia ista opera intra vnam hebdomadam debent expleri. Nam si quis in vna hebdomada ieiunaret, & in alia communicaret, non assequeretur Iubileum. Henriq. *lib. 7. de Indulg. c. 110. n. 2.* Et Roderiq. *c. 183.*

2. Opera illa quæ alligantur certis diebus, vt ieiunium feriæ 4. feriæ 6. & Sabbato, non possunt ad alium diem transferri aut præueniri: neque per alium quemque completi. Henriquez *cap. 10. n. 5. Decis. lib. 4. c. 15.* Solum autem ieiunium, olet esse onus dici, Roderiq. & Henriq. monent.

3. Non requirit cōditio Iubilei, vt omnes diligentia se u actiones enumeratæ, impleantur in statu gratiæ, & nō in peccato mortali: (quamuis intentio concedentis Iubileū, & ipse animus suscipiendi eum, implorandiq; auxilium diuinum: expostulare videantur, vt rem talē aggressurus recolligat se, cōpungatur, proponat in gratiam Dei redire, & ita bonum statum inchoet.) sufficit enim quod principale, videlicet cōmuniō, & vltimum opus, si quod post cōmunionem restaret faciendum, (vt Eleemosina &c.) sit in gratia. *Decis. & alij supra nominati.*

4. Ordo inter hæc bona opera, non est de necessitate.

5. Pro-

5. Processioni qui non interfuerunt, possunt per visitationem (ad minus vnus Ecclesiæ) supplere. Nam in Bulla disunctiue exigi solet, processio aut visitatio, & ideo satis est alterutrum facere, *Roderi.*

6. Qui tempore visitationis aut processions, non posset ingredi Ecclesiam, eod quod plena sit populo, sufficit orare extracam. *Rosella & Roderiq.*

7. Oratio fieri debet ad libitum, siue per Litanias, siue per vnam partem Rosarij, vel per aliquos Psalmos, aut etiam Oraciones Dominicas cum Salutatione B. V. MARIE, imò & breuius, *Roderiq. n. 9.*

Dummodo applicetur (siue ante inchoationem visitationis Ecclesiæ, siue in cæpto itinere) illis pro quibus fieri mandatur, vt pro Exaltatione S. Ecclesiæ, Hæresum extirpatione: Principum Christianorum concordia pro necessitatibusq; specialiter in Bulla expressis.

8. Eleemosyna danda est, secundum arbitriū dantis. Sufficit autem eam per famulū, vel amicū, nomine principalis dari. Qui si impotens sit (vt sunt pauperes ac Religiosi) loco Eleemosynæ debet subrogari (per commutationem confessarij) aliud opus piū, vt Oratio, Ieiunium, &c.

9. Tempus ieiunij & cōmunionis, si incidat in aliud ieiuniū, vt puta quatuor temporum vel quadragesimæ, vel obligationem cōmunionis paschalis, vno ieiunio & cōmunionem satisfiet, & Præcepto Ecclesiæ, & conditioni requisitæ, ad Iubilei consecutionem. Henriquez *l. 7. c. 10. n. 5.* Azor. *Ec.*

10. Laborantes & ægrotantes qui nō valent ieiunare vnica cōmestione, licitè possunt cōmutationem impetrare à Cōfessario. Roder. *Decis. n. 38.* Imò & illi, quibus propter ieiuniū, eueniret notabile detrimentū. Vnde ieiunandum est etiam senibus, & minoribus viginti & vno annis, si absque præfato periculo ieiunare possunt. Roderiq. *n. 10.*

11. Confessio quocunq; die fieri potest, infra hebdomadā, electam ad assequendum Iubileum: Et siue in principio, siue in medio requisitorum. Sanch. *lib. 4. moral. c. 54.*

12. Qui infra tempus Iubilei cōfiteretur animo suscipiendi Iubileū, sed postea propter aliquod impedimentum non facit alia requisita, aut etiam mutat animum, quem tamen habuit tempore cōfessionis: & mutato animo, non vult ieiunare, nec communicare ac propterea non consequitur Iubileum: is validè absolutus est etiā à reseruatīs, & relaxa-

tio)

tio vtorū facta, valida est: peccat tamē grauius, non implens alia opera necessaria ad Iubilei consecutionē, si absq; iusta causa facit: quia videtur in fraudē Iubilei facere, & cōtra virtuale pactū inclusum, in tali facultate ad talem finē concessa. Summus enim Pontifex non intendit concedere facultatem, nisi in ordine ad indulgentiam obtinendam, & pro illis qui habent animum lucrandi Iubileum. Et præterea illa opera videntur se habere tanquam pœnitentia iniuncta & acceptata pro talibus culpis Henriquez. *Sanch. lib. 4. Moral. c. 54. n. 42.* qui mutationem hanc vacare culpa, contra Suarez asserit. *n. 54.*

Cæterum, si dum confitebatur non habuit animum continuandi illas actiones, tunc decepti confessorem peccauitque grauius, (nisi voluisset tunc confessionem facere ordinariam, non habens reseruata peccata neq; indigens beneficio Iubilei, pro aliqua relaxatione habenda) & posuit obicem absolutioni Sacramentali, ac tenuit confessionem tanquam inualidam, & non integram, iterare, ac proinde reseruatō non est ablata, neque relaxatio validè facta.

Idem dicendum est de eo, qui sciens, &

K

volens,

volens, subtrahit aliquem casum referuat-  
tum, vt puta propter pudorem, nam tunc  
non est ablata referuatio à tali peccato, &  
censura: neque poterit ab eo absolui post  
Iubileum. Quia conditionem requisitam  
de confessione (videlicet rite facienda) non  
implet. Imo etiam quando referuatam ca-  
sum expressit, sed alium non referuatam,  
subtrahit, aut dolorem sufficientem, pro-  
positumue emendandi vitam non habuit.  
Sicut enim tunc absolutio erat nulla, ita  
nec referuatio sublata. Hinc ille quoque,  
qui per obliuionem culpabilem (ob non ad-  
hibitam sufficientem diligentiam) omisit  
aliquod mortale, ac proinde validè absolu-  
tus non est; censendus est, non amisisse re-  
seruationem. Nam referuatio, non nisi me-  
dia absoluteione aufertur. Sanch. n. 46.  
quamuis Henriq. l. 6. c. 16. n. 5. etiam in-  
contritè ac dimidiatè consentienti faueat.

13. Qui in Iubileo confessus est bona fi-  
de, sed inculpabiliter oblitus est, peccatum  
aliquod referuatam manifestare illud iam  
amittit referuationem, & poterit à quocun-  
que confessore absolui. Censura verò si an-  
nexa fuit directè sublata est. quamuis post  
confessionem bona intentione factam, mu-

tato

tato animo noluerit sua culpa obtinere Iu-  
bileum. Sanch. Roderiq. Et ratio est quia  
statim referuatio tollitur, ac homo à pec-  
catis validè absoluitur. Sanch. n. 36. & 39.

14. Si quis sub tempus Iubilei, hebdo-  
mada ad id electa, aliquoties inciderit in  
casum referuatam vel etiam censuram (ea-  
dem enim ratio est) toties poterit absolui  
durante Iubileo suo.

15. Neq; exigitur vsus eiusdem Confes-  
sarij, sed potest fieri ad diuersos recursus,  
pro commoditate & occasione. Potest eti-  
am ab vno fieri absolutio, ab altero voto-  
rum commutatio.

16. Si quis ad finem Iubilei accedat fa-  
cturus meritò longam confessionem, quia  
fortè vix aliquando integrè cōfessus est præ  
pudore, &c. Aut habet multos casus, qui in-  
diget multo studio aut deliberatione, aut  
debet multas restitutiones, quas sæpè iussus  
non impleuit: Vnde confessarius præ an-  
gustia temporis, non potest eum tunc inte-  
grè audire, posset eum intra tempus Iubilei  
absoluere à censuris & referuatione casuum  
exprimentorum tamen: differens absolu-  
tionè à peccatis in sequens tempus. Sanch:  
n. 33. Roderiq. c. 183. n. 12. Henriquez l. 7. c.

K 2

11. n. 3. 4.

11. n. 3. 4. Vel poenitens omnia peccata breuiter ac expedite (integre tamen) manifestet, cum proposito parendi resolutioni confessionis, vt interim absoluator, & Iubileum lucretur: Pro maiori vero quiete conscientia, examē exactius in aliud tēpus differatur.

Similiter qui tempore Iubilei cepit cōfiteri, elapso eo potest absolui. Sanch. n. 33. Roder.

17. Commutatio quoq; potest fieri in Iubileo, non tantum operis faciendi, si effici non potest: sed etiam prateriti, si videlicet non est factum, quod faciendum erat. Imò & voti non petendae commutationis. Sanch. n. 23. Et praterea opera subrogata, possunt impleri post Iubileum: neque amplius alligantur tempori: etiam ieiunium, Sanch. lib. 4. c. 54.

18. Absolutio danda est ordinaria cū intentione plenē (secundum totū posse) absoluedi. quamuis aliqui in absoluteione à censuris interponant, auctoritatem Papae,

19. Qui vltimò die, destinato pro communione, pateretur vomitū, aut ex obliuione biberet, vel quaecunque legitimum impedimentum haberet: posset commutationem obtinere in aliud opus pium. Idem de pueris, qui per ætatem non admittuntur ad communionem. Henriq. n. 2.

20. Hæc autem communio potest à quocunque ministrari, nisi incidat in tempus paschale, tunc enim vel à Parocho sumenda est, vel licentia petenda.

21. Potest aliquando breuiori tempore Iubileus obtineri, quā spatio vnus hebdomadae. Nimirū si propter aliquam iustam rationem, cōmutentur ieiunia, tunc enim eodem die fieri potest. Visitatio Ecclesiarū, Eleemosina, confessio, communicatio, & oratio: vt si quis sit infirmus, debilis, &c. ieiunare non valens Sanch. n. 28. c. 54.

22. Iubileus semel susceptus amplius iterari non potest. Sanch: c. 54. n. 29. Quod est contra eos qui ex simplicitate discurrunt per diuersas Parochias, ad toties obtinendum Iubileum.

23. Similiter Iubileus semel omissus & neglectus (consideratis considerandis) elapso termino recuperari non potest.

24. Existens extra patriam suam, audita publicatione Iubilei, statim potest illud consequi, aut expectare donec in sua patria publicetur. Roderiq. c. 183. n. 20.

Similiter iter facturus, potest, aut in itinere, aut si malit, postquam ad locum quietum redierit, præstare opera & lucrari Iubileum. Henriq. c. 11. n. 10.

## Q V Æ S I T V M VII.

*Quot & quos fauores Bulla Iubilei continet?*

R. Tres Amplissimam facultatem absoluedi à reſeruatīs, non tantum peccatis, ſed etiam cenſuris. Authoritatē commutandi vota & iuramenta. (Neq; enim putandum eſt, virtute Iubilei ipſo facto eſſe vota commutata, ſed ſola dantur facultas Confeſſori, vt commutet Sanch: n. 10.) Et Indulgentiam plenariam.

## Q V Æ S I T V M VIII.

*Quando in Iubileo datur facultas Confeſſoribus, ſupra caſus in Bulla Cæne Domini, cenſeturne conſeſſa facultas etiam ſupra ipſam hæreſim?*

R. Ait S<sup>a</sup> v. *Absolutio*. n. 25. quosdam affirmare, quosdam verò negare, niſi in Bulla id expreſſe, in ſpeciali concedatur. Et tamen v. *Excom: Bullen. 17. & v. Hæreſis* n. 12. in partem negatiuā inclinare videtur. Quam tenent ferè omnes moderni Doctores. Et quamuis S<sup>a</sup>. non in omnibus (locis) clarè: Viualdus tamen in *Candela: de abſolutione*. n. 17. ita aperte docet, & multos DD. inter quos Caietanum quoq; allegat. Præterea

terea ita reſponſum fuiſſe à Greg: 13. anno 1577. & ſtylum Romanæ Curia: talem eſſe, aſſerit. Nau: c. 27. n. 275. Iac: Graff: l. 4. c. 15. n. 25. Azor: l. 1. l. 8. c. 10. q. 12. & c. 19. q. 2. Sanch. *opere moral. l. 2. c. 12. n. 10.* & citat aliquot DD. Suar: t. 5. d. 7. ſ. 5. n. 11. & 12. & ſimiliter nominat aliquos ita ſentientes. Henriq. l. 6. de pecunia. c. 16. n. 2. adducit aliquot DD. Et addit hoc ita eſſe declaratum, proprio motu Pij V. 1572. Ianuarij 30. Arag. 22. q. 11. a. 3. aſſerens Greg. 13. ita declaraffe, & olim Urban. 4. Auila p. 2. c. 7. diſp: 1. dub. 7. Idein reſpondit quidam Prælatuſ Illuſtriſſim. qui aſſeruit ſe expectare à Summo Pontifice declarationem, aut potiùs conſeſſionem, vel extensionem ad caſum hæreſis pro Regno Polonia:, ſed antequam illa inde mittatur, nemini conſulerē contra tot authoritates, & praxim Romanæ Curia:, contrarium agere. Hæc quaſi obiter dixerim, nam fundamenta huius negatiuæ ſententiæ, quæ collecta habeo, reſeſſere longum eſſet: nihilominus qui voluerit, poterit conſulere præſatos authores. A ſchiſmate tamen tunc abſolui poteſt is, qui purus ſchiſmaticus eſſet, abſq; admixtione hæreſis. Similiter fautores, receptatores,

tores, defensores, libros retinentes, legendos, imprimentes, si hæretici non sint. Henrici. l. 6. de prima, c. 16. n. 2. in Commet. lit: L. Sanchez lib. 2. c. 12. n. 12.

## QVÆSITVM IX.

*Quot requiruntur ad commutationem votorum faciendam?*

¶. Tria: Autoritas, causa, & materia, Autoritas quæ sit, & ad quid se extendat Cõmuniter enim dari solet ad commutationẽ non ad dispensationem. Nam delegata potestas ad commutandum, non se extendit ad dispensandum, & è contra.

Causa quoq; consideranda est. Nã quamvis ad dispensandum maior exigatur causa, & grauior, (vt suo loco dicitur) tamen etiam ad commutandum exigitur. Sufficit autem leuis & parua: quia parua est facta, per commutationem remissio, vnde in Iubileis sufficit, vt vouens petat commutationem. Quia semper cum illa petitione concurrat, promptior vouentis voluntas ad materiam subrogatam. Quod cedit in maiorem Dei honorem, & Ecclesiæ benignitatis commendationem. Sanchez. c. 50. n. 22. & seq.

Porro quoniam materia voti est bonum, idcõ

ideõ materia quoq; subroganda loco alterius, debet esse bonum. Et quidem si cõmutatio esset facienda, in bonum euidenter maius, non requiritur Ecclesiastica potestas: potest enim ipse vouens propria auctoritate loco calicis argentei promissi, dare aureum. In bonum verò minus promisso, fieri non potest pura commutatio, etiã auctoritate Ecclesiastica; nisi ad misceatur dispensatio, cum graui causa: de qua modo non loquimur. Exigitur itaque æquale bonum priori, in quod commutandum est illud votũ. Quæ æqualitas: non scrupulose est accipienda, sed moraliter, ita vt prudẽtis arbitrio, nulla aut parua differẽtia esse credatur, vel saltem, non sit certũ, bonum subrogatum esse minus, illo antea promisso.

Ad hæc, ista æqualitas inter materiã presentem voti, & materiã subrogandam, non est perpetenda, ex natura illorum bonorum (constat enim orationẽ esse, secundum naturam suam nobiliorem, & superiorẽ ieiunio, peregrinatione, & elemosina. Et tamẽ pro afflictione vnus diei per ieiunium, non sufficeret recitare vnã partem Rosarij: neq; semper Deo gratius est vouentem facerẽ, quod per se excellentius) sed expendẽda est:

ista æqualitas, secundum proportionem rei, ad rem, vel quo ad acceptationem Dei, & vouentis salutem, pensatis omnibus circumstantijs, vt inferius dicitur.

Neq; ista æqualitas materiæ subrogandæ, respectu prioris promissæ, est ponderanda duratione, magnitudine aut numero: aut quod votum perpetuum commutetur in materiam perpetuam: potest enim in temporalem, si hoc compensari potest qualitate, & grauitate operis subrogati. Neq; requiritur, alligatio operis subrogandi ad idem tempus, & diem, quo res prius promissa, implenda erat. Quia potest esse tam grata Deo alio tempore, quam hoc. (quãuis & id posset fieri) Neq; exigitur materiæ conformitas: sed potest votum personale (vt puta peregrinatio) in reale mutari videlicet in elemosinã, &c. Sanch. c. 56. n. 24. Quæ autem sint consideranda in exæquatione materialium, inferius quesito vndecimo dicitur.

Circa autem istam commutationem multa scienda sunt. Ac imprimis, quod hæc commutatio potest fieri, non tantum in Sacramento penitentia, sed etiam extra. Sanch. n. 18. Item votum semel commutatum in aliquã materiam, potest iterum commutari, quoad illam materiam subrogatam Sanch.

Et acceptata commutatione, licet vouenti, redire ad priorem materiam promissam, omissa subrogata. Imo si sæpè votum sit commutatum, vt peregrinatio annua in mestrũ confessionẽ, ista in ieiunia aliquod, hæc in aliquot preces; licitum est vouenti exequi votum in quacumq; materia. Sanch. c. 55. n. 28. Azor t. 1. lib. 11. c. 18. g. 10. Sed postquam redierit ad prius votum, nolens commutatione vti, non potest ad subrogatã redire propria auctoritate, nisi sit facta commutatio in euidenter maius bonum, & votum illud, non sit Papæ reseruatum. Sanch. c. 55. n. 30.

Idem obseruandum est in commutatione iuramentorum, de quibus in appendice, titulo de Iuramentis, agetur.

### Q V Æ S I T V M X.

Quæ & quot sunt spectanda in commutatione faciendâ?

R. Multæ circumstantiæ sunt considerandæ, sed præsertim septem.

1. Maior Dei honor, & quod ei gratius aut æquè gratum sit. 2. Reipub. aut etiam vouentis ipsius utilitas, vt si magis congruit saluti eius spirituali. Vnde expedit mutationem facere, in res quas vouens sibi elegerit,



elegerit, vel solitus est facere: non alligando ipsas ad tempus. 3. Finis, ad quem promissum ordinatur, vt si quis propter caritatem, vouit peregrinationem: magis conducent ad eam, ieiunium, & oratio, frequentatio Sacramentorū, poenitentia, & Eucharistia meditatio. 4. Obligatio uouentis respectu rei promissa: nam si votū esset de vitando peccato, (v. g. fornicationis) minori commutatione opus est: quia per commutationē non auferetur obligatio præcepti: nisi illud votū valde arceret à peccato, tūc enim subrogandū esset, correspondēs opus tali fini. Hinc si votū cōduceret ad finē, cōmutandum esset in perpetuā menstruam confessionem, si non: in Rosarium totum, semel quolibet mense, per triennium.

5. Habenda est ratio difficultatis, in ad impletatione rei promissa, & subrogandæ: vt ieiunium pauperis in minorem Eleemosinā, vt quæ difficilior est pauperi quā diuiti.

Et pauciora ieiunia imponenda laborantibus, Cholericis & debilibus, quā otiosis, phlegmaticis, robustis. Quia pauciora in illis, æquialēt pluribus horū: ratione maioris difficultatis & laboris, in illis perferēdis.

6. Perpendenda est uouentis fragilitas: curādumque

dūque est, ne nimis grauetur, ita vt maneat periculo transgrediendi subrogatam materiam expositus, 7. Expensæ quoq; considerandæ, sed illæ quæ ultra domesticas, & ordinarias fierēt: & labor itineris. Vbi sciēdum est quod non exigitur expensæ computatas mitti ad locum, ad quē votū refertur. Sufficit enim ipsas erogari in pias causas, vbi placuerit. Sanch. c. 56. n. 21. Res tamen ibi offerenda, relinquenda, aut subsidium promissum, transfinitendum aut compensandum est, illi ipsi loco intento.

## Q V Æ S I T V M XI.

*Possuntne aliqua exempla mutandorum votorum proponi, vt Confessarij magis rem hanc penetrent?*

1. Possunt. Sanch: enim lib. 4. c. 56. n. 39. proponit aliqua. Primum itaq; exemplum est ex cap. venientis, de voto: vbi commutatur votum Hierosolymitanum cuiusdam pueri, ob iustam causam: vt id votum eleemosinis redimeret, & toto vitæ curriculo vni pauperi prouideret.

2. Ex cap: magna, de voto: simile votū cuiusdam Episcopi commutatur: vt expensas eundi & redeundi, & commorandi ibi, integrè

Integrè mittat (quamuis hoc non sit necessitas) deductis impensis quas domi erat factururus; & laborem itineris compenset, sollicitius instando vigilijs, deuotius vacando orationibus, & fortius se exercendo ieiunijs.

3. Labor peregrinationis promissæ, commutatur sic à viris doctis. Si peregrinatio pedestris esset promissa, vt ultra expensas; labor vnus diei commutetur in ieiunium vnus diei, & duorum dierum in duo ieiunia: & sic deinceps. Si non esset futura pedestris, vt labor quatuor dierum commutetur in ieiunium vnus diei, Sanch. Sayr. lib. 6. c. 12. n. 20. Azor l. 1. lib. 11. c. 18. q. 13.

Quod si peregrinatio mendicatio fuit promissa, nullæ expensæ sunt attendendæ, sed labor, & humiliatio.

4. Votum non contrahendi matrimonium, commutari potest, in confessionem singulis mensibus per triennium, & in nouem Sacra. Possit addi breuis aliqua oratio singulis diebus ad mortem.

5. Votum sacerdotij assumendi, in recitationem quotidianam Psalmorum poenitentialium Litanijs: vel Officij B. V. MARIE: vel integri Rosarij & in confessionem

ac communionem singulis quindenis, & faciendum sacrum quolibet mense, & vt voueat castitatem in statu seculari. Quod si vellet contrahere, addendum ieiunium, semel in hebdomada.

6. Votum ieiunandi semel in septimana; in confessionem & communionem triennio singulis quindenis, & in tria sacra facienda: Aut in recitationem Rosarij, & elemosinam modicam qualibet septimana, perpetuo faciendam.

7. Votum simplex Castitatis & Religionis non potest tolli pura commutatione, sed debet admisceri dispensatio Soto 7. de Inst: q. 4. a. 3. & Sanch.

### Q V Æ S I T V M XII

*Quotuplex est finis Iubilei?*

R. Duplex: proximus, qui est consecutio Indulgentiarum, hoc est, relaxationis, expiationis, & (vt interim sic crassa Minerua rem declarem) remissionem poenarum pro peccatis in confessione remissis debitarum. De quibus Indulgentijs erit specialis titulus, in appendice.

Vltimus finis Iubilei, est imperatio alicuius auxiliij, aut gratiæ à Deo.

## QVÆSITVM XIII.

*Quomodo ampliantur gratia in Iubileo contenta?*

R. Ad personas Religiosas claufas, in carceratas, itinerantes, infirmas.

Sed diuersimode. Nam Confessarijs claustralium perpetuo degentium, in carceratorum, captiuorū, infirmorum, nō valentium requisita implere cōmittitur, vt possint omnia & singula in pietatis opera cōmutare, vel in aliud, proximum tamen tempus, differere. Vbi vtrumque arbitrio ipsius Confessarij committitur.

Quoad itinerantes autem, vel nauigantes aliter dicitur. Nam neque dilatio, neque commutatio Confessarij committitur: sed ordinatur, vt illi peracto tali itinere, requisita exequantur.

## QVÆSITVM XIV.

*Quomodo limitantur fauores Iubilei?*

R. Restringuntur quo ad duo:

1. Quo ad irregularitates, siue publicas, siue occultas: notas, defectus, incapacitates, inhabilitates. Ad has enim non se extendit facultas confessariorum, neque etiam info-ro interiori, vt dictum est superiori titulo.

2. Quoad

2. Quoad censuras: Quod absolutio ab illis valebit, in foro poenitentiali tantum: in contentioso autem posse procedi contra absolutū. Deinde neq; in foro interno conscientie, quoad illos, qui sunt ab aliquo iudice excōmunicati, suspensi, vel interdicti, vel alias incidisse in hæc, declarati, vel publicè denūciati, nisi intra tēpus Iubilei satisfecerint, aut cum partibus concordauerint.

## TITVLVS XIV.

*De quibusdam superstitionibus*

*Habet Quæsitā 4.*

## QVÆSITVM I.

*Fascinatio quid significat: an detur; & quomodo curetur?*

R. 1. Fascinatio importat quoddam nocuumentum, quod aliquis alicui se distanti infert, aspectu, voce, aut laudatione.

2. Fascinatio triplex potest esse. Vulgaris atq; fabulosa. Naturalis: & Magica.

Vulgaris quidem illa est, cūm aliquis lædit quempiam, non coiunctum corporaliter, nec in eum quidpiam agens, sed mere sola visione, voce aut commendatione.

Natu-

Naturalis est, contagio seu infectio, ex quibusdam causis naturalibus procedens.

Magica, est nocumentum alteri illatum opera diabolica, & pacto cum ipso inito, cuius nota potest esse in oculis.

Hac distinctione possunt DD. Conciliari affirmantes, & negantes eam dari.

Nam Glossa *Gal. 5.* aperte docet quorundam oculos esse virulentos, qui alios videndo, præsertim infantes & pueros atq; animalcula, inficiunt. Cuius ratione assignat D. Th. 1. q. 117. a. 3. ad 2. egregiam.

Cæterum alij constantissime negant. Inter quos Abulensis *Sup. q. 18.* sic ait: Nos quoque cum tota Ecclesia fascinationem improbamus. Eandem damnat Basilus, Chrysostomus, Hieronymus. Porro Richard. *Quodlib. 3. q. 12.* profert duos articulos, quibus anathema dicitur his, qui illam tenent.

Itaq; hi DD. sic possunt conciliari, quod vulgaris illa fasciatio est muliebris nugatio, atque superstitio, nullum fundamentum apud philosophos, aut medicos habens. Neq; enim aspectus ex se solo, absq; admixtione alicuius causæ naturalis, vel diabolicæ, potest esse venenosus, & noxius.

Simi-

Similiter & vox seu laudatio, vnde merito eam damnant DD. Atqui naturalis, & diabolica: possunt admitti.

4. Fundamentum Physicæ fascinationis, est corruptio humorum in homine, proueniens ex annositate, morbo, cibis nocuius. Quæ corruptio prodit in oculos præsertim, & illos atque nares: Dum verò intra oculos, nares & os non continetur; emissa ex ore per habitum, ex oculis & naribus per euaporationem, inficit aerem vicinum, qui infectus insinuat se in oculos pueri, quæ est pars tenerrima, & attrahitur ore pueri oscirantis; inde ad alias corporis partes diffunditur. Vnde & puer infirmatur, ac vomitum patitur. Quod manifestari posset hac experientia, a D. Th. vbi supra, allata. Ex aspectu mulieris menstruatæ, specula, si fuerint noua & pura, contrahunt quandam impuritatem: ita vt superficies sit, velut nubes sanguinea: similiter mutuus intuitus inter sanum & lippum, læsionem facit.

5. Origo huius superstitiosæ & vulgaris fascinationis, facta est à gentilibus, quorum dementia eò vsq; processit, vt seipsum quoque aliquem fascinare posse, crediderint.

6. Reme-

6. Remedij autem vanis uti, ut lauare faciem aqua Muij, cum quibusdam obseruationibus, superstitiosum est. Sed error deponendus est, (quo ad fabulosam fascinationem,) Aut ad remedia naturalia per medicos: & supernaturalia, per orationes, usum Sacramentorum, (si subiectum capax est) vel tandem aquæ benedictæ, si infectus, puer est, (quo ad fascinationes naturales & veneficas.) Patienter autem tolleranda est, crux hæc, à Deo promissa, imò etiam mors, si Deo non placuerit, per hæc remedia sanitatem restituere: & non est recurrendum ad dæmonis hostis nostri præsidia. Poterit ille conferre sanitatem, applicando oculos naturales virtutes, sed cum præsentissimo periculo damnationis æternæ. Hæc obiter & breuiter sunt dicta, ut folium impleretur. Plura si quis scire desiderat, legat Azot. 1. lib. 9. c. 25. Martium Delrium lib. 1. c. 3. q. 4. Et lib. 3. q. 4. sect. 1. Sanch: lib. 2. c. 40. n. 48.

### QVÆSITVM II.

*Licetnò duobus secum pacisci, ut promouens superstitij appareat, certiore eum facturus de suo statu.*

¶ Hoc

¶ Hoc valde periculosum est, quia tales exponunt se periculo illusionis diabolicæ. Incertum an ipsa anima compareat, vel dæmon eius vices subit. Præsumptuosum ac temerarium est, scrutari arcana Dei, circa salutem nostram. Satis autem est sequi doctrinam Apostolicam, cum timore & tremore operando salutem suam: præcepta Dei implendo, regulas Ecclesiæ & S. scripturæ obseruando.

Hinc esse videtur, quædam Dei tentatio velle scire, via extraordinaria, omiſſa via nobis per diuinam prouidentiam ostensa.

Peccaminosa quoque est ista curiositas periculosa, & pro varietate circumstantiarum, aliquando erit culpa mortalis, aliquando venialis. Sanch: lib. 2. c. 38. n. 25. Delrius ibidem citatus.

### QVÆSITVM III.

*Prouocare ad diuinum iudicium, licetnò?*

¶ Regulariter non licet, quia est extraordinarium medium, & periculosum. Nilominus, aliquando iniuria affectus, licetè potest lædentem citare, ad comparandum coram Deo iudice, siue intra cer-

tum

238 De quibusdam superstitionibus  
tum tempus, siue absolute: concurrenti-  
bus quinque conditionibus.

1. Ex parte iudicij humani, si non sit qui  
iustitiã administret, vel nolit, aut opprimat

2. Ex parte prouocantis, si alias sit pius  
ac timoratus.

3. Ex parte motiui, vt non faciat ex odio,  
impatientia, ira, desperatione, vanitate, aut  
vindictæ cupiditate, & quouis alio malo  
affectu.

4. Si sit in materia maximi momenti,  
& non sit causa leuissima.

5. Ex parte finis & intentionis, vt scilicet  
eius innocentia appareat: familia nõ graue-  
tur infamia, vt liberetur mundus tali Tyrãno,  
aut is resipiscat, & timore percussus pœni-  
teat, desinatq; ab oppressione miserorum.

Abiq; his conditionibus id facere, est pec-  
catum mortale, quia graue nocumentum  
proximo infertur. Traducitur enim, & si  
sit menticulosus, ex terrore moritur, aut  
in morbum incidit.

Citatus tamen si nullius iniustitiæ con-  
scius est, potest talem tentationem flocci-  
pendere. Conscius autem alicuius iniuriæ,  
debet se diligenter recollire & corrigere.

Deltius lib. 4. c. 4. q. 4. sect. 1.

D. vno d. vno; S. d. vno d. vno. QVÆ-  
D. vno

QVÆSITVM IV.

Consuetudo, qua iumentis vena aperi-  
tur die alicui sancto dedicato, estne  
superstitiosa.

✱ Est superstitiosa, ac proinde extirpanda.  
Quia nulla causa naturalis, huius rei esse  
potest. Neque supernaturalis, quæ aut in  
sacra scriptura tradatur, vel ab Ecclesia do-  
ceatur. Et præterea, diabolicum inuentum  
est, vt homines à Dei cultu retrahantur, &  
his vanis distrahantur. Idem dicendum est  
de collectione herbarum tali vel tali tem-  
pore, festo aut vigilia. Et de obseruatione  
temporum, de qua superstitioni versus erant  
olim. Clara dies Pauli &c. De his copiose.  
Deltius lib. 3. q. 4. sect. 6. Sanchez lib. 2.

cap: 40. nu. 31. & 32. Sayro lib. 4. cap:

6. nu. 8. Nauar: cap: 11. nu. 34.

Greg: Val. 22. dist. 6.

q. 13. p. 2.

F I N I S.

BIBLIOTECA



JAGELLONICAE





